

CA TITSA' TSE' NU CCA QUI' JESUCRISTUA NU BEDIA SAN LUCAS

El Santo Evangelio Según

SAN LUCAS

1 Nuỹetse' ca enne' chi beni cabi duel-la' gudia cabi en orden historia qui' ca cosa nu hualigani uccua entre ri'u, ²ti'taání chi nabia'ni ri'u por medio de predicación qui' ca enne' bila'ni ca cosį dèsideba gudulo uccua çą. ³A'hua inte', bitola de chi uccua tsì'a' saber acerca de iyaba ca cosį ti'iỹa uccua loti' gudulo çą, acca rú'u huá látsa'a' gùdia ya' çą en orden ba para lu' estimado Teófilo, ⁴para qui'ni gunibíá' tsè' lu' nu ná lígani sobre de nu chi beluè'ni çą lu'.

⁵Loti' uccua Herodes rey le' distrito nu lá Judea nna, gùdua ttu sacerdote le' grupo qui' Abias lá bi Zacarías. Niula qui' bía nna lá bi Elisabet, dá'tia' huá bi dèsideba le' familia qui' Aarón enne' uccua sacerdote primérute tiempo antigua. ⁶Chuppa taá cabi nna yala èxani gutsé'le cabi lani Tata Dios, gutua cabi iyaba ca mandamiento qui'e nna labí biỹa mal beni cabi. ⁷Pero lanú yi'ni cabi uccua, porquini

Elisabet nna uccua bi niula huètši. Chuppa taá cabi nna chi ná cabi enne' gùla. ⁸Ttu vuelta nna de gùl-la' ládi grupo qui' Zacarías para guni cabi tsina nu runi ttu sacerdote tiempo lània para guni cabi Tata Dios servir; ⁹tì'a ná bá costumbre qui' ca sacerdotéa nna gùl-la' huá Zacarías gá'a bi le' templo qui' Señor para gudayi bi tì'a ttu cosa nu ná yàlá'. ¹⁰Iyaba ca enne' yétse'á nna gulèda çą fuera nna beni çą oración miéntraste ral-la' yàlá'á. ¹¹Làniana de repente taá gùdu ttu ángel enne' guthel-la' Señor ru'a lo Zacarías lado bàni qui' altar làti ral-la' yàlá'á. ¹²Zacariás nna bilá' báni bi ángelia, galá gání tsía bi ùccuaní bi de tántua gutsini bi. ¹³Pero ángelia nna rèe bi: Zacarías, bittu gátsini lu'. Chi biyénini Tata Dios oración qui' lu', acca niula qui' lu' Elisabet nna gúditsina' bi ttu nító', quixa lu' lá bi Juan. ¹⁴Yala la' redacca' latsi' gáta'ni lu', a'hua canchu chi galía

bi nna enne' yětse'ní nna edacca' huáni ça, ¹⁵porqui'ni ccá bi enne' yēni para lani Tata Dios. Labí í'ya bi vino nihua biya licor ni nna. Sino Espíritu Santo nna thúe lani bi dèdèba ántescala galia bi. ¹⁶A'hua por medio de làbi nna, nuyētse' ca enne' Israel eyequua ça lani Señor enne' ná Dios qui' quí. ¹⁷Yi'ni lu' Juan nna tsá bi lani la'a mísmuba espíritu de la' huacca nu guta' qui' Elías para gútse'e tsè' bi ca tàta lani ca yi'ni quí, a'hua para qui'ni canu cabezudo nna guthete' ça guni ça nu ná tsè' ru'a lo Tata Dios. Anía modo nna guni bi preparar ttu yetsi para guni ça recibir Señor enne' íl-lani bitola. ¹⁸Zacarías nna ra tè bi ángelia: Ti'ani modo tsíalátsa'a' nui ni'i, porqui'ni inte' nna chi ná' enne' gùla, a'hua niula quíya'a nna yala chi dia ida qu'í. ¹⁹Becàbi ángelia nna ra bi: Inte' ná' Gabriel, runia' servir Tata Dios. Lèe nna guthel-le'e inte' para qui'ni ínnia' lani lu' nna quixa'ánia' lu' ca noticia tsè'. ²⁰Pero annana eyà'na lu' mudo labiru cca inne lu' hàsta'na i'yu tsá qui'ni ccá ca cosí, porqui'ni labí huíalatsi' lu' ca tita' quíyi'í, pero hui'yu bá tsá ná qui'ni ccá cumplir nu chi gutixa'ánia' lu'.

²¹Ca enne' yétsiá nna tsè'e bá ça fuera ribèda ça Zacarías, yala nùye uccuani ça porqui'ni ritsá bá bi le' templua. ²²De beria bi nna labiru uccua inne bi lani ça, acca gutelíni ça qui'ni bila'ni bi nuya ttu ángel le' templua. Gunne tènì Zacarías ça puro lani seña ba, puesto qui'ni beyà'na bi mudo. ²³Bedá'a diba tsá nu ná qui'ni guni Zacarías servir le' templua nna, acca beyya

bi para litsi' bi. ²⁴Bitola de lània nna gutebé'ni niula qui' bía qui'ni nùà' bi huatsa to', acca gùdua bi le' yú'tu por gayu' biú' nna ra bi: ²⁵Por fin nna beni Señor Dios permitir nui lani inte', para qui'ni bíttuúru quiniyu ca enne' inte'.

²⁶Cca xuppa biú'a nna guthel-la' Tata Dios ángel Gabriel le' región qui' Galilea hàsta'a ttu yetsi láq Nazaret, ²⁷làti dua ttu niula chì' nábabáni ttu ènne'yu' bi lá bi José. Joséa nna dá'tia' bi dèdèba le' familia qui' David enne' uccua rey. Niuláa nna lá bi María. ²⁸Gutà'a tè ángelia làti dua María nna benie bi saludar nna rèe bi: Yala ica'rubà lu', porqui'ni Señor Dios nna dùe lani lu' a'hua adí bendecir chi runie lu' de lo iyaba ca niula. ²⁹Pero María de bilá'ni bi ángelia nna uccuayí bá latsi' bi por tita' qui'éa, acca uccuani bi: Biadi' lo acca beni enni'í inte' saludar íj. ³⁰Làniana ra tè ángelia bi: María, bittu gátsini lu', porqui'ni chi gùppa lu' favor ru'a lo Tata Dios. ³¹Acca huá' lu' ttu nító' nna; canchu chi itsine'e nna quixa lu' lée JESUS. ³²Lèe nna quée enne' yēni porqui'ni née Yi'ni Tata Dios Tsùna' enne' rigú'ubia' lo iyate nna gunie qui'ni quée rey tí'a ta' tata qui'e David enne' gùdua tiempo antigua. ³³Lèe nna cu'úbì'e nación qui' ca enne' Israel tulidà taá, a'hua la' rigú'ubia' què'e nna nunca labí l-lu'ya latsi'í. ³⁴Làniana ra tè María ángelia: Ti'ani modo ccá nui ni'i, porqui'ni labí chi nabia' te' ènne'yu'. ³⁵Angelia nna ra tie bi: Espíritu Santo nna chádìe sobre lu' nna íl-lani la' huacca qui' Tata Dios enne' dua yiabara', tí'a ttu yùla làti dua lu'; acca enne' galia nna quée

para Tata Dios nna gata' léé Yí'ni Tata Dios. ³⁶A'hua pariente qui' lu' Elisabet enne' reya çá niula huètsia nna, chi dia para xuppa biú' nùà' bi huatsa to' màsqui'ba chi ná bi enne' gùla. ³⁷Porqui'ni labí biya té nu ná tàbi para lani Tata Dios. ³⁸Làniana ra tè Maríaa: Nì ba dua' para ccá' huenitsina qui' Señor Dios, ccá bá lani inte' según bá nu ra cuiç'lu'. Làniana beda' ángelia ru'a lo bi.

³⁹Bitola nna biria Maríaa na huía chì bi le' ttu yetsi nu ga'nà le' ca i'ya tó' qui' distrito nu lá Judea. ⁴⁰Gutà'a tè bi litsi' Zacarías nna beni bi Elisabet saludar. ⁴¹Tiempua de biyéni Elisabet saludo qui' María nna, huatsa to' nùà' bía nna bitsiánià lè'e bi por la' redacca' latsi'. Làniana Elisabet, de beni bi recibir la'huacca qui' Espíritu Santo nna, ⁴²gunne bi idítsa nna ra bi Maríaa: De lo iyaba ca niula nna adila bendecir beni Señor lu' a'hua huatsa to' nùà' lù'a'. ⁴³Ti'ani modo acca rídíá' tanto favor hasta qui'ni lu' nàna qui' enne' gunna salvación quia' nna tanèl-le' lu' inte'. ⁴⁴Porqui'ni beni diba lu' inte' saludar nna, huatsa to' núá' yì'ì nna bitsiáni bi lí'a'. ⁴⁵Ica'rubà lu' porqui'ni ríalatsi' lu'; porqui'ni huacca cumplir nu chi ra Señor Dios qui' rí'ua. ⁴⁶Làniana gunne Maríaa nna ra bi:

Lani itute látsa'a' rudálianía' Señor,

⁴⁷A'hua tanto la' redacca' latsi' té lo lóstu'a', porqui'ni lèè nna née Dios enne' gunna salvación quia'.

⁴⁸Chi gulèqqie inte' cuenta para gunia' servir ru'a lúe, màsqui'ba labí dacca'a'.

A'hua dèsdeba anna iyaba ca enne' nna gá çá inte': Ica'rubà lu'.

⁴⁹Porqui'ni Tata Dios enne' té itute la'huacca quì'e nna, chi benie ca cosa yénitse' para inte', yala santo ná nombre quì'e.

⁵⁰Tulidàni té la' retúalatsi' quì'e para lani iyaba canu runi ti'na nu calatsi'e.

⁵¹Ca cosa nu chi benie nna rulue'ní qui'ni yala la'huacca té quì'e. Gùtue la'huacca qui' canu yala rebatta', benie çá vencer.

⁵²Gùtue la' huacca qui' canu rigú'ubia' nna bete tìe la' dàlianí qui' ca enne' yénlatsi'.

⁵³Canu ritùni nna guthel-le'e la' tsè' qui' quì, hàstaá qui'ni labiru biya reyàtsani çá.

Pero canu rico nna, de una vez tení bequètsie ná' quì.

⁵⁴Benie ri'u cualani porqui'ni ná ri'u yetsi quì'e Israel para guni ri'u e servir nna labí betu la' retúalatsi' quì'e lani ri'u,

⁵⁵Tì'a nu benie prometer lani ca ta' tàta qui' rí'ua, dèsdeba lani Abraham, a'hua lani iyaba ca descendencia qui' bi tulidàni.

⁵⁶Gudua tè Maríaa lani Elisabet ttú tsunna biú' ti'gá. Bitola nna beyéqquia bi litsi' bi.

⁵⁷Bi'yu bá tsá ná qui'ni itsina' huatsa to' qui' Elisabet nna bedítsina' tè bi ttu nubeyu' to' qui' bi. ⁵⁸De bina ca vecínua' a'hua ca pariente qui' Elisabet qui'ni beni Tata Dios bi bendecir lani ttu

nubeyu' to', yala bedacca' latsi' qui' nna huía cã litsi' bi. ⁵⁹De uccuani huátsáa xunu' ubitsa nna huía cabi para ccá huátsáa circuncidar de beni cabi ă presentar lani Tata Dios. Uccua latsi' cabi gata' láa huátsáa Zacarías tì'ba lá tàta qui' bía. ⁶⁰Pero Elisabet nàna qui' huátsáa nna ra bi: Alàa ă, sino Juan la gata' líj. ⁶¹Ra tè cã bi: Bianicca ni'i, lanú pariente qui' lu' té lá ă. ⁶²Làniana gunàba titsa' cã tàta qui' huátsáa lani seña biyã calatsi' bi gata' líj. ⁶³Gunàba tè bi ttu bereta nna bedia bi lúj: Juan té líj. Iyaba cã nna yala biquila' latsi' qui'. ⁶⁴Lània taá nna benne Zacarías nna gudulo bi bedàliani bi Tata Dios. ⁶⁵Iyaba ca vecino qui' bía nna yala biquila' latsi' qui'. Làniana le' ituba lugar i'ya tó' qui' distrito nu lá Judea gudà titsa' de iyaba nu uccua. ⁶⁶Iyaba canu bina nu uccua nna yala belaba latsi' qui' ă'hua gunàba titsa' luetsi qui' nna ra cã: Núgani í'yú huátsíj quée cá. Anía ra cã porqui'ni Señor Dios nna hualigani benie huátsáa bendecir.

⁶⁷Zacarías enne' uccua tàta qui' huátsáa nna guyi' bi la'huacca qui' Espíritu Santo nna gunne bi ca titsa' nu beni Tata Dios latsi' bi inne bi nna ra bi:

⁶⁸Bendito Señor Dios qui' ca enne' Israel, porqui'ni chi due entre ri'u nu ná ri'u yetsi qui'e nna, chi bedilèe ri'u.

⁶⁹Chi guthèl:le'e ttu enne' té la'huacca qui'e para gudilèe ri'u nna dé'e le' familia qui' siervo qui'e David.

⁷⁰Anía benie prometer por nu gunne ca enne' uccua profeta qui'e dèsdeba chía gutsa.

⁷¹Rèe qui'ni gudilèe ri'u latsi' ná' ca contrario qui' rí'ua, ă'hua latsi' ná' iyaba canu ruyudí' cã ri'u.

⁷²Ra huée qui'ni éxalatsi'e nu benie prometer lani ca ta' tàta qui' rí'ua porqui'ni retúalatsi'e cabi nna labí iỹul:lanie promesa lígani nu benie lani cabi.

⁷³Nui nna ná' titsa' tsè'ni nu gunne Tata Dios lani ta' tàta qui' ri'u Abraham chía gutsa loti' rèe

⁷⁴qui'ni gudilèe ri'u latsi' ná' ca contrario qui' ri'u, para qui'ni guni ri'u e servir sin la' rátsilatsi',

⁷⁵Para qui'ni tsé'e ri'u ru'a lúe lani ttu losto' nàri' de runi ri'u nu rú'ulatsi'e itúyiani ca tsá ccabàni ri'u.

⁷⁶Lu' nna nító' quia', ccá lu' profeta para quixa'a lu' ca titsa' qui' Tata Dios enne' dua yiabara'.

Porqui'ni ya'la la lu' tsía para guni lu' preparar ca néda para qui'ni guni ca enne' Señor recibir.

⁷⁷Anía modo nna quixá'ani lu' yetsi qui'e titsa' nu gunna salvación qui' qui', para qui'ni eyuniyén latsi'e ca tul:la' qui' qui'.

⁷⁸Por tántuani la' retúalatsi' qui' Tata Dios lani ri'u nna, chi benie qui'ni huàni' ttu tsá cubi para ri'u.

⁷⁹Para qui'ni canu tsè'e le' chul:la, ă'hua canu tsè'e le' yula qui' lù'utia nna gudani' ràbani la'yani' lo losto' qui'. ă'hua

íchi'e ri'u lo néda lígani nu runna la'yeni.

⁸⁰ Conforme dia ba Juáan ri'yeni bi nna guta' huá adí fuerza espiritual qui' bi. Gureni tèt bi fuera yétsiá hàstaá qui'ni bi'yu tsá cca bi presentar lani ca enne' Israel.

2 Tiempo lània nna beni Augusto César orden qui'ni ituba làti rigú'ubia'a nna ichitha cã censo. ² Primer cénsuì nna uccuã loti' Cirenio nã gobernador qui' naciòn láã Siria. ³ Iyaba ca enni'a nna ná qui'ni eyya ttu tsa cã le' yetsi qui' qui' para qui'ni gute cuenta láa qui'. ⁴ Acca beria tèt Joséa le' yetsi Nazaret de Galilea nna beyya bi attu distritu huaya' láã Judea hàstaá ttu yetsi láã Belén, la'a mísmuba yetsi làti bitsina' David. Joséa nna huía bi Belén porqui'ni ná bí descendiente lígani qui' David nna, ⁵ huía bi nía para gute cuenta láa bi. María enne' chì' nábabáni bi para ccá bi niula qui' bi nna huía bi lani bi. María nna chi nùà' bi huatsa to'. ⁶ Le' yetsi Belén bá tsè'e cabí nna, gùl'la' tiempo nu ná qui'ni itsìna' huatsa to' qui' Maríaá. ⁷ Bitsina' tèt ttu nubeyu' to' ÿì'ni neru bi nna, betetsí tèt bi e lari' nna gutìxa bi e le' ttu yú'u làti ro ca gù'na bia', porqui'ni labí lugar tèt le' yú'u posádaá para làcabi.

⁸ Tsè'e tèt tuchùppa ca pastor exa gáabá yetsi Belén, rappa cã ca carnero qui' caniá de réla.

⁹ De repente taá nna bitsina' ttu ángel por mandado qui' Señor nna gùdu bi làti tsè'e canaá. La'yani qui' Señor nna bedàni'e ita'lùba làti tsè'e canaá nna yala gutsini cã. ¹⁰ Angelia nna ra tèt

bi cã: Bittu gátsini le, porqui'ni annana quixa'ánia' le ca titsa' de la' redacca' latsi' para iyaba ca enne': ¹¹ Porqui'ni annana le' yetsi Belén méruani yetsi qui' ta' tàta qui' le David nna chi gùlia ttu nito' enne' quée Salvador qui' le nna née CRISTO enne' cu'úbia' lo iyate. ¹² Iì modo nna etseláni li e: Taxacca' le nítú'a túbie lári' tée le' ttu yú'u làti ro ca gù'na bia'.

¹³ De repente tabá nna bitsina' adí iýé mili' ca ángel qui' ÿiabara' làti du ángelia nna, bedàliani cabi Tata Dios nna ra cabi:

¹⁴ La' dàliani para Tata Dios enne' dua le' ÿiabara',

Para yétsiloyu nna voluntad tsè'è nna la'yeni lo losto' iyaba ca enne'.

¹⁵ Bedà' bá ca ángelia deyya cabi ÿiabara' nna, làniana ra luetsi ca pastor: Léya' xiatsánna hàstaá Belén para ilá'ni ri'u nu uccua nu chi gutixa'áni Señor ri'u. ¹⁶ Deyya tèt cã quèthani nna betseláni cã María nna Joséa nna, nítú'a nna tée le' ttu yú'u làti ro ca gù'na bia'. ¹⁷ De bila'ni cã huátsáa nna gutixa'áni cã cabi tì'a chi ra ángelia nu cca qui' huátsáa. ¹⁸ Iyaba canu biyénini nna biquíla' bá latsi' qui' por nu ra ca pastor. ¹⁹ María nna yala belaba latsi' bi nna tulidàba bexa latsi' bi ca coşì. ²⁰ Bedà' tèt ca pastor nna deyya cã attu làti tsè'e ca carnero qui' caniá nna bedàliani cã Tata Dios nna bè' cã ne gracia por iyaba ca cosa nu chi biyénini cã nna bilá'ni cã nna, porqui'ni uccua cumplir tì' taání gutixa'áni ca ángelia cã.

²¹ De uccuani huátsáa xunu' ubitsa nna, beni cabi e circuncidar

nna gutixa cabi lée JESUS, ti'a chi ra ángelia ántescala huá' Maríaá huatsa tú'a. ²²María nna Joséa nna gulèda cabi gutè tiempo señalado ti'ba ga'na escrito lo ley qui' Moisés para ccá cabi purificar de chi beditsina' bi ttu huatsa to'. Bitola nna huía cabi lani huátsáa Jerusalén para guni cabi e dedicar lani Tata Dios, ²³ti'a ga'na bá escrito lo ley qui' Señor: Iyábani ca nubeyu' néru to' nna ná qui'ni ccá cã yà'latsi' para guni cã Señor servir. ²⁴A'hua huía cabi para guni cabi ofrecer nu beni Señor mandado lo ley qui'e: chuppa ca tortolita o chuppa ca becha to'. ²⁵Gùdua tè ttu ènne'yu' le' Jerusalén lá bi Simeón, tulidàba beni bi nu rú'ulatsi' Tata Dios nna beni bi e adorar. Por iyé ida nna gulèda bi íl'lani enne' gúnná bendición qui' ca enne' Israel. La'huacca qui' Espíritu Santo nna gùdue lani bi; ²⁶acca uccua bi saber qui'ni labí gatti bi sin qui'ni làa ilá' yáni bi Cristo enne' ná qui'ni ithèl-la' Señor Dios. ²⁷Espíritu Santo nna benie latsi' Simeón tsía bi le' templua. Loti' Joséa nna Maríaá nna bitsina' cabi lani Jesús le' templua para guni cabi e presentar según nu ná bá costumbre nu ra lo ley, ²⁸guyi' tè Simeón nítú'a nna gul-láni bi e nna bedàliani bi Tata Dios nna ra bi:

²⁹Annana Señor, bedi' bá cuiã'lu' inte' siervo qui' cuiã'lu' porqui'ni chi guta' la'yeni quia' de chi bì'yu tsá uccua cumplir titsa' qui' cuiã'lu' lani inte'.

³⁰Porqui'ni lani propio gani íyyalua' chi bilá' te' Enne' gudilèe intu'.

³¹Guthèl-la' cuiã'lu' e para iyáyianica enne'.

³²Porqui'ni ná huée la'yani' para ca enne' qui' adí ca nacitn.

Por lèe nna tháliani yetsi qui' cuiã'lu' Israel.

³³Joséa nna Maríaá nna biquila' bá latsi' cabi por nu ra Simeón qui' huatsa to' qui' cabía. ³⁴Simeón nna gunàba bi bendición para làcabi lani Tata Dios. Làniana ra tè bi nàna qui' huátsáa: Huátsi' nna née destinado para qui'ni nuyetse' ca enne' Israel nitti cã porqui'ni labí tsálati' qui; a'hua para qui'ni adí cã nna eyacca cã arrepentir nna l'lá cã. Lèe nna née ttu señal nu guthèl-la' Tata Dios atsi'íni nuyetse' ca enne' inne cã mal còntre; ³⁵a' modo nna telini iyaba nu rulaba latsi' ttu ttu ca enne'. Nui nna ccã ttu tristeza ti'a ttu espada nu ttíã latsi' lo losto' lu'.

³⁶Gùdua huá ttu niula nía lá bi Ana, yi'ni Fanuel, díatia' bi familia qui' ta' enne' gùla qui' cabi Aser enne' gùdua chía gutsà. Enne' lá Anaá nna gutixà'a huá bi ca titsa' qui' Tata Dios. Yala enne' gùla chi ná bi. De uccua bi cùiti'a nna bettsa gáláaná' bi, pero gàtsi ida teruba guyua cabi nna gùttì tsèlà bía.

³⁷Ochenta y cuatro ìdani bi, a'hua ituba tiempo de ná bi viúdaá nna tulidàba huía bi templua nna beni bi Tata Dios adorar réla rítsání nna gutua bi labí gutò bi nna, yala enne' de oración uccua bi. ³⁸Méruani hóraá bitsina' bi le' templua nna yala gracia bè' bi Tata Dios nna gunne bi qui' nu cca qui' nítú'a lani iyaba canu ribeda huá cã íl'lani enne' gudilèe iyaba ca enne' Jerusalén.

³⁹ Joséa lani María nna beni diba cabi cumplir iyaba nu ra lo ley qui' Señor nna beyeqquia cabi yetsi qui' cabi Nazaret región qui' Galilea.

⁴⁰ Conforme dia ba huátsáa riñenie nna, guta' huá adí la'huacca qui'e, a'hua yàlani la' riyeni tsè' gutà'nie. Tata Dios nna yala uccuatsi'ínie bi.

⁴¹ Ttu ttu idani nna huía Joséa nna María nna ciudad Jerusalén para guttè cabi nía fiesta láq Pascua.

⁴² De uccuani Jesús tsì'nu ida nna, huía cabi Jerusalén attu para guttè cabi fiéstaá tì'a ná bá costumbre qui' cabi. ⁴³ Gutè bá fiéstaá nna beda' tè cabi nía. Huátsáa nna beyà'na bée Jerusalén, pero Joséa nna nàna qui'áa nna labí gutébe'ni cabi. ⁴⁴ Rulaba tè latsi' cabi qui'ni látsi'e ca enne' yétsel'á. De chi guda' cabi ttu tsá nna gudulo cabi beyíla cabi e entre ca pariente qui' cabía nna a'hua entre adí canu nabia'ni cabi. ⁴⁵ Pero labí betseláni cabi e, acca beyéqquia cabi Jerusalén nna beyíla cabi e. ⁴⁶ Guttè diba tsunna ubitsa gutsé'e cabi hueyíla Jesús nna, betseláni cabi e le' templua, ri'e làhui' ca maestro nu nabia' tsè'gani itúbani nu ra lo ley, rudà nàgue'e qui' qui' nna gunàba titsa' huée çà nna. ⁴⁷ Iyaba canu biyénini nu rée nna yala biquila' latsi' qui' de tántua la' riyeni tsè' té qui'e, a'hua de tántua tsè' becàbinie çà. ⁴⁸ Bilá' bání Joséa nna María nna yala uccuaýi latsi' cabi. Acca nàna qui'áa nna ra bi e: Yì'nia', bianicca bethácca' lu' intu' á' ni'i. Tata qui' lù'j nna inte' nna yala lani la' rehuiní' latsi' chi beyíla tu' lu'. ⁴⁹ Jesús nna rée cabi: Bianicca beyíla le inte' ni'i. Tsí làa yù huá le

qui'ni lo tsina qui' Tata qui'a nna té qui'ni thúa' cá. ⁵⁰ Pero làcabi nna labí gutéelíni cabi biya nuá rée cabi.

⁵¹ Làniana deyya tie lani cabi nna betsina' cabi le' yetsi Nazaret. Yala obediente benie seguir lani cabi. Nàna qui'áa nna liú'u losto' ba bi yala belaba latsi' bi iyaba ca coşj.

⁵² Jesús nna conforme riñeni bée nna rata' huá adí la' riyeni tsè' qui'e, a'hua Tata Dios nna yala guyú'u latsi'e nu benie; a'hua iyaba ca enne' nna beni çà ne estimar.

3 De uccua tsinu' ida rigú'ubia' Tiberio César itúbani yétsiloyua, loti' Poncio Pilatua nna uccuq gobernador qui' Judea, Herodes nna uccua tiq gobernador qui' Galilea. Bettsi'j Felipe nna uccua tiq gobernador qui' Iturea a'hua distrito nu lá Traconite nna. Lisantias nna uccuq gobernador qui' región nu lá Abilinia. ² Anás lani Caifás nna uccua çà huexána' qui' ca sacerdotéa. Làniana gureni Juan yì'ni Zacarías fuera ca yetsi nna, gutelí tsè'nì bi mensaje nu uccua latsi' Tata Dios quixá'a bi. ³ Acca huía tè Juáan itúbani región luítta' yò Jordán nna gutixa'áni bi ca enne' qui'ni dani çà eyacca çà arrepentir lani Tata Dios para qui'ni eyuniñen latsi'e ca tul'la' qui' qui' nna ccá tè çà bautizar. ⁴ Anía uccua cumplir nu ga'na escrito lo libro nu bedia Isaías enne' uccua profeta nna ra bi:

Rùyeni ttu enne' fuera yetsi nna ra bi: Lítsé'e leda porqui'ni chi da' Señor;

Liutha' lí ca néda qui' la' labàni qui' le para lèe.

⁵ Iyaba ca lithá' nna étsa' çà.

Iyaba ca i'ya nna ca làttsa nna èxxa çà.

Ca néda cuàl·la nna elí cą.
 Ca néda tabi nna lappatsùni
 eyacca cą.

⁶Iyaba ca enne' nna ilá'ni cą
 salvación nu runna Tata Dios.

⁷Ca enne' yétse' nna biria tè cą
 para ccá cą bautizar, acca Juáan
 nna ra bi cą: Yala mañoso ná le tì'a
 ca bèl·là. Nuni rą le qui'ni huaccani
 le ucuittani le la' tsialatsi' qui' Tata
 Dios nu chì' da'la cá. ⁸Liulue' lani
 ca hecho tsè' qui' le canchu là
 hualigani chi beyacca le arrepentir.
 Alàa chì' gutsia la le pretexto nna
 ína le: Ná tu' descendiente qui' ta'
 tàta qui' tu' Abraham acca yala
 enne' tsè' chi ná tu'. Pero inte' nna
 nia' le qui'ni hàstaá ca íyya anta' nì
 nna huaccani Tata Dios gunie qui'ni
 eyacca cą yì'ni Abraham. ⁹A'hua
 chi du leda yèttè para íchua cą yaga
 dèdèba l·lú qui; a'hua iyaba ca yà
 nu labí runna fruto tsè' nna chú cą
 tsía cą lo yi'. ¹⁰Ca enne' nna gunàba
 titsa' tè cą bi nna ra cą: Biala dani
 tu' guni tu' cá. ¹¹Becàbi Juáan nna
 ra bi cą: Nu té chuppa cue' yú'í nna
 danią gutią ttu qui' nu labí té qui'í.
 A'hua nu té gúą nna dà huánią
 gutią qui' nu labí té gúą. ¹²Bitsina'
 tehuá tuchùppa canu ruquiya qui'
 impuesto para guni bi cą bautizar
 nna ra cą bi: Maestro, biani dani
 tu' guni tu' cá. ¹³Juáan nna ra bi
 cą: Bittu gutèbia' telá le guquiya le
 ca enne', sino guni le de acuerdo nu
 ra lo ley qui' gobierno. ¹⁴Làniana
 tuchùppa ca soldado nna gunàba
 titsa' huá cą bi nna ra cą: Intu' chù
 na, biala dani tu' guni tu' ni'i. Ra te
 bi cą: Bittu cúani le ca enne' biya
 té qui' qui, nihua làa gúniatsinì le
 cą nna gá le cą qui'ni guni le cą

castigar canchu labí gunna cą biya
 qui' le màqui'ba labí biya beni cą;
 sino leyà'na tè conforme lani nu
 ráya le.

¹⁵Iyáyiani ca ènni'a nna tsè'e
 ba cą ribèda cą nna yala rulaba
 latsi' qui' canchu xiaba Juáan nna
 ná bi Cristo enne' ná qui'ni ita le'
 yétsiloyu. ¹⁶Acca becàbi Juáan nna
 ra bi cą: Inte' nna hualigani runia'
 le bautizar lani inda, pero dá' attu
 enne' té adí la'huacca qui'e tì'chu
 inte', lèe nna gunie le bautizar
 lani Espíritu Santo nna la'huacca
 tì'a fuego nna; acca nìdirubani làa
 dàcca'a' para ithátsiá' correa qui' ca
 guarachu yù'u nì'e. ¹⁷A'hua dènié
 pala para gúthúe yua' nu re' lo
 tsinà' qui'e; yua'xtíla nna gunie na
 seguro le' yú'u, pero ttébáyua nna
 gudàl·lee na lo yi' làti nunca labí
 eyòlą. ¹⁸Làni ca enseñanzaá a'hua
 lani iyétse'éru adí ca consejo nna
 gutixa'a bi ca titsa' de la'labàni
 lani ca enne' yétsiá. ¹⁹Làniana
 gutil·la Juáan gobernador Herodes
 porqui'ni guyi'í Herodías niula qui'
 bettsi'í Felípea para ccá niula qui'í,
 a'hua por iyaba adí ca mal nu benią
 nna. ²⁰Làniana bedàni telá Herodes
 attu mal nu benią nna: bedàl·lą
 Juáan litsi' iyyà.

²¹Antesca cca anía nna, loti' runi
 Juáan bautizar iyaba ca ènni'a
 nna, a'hua Jesús nna uccua huée
 bautizar. Miéntraste runie oración
 nna biyàlia yiabara'. ²²Làniana
 bilá'ní huadi Espíritu Santo tì'a ttu
 becha to' nna bitsine'e iquia Jesús.
 Biyeni tení tsì'i ttu enne' gunne de
 yiabara' nna rèe: Lu' ná lu' yì'nia',
 yala catsi'í te' lu'; por lu' nna yala
 la' redacca' latsi' té quia'.

²³Ttú tsii érua' ida tì'gani Jesús nna, gudulue benie tsina nu dé'e gunie. Ca enne' ra ca qui'ni Jesús nna née yì'ni José. Joséa nna yì'ni Elí. ²⁴Elí, yì'ni Matat. Matat, yì'ni Leví. Leví, yì'ni Melquì. Melquì, yì'ni Janai. Janai, yì'ni José, ²⁵José, yì'ni Matatías. Matatías, yì'ni Amós. Amós, yì'ni Nahum. Nahum, yì'ni Esli. Esli, yì'ni Nagaí. ²⁶Nagaí, yì'ni Maat. Maat, yì'ni Matatías. Matatías, yì'ni Semei. Semei, yì'ni Josec. Josec, yì'ni Judá. ²⁷Judá, yì'ni Joanán. Joanán, yì'ni Resa. Resa, yì'ni Zorobabel. Zorobabel, yì'ni Salatiel. Salatiel, yì'ni Nerí. ²⁸Nerí, yì'ni Meljí. Meljí, yì'ni Abdí. Abdí, yì'ni Cosam. Cosam, yì'ni Elmadam. Elmadam, yì'ni Er. ²⁹Er, yì'ni Josué. Josué, yì'ni Eliezer. Eliezer, yì'ni Jorim. Jorim, yì'ni Matat. ³⁰Matat, yì'ni Leví. Leví, yì'ni Simeón. Simeón, yì'ni Judá. Judá, yì'ni José. José, yì'ni Jonán. Jonán, yì'ni Eliaquim. ³¹Eliaquim, yì'ni Melea. Melea, yì'ni Mainán. Mainán, yì'ni Matata. Matata, yì'ni Natán. ³²Natán, yì'ni David. David, yì'ni Isaí. Isaí, yì'ni Obed. Obed, yì'ni Booz. Booz, yì'ni Salmón. Salmón, yì'ni Naasón. ³³Naasón yì'ni Amidadab. Amidadab, yì'ni Aram. Aram, yì'ni Esrom. Esrom, yì'ni Fares. Fares, yì'ni Judá. ³⁴Judá, yì'ni Jacob. Jacob, yì'ni Isaac. Isaac, yì'ni Abraham. Abraham, yì'ni Taré. Taré, yì'ni Nacor. ³⁵Nacor yì'ni Seruc. Seruc, yì'ni Ragau. Ragau, yì'ni Peleg. Peleg, yì'ni Heber. Heber, yì'ni Sala. ³⁶Sala yì'ni Cainán. Cainán, yì'ni Arfajad. Arfajad, yì'ni Sem. Sem, yì'ni Noé. Noé, yì'ni Lamec. ³⁷Lamec, yì'ni

Matusalá. Matusalá, yì'ni Enoc. Enoc, yì'ni Jared. Jared, yì'ni Mahalaleel. ³⁸Mahalaleel, yì'ni Cainán. Cainán, yì'ni Enós. Enós, yì'ni Set. Set, yì'ni Adán enne' uccua yì'ni Tata Dios.

4 Jesús nna benie recibir itute la'huacca qui' Espíritu Santo nna bede'e yò Jordán. Làniana por medio de Espíritu nna hué idittu' la làti lanú enne' té. ²Nía nna gùdúe chua' ubitsa nna chua' yèlà nna, beni tè numalua ne prueba canchu hua rialàniã gunie nu calatsi'ì. Labí biyã gutúe, guttè diba chua' ubitsa nna gutùnìe. ³Làniana ra tè numalua ne: Canchu hualigani ná lu' Yì'ni Tata Dios nna, gùtsi íyya té nì qui'ni eyacca ettaxtíla. ⁴Becàbi Jesús nna rèe na: Escrí tuba ga'na qui'ni alàa tsua' teruba lani ettaxtíla ccabaniní ca enne', sino a'hua lani iyábani ca titsa' qui' Tata Dios. ⁵Guche' tè numalua ne lo ttu i'ya yèni tsè'ni; ttu tsastitó' ní nna beluè'niã ne itutýiani yétsiloyu nna, ⁶ra ne: Latsi' ná' bá lu' gunna' itute la'huacca nna itute riqueza qui' ca nación nì, porqui'ni quí bá' ná ca a'hua guté ya' ca lani nuyã bá calátsa'a'. ⁷Canchu gudu teruba yibi lu' ru'a lua' nna, entonces iyáyiani ca nui nna qui'ba lu' ccá ca. ⁸Becàbi Jesús nna rèe na: Becùtta ru'a lua' Satanás, porqui'ni Tata Dios nna rèe lo Escritura: Beni adorar ttu teruba Señor Dios qui' lu', a'hua là terubée guni lu' servir. ⁹Làniana numalua nna guche' tiã ne le' Jerusalén nna beduã ne iquua torre qui' templua nna ra tiã ne: Canchu hualigani ná lu' Yì'ni Tata Dios nna bitsiã tsanna de nì para loyú

nna, ¹⁰porqui'ni escrituba ga'na qui'ni: Tata Dios nna ithèl-le'e ca ángel qui'e para hué' çà lu' cuidado.

¹¹Ra huá lo Escritura qui'ni: Ca ángel nna gudàxu' çà lu' lo ná' qui para qui'ni làa itsina' nì'a lu' lo íyya nna ccadí' qui' lu'. ¹²Becàbi Jesús nna rèe na: Ga'na huá escrito làti ra qui'ni: Bittu guni lu' tentar Tata Dios qui' lu'. ¹³Làniana labiru betseláni numalua ti'íyã modo cu'á Jesús prueba, acca becuitta sabá ru'a lúe.

¹⁴Bitola nna beyequia Jesús para Galilea lani la'huacca qui' Espíritu Santo. Gudàa tè titsa' qui'e itúbani región qui' nía nna ti'íyã iýeni ná la'huacca qui'e. ¹⁵Gutixè'e titsa' qui' Tata Dios le' ca sinagoga làti retuppa ca enne' Israel. Iyaba çà nna bedàliani çà ne.

¹⁶Jesús nna betsine'e Nazaret làti biýeni áa. Tì'ba ná bá costumbre qui'áa nna gutà'a tìe le' sinagoga ttu tsá redi' latsi' ca enne' Israel nna guduli tìe para gúl-lee Escritura. ¹⁷Bè' tè çà ne libro nu bedia Isaías enne' uccua profeta qui' Tata Dios nna guthàlia bée librua nna taxáqqe'e lugar làti ra:

¹⁸Espíritu enne' guthel-la' Señor Dios nna runne la'huacca quia', porqui'ni chi benie inte' nombrar para quíxa'a' ca titsa' tsè' cubi lani ca enne' pobre.

Chi guthèl-le'e inte' para gútià' la'ýeni lo losto' canu tsè'e lani la' rehuiní' latsi', para guyénia' qui'ni hua té libertad para ca preso, a'hua para qui'ni ca ciego nna ilá'ni çà nna gudilá'a' canu ridácca'tsi'i.

¹⁹A'hua para quíxa'a' qui'ni chi gúl-lani tsá retúa latsi' Señor ca enne'.

²⁰Làniana betùbi Jesús ittisia nna bete tìe na lani nu ga'na encargado qui' nía nna bebé' tenié. Iyaba canu tsè'e le' sinagógaá nna betsia tsittsi ba lo qui' ne. ²¹Gudulo tìe gunnie nna rèe çà: Annana chi uccua cumplir nu chi biyénini le ga'na escrito. ²²Iyaba çà nna yala biquíla' latsi' qui' por ca titsa' tsè'gani gutixè'e, acca ra çà: Tsí álahua làbi nuá ýi'ni José cá. ²³Jesús nna rèe: Segúruni nna gá le inte' díchuç: Lu' médico, beyúni la'a lù'ba; iyaba nu bina tu' beni lu' le' yetsi Capernaum nna, beni huá çà látsi lu'. ²⁴Beni ba Jesús seguir nna rèe: Hualigani te' riquíxa'ánia' le qui'ni nìdi ttu profeta nna labí ruyu tsè' çà na látsj. ²⁵A'hua nia' le qui'ni hualigani gutsé'e iýetse' ca niula viuda entre ca enne' Israel tiempo qui' Elías enne' uccua profeta loti' labí uccua iyya por tsunna ida xuppa biú' nna uccua ttu bina' fuerte le' ituba lugar nía. ²⁶Pero Tata Dios nna labí guthel-le'e Elías lani nuýa ttu ca enne' Israel para gudilàa bi çà bina', sino làteruba lani ttu niula viuda le' yetsi Sarepta región qui' Sidón. ²⁷A'hua gutsé'e iýetse' canu huì'ni yetsu' yùtsu' entre ca enne' Israel tiempo qui' Eliseo enne' uccua profeta, pero ni ttu çà labí beyúni bi, sino làteruba Naamán enne' attu nación huaya' láa Siria. ²⁸Biyeni báni canu tsè'e le' sinagógaá ca tìtsi'í nna bitsa'áláni çà. ²⁹Gùduli chì çà nna gulèqquia çà ne yetsi nna guche' çà ne ru'a bèl-la'a qui' i'ya làti re' yétsiá

para uquinnia cã ne lo íyyatù'a.

³⁰Pero labí birialàni cã gúttí cã ne porqui'ni lèe nna bettìe lahui' qui' nna déyee.

³¹Betsina' tè Jesús le' yetsi Capernaum región qui' Galilea. Gutixa'ánie cã enseñanza nu cca qui' Tata Dios ca tsá redi' latsi' qui'.

³²Yala biquila' latsi' qui' de biyénini cã ca enseñanza qui'e porqui'ni gúnnie lani poder de ýiabara'. ³³Le' sinagógaá nna re' ttu nubeyu' cca padecer por ttu espíritu malo. De repente taá yala iditsa guretsiyà'ã nna, ³⁴ra: Be'él-la' intu', biani té qui' lu' lani intu' acca dá' lu', Jesús enne' Nazaret. Tsí da' chì lu' para gul-lù'ya lu' latsi' tu' acca. Hua nabia' ba te' lu', ná lu' Enne' Santo guthèl-la' Tata Dios. ³⁵Gutitsa' tè Jesús na rèe na: Bèthia rú'a lu' nna beria lo losto' nubéyu'í. De ra Jesús anía nna, làniana bedàl-la chiã nubéyu'a loyu ru'a lo iyaba canu tsè'e nía nna beria tìã lo lostu'í, pero bíttuá bi'ya guýacca' nubéyu'a. ³⁶Iyaba cã nna uccuayí yà'aba latsi' qui' tsè'e cã nna ra luetsi qui'; Biagani titsa' ní nui acca tanto lani la'huacca nna valor nna runiã mandado ca espíritu malo qui'ni rúttse'e latsi' qui' ca enne'. ³⁷Làniana itúbani lettia nna gudàa titsa' nu cca qui' Jesús.

³⁸Gùduli tè Jesús nna berie le' sinagógaá, bitsina' bée litsi' Simón. Suegra qui' Simón nna tìã yì'bél-lanìa ýìl-lá. Gutta'yúni cã ne qui'ni eyúnie na. ³⁹Bi'yèchu tè Jesús ru'a lo niulaa nna guttìse'e ýìl-láa. Làniana beyacca chì latsi'í nna luégutaá beyathã nna beniã cabi servir.

⁴⁰Benia bá bitsa nna tahua' cã ru'a lo Jesús iyaba canu ra'ni bi'ya

tediba itsahue' ní. Lèe nna betsia né'e iquua ttu ttu tsa canu rà'nìa nna beyacca taá latsi' qui'. ⁴¹A'hua i'yetse' ca enne' beria ca espíritu malo lo losto' qui', yala ribétsi yà'ani cã nna ra cã Jesús: Lu' ná lu' Ýi'ni Tata Dios. Pero lèe nna guttìse'e cã, nihua labí be'él-le'e cã inne cã adí, porqui'ni hua yù bá cã qui'ni lèe Enni'a Cristua.

⁴²Attu yu'u dílaá nna biria Jesús huíe ttu lugar yà'latsi'. Ca enne' nna biria tehuá cã reyìla cã ne. Bitsina' bá cã làti ri'e nna gutta'yúni cã ne qui'ni bíttuúru tsíe ga'ya. ⁴³Pero lèe nna rèe cã: Náduel-la' qui'ni adí ca yetsi nna guna huá cã mensaje nu cca qui' la' rigú'ubia' qui' Tata Dios, porqui'ni para nui lá chi guthèl-le'e inte'. ⁴⁴Beni tìe predicar le' ca sinagoga qui' ituba región qui' Galilea.

5 Ttu vuelta nna du Jesús ru'a indatò' qui' Genesaret, bitùppa tè enne' ýètse'ní ru'a lúe hàstaá qui'ni chi ruquini cã ne para gudà naga' qui' titsa' qui' Tata Dios. ²Bilá' tènìe chuppa ca barco to' dàa cã ru'a indatù'a. De chi beyàdi ca enne' yù'u le' ca bárcuá nna tsè'e tè cã huì ca exxa nu rudàxu' ní cã bél-lá. ³Gut'àa tè Jesús le' ttu bárcuá nna. Bárcuá nna uccuã qui' Simón. Jesús nna gutìnanie Simón favor qui'ni gutsíga' bi bárcuá áti' tó' tè le' indaá. Gure' teníe nna gutixa'ánie ca enne' ýétsi'á titsa' qui' Tata Dios dèsdèba le' bárcuá. ⁴Beyacca diba gunnie nna rèe Simón: Betsíga' bárcuã lahui' indí lá nna liudàl-la ca exxa' para gudàxu' le bél-lá. ⁵Becàbi tè Simón nna ra bi e: Maestro, betù èlà ba gutsé'e

tu' chi betsaníni tu', ni ttú bél'la ni'i gudàxu' tu'; pero de acuerdo lani títsa' qui' cuià'lu' nna, gudál'la'a' exxi. ⁶De beni cabi nu reáa nna bedàxu' cabi ttu cantidad yénini bél'la hàstaá qui'ni chi reyatsiní éxxaa. ⁷Làniana lani seña ba gutàyi' cabi ca compa' qui' cabi yù'u le' attu bárcuá para qui'ni tsáa cã cualani cabi. Bitsina' cã nna beditsàa' cã chuppa taá ca bárcuá hàstaá qui'ni áti'tó' taá làa binétsi cã por tántua la' idì'i qui' ca bél'laá. ⁸De bilá'ni Simón Pedrua nu uccua nna, bedu yíbi bi ru'a lo Jesús nna ra tè bi e: Adilatsa' betsele latsi' cuià'lu' inte', Señor, porqui'ni yala nu tul'la' ná'. ⁹Anía ra Pedrua porqui'ni guta' ttu la' rátsilatsi' lo losto' bi, a'hua iyaba canu tsè'e lani bía, por nu uccua. ¹⁰Anía tehuá guýacca' Jacóbua nna Juáan nna ca yí'ni Zebedéua, porqui'ni gutsé'e cabi júntubá lani Pedrua. Jesús nna rèe Simón Pedrua: Bittu gátsini lu'. Dèsdèba annana, ca enne' la guni le pescar. ¹¹Betsina' bá cabi lani ca bárcuá ru'a yúbitsiá nna, bethà'na taá cabi iyábani nna denó tè cabi e. ¹²Loti' re' Jesús le' ttu yetsi nna bitsina' ttu nubeyu' itúyianiã ra'ni yetsu' yùtsù'. De bilá'niã Jesús nna beduýibì ru'a lúe bedètta' lúì loyu nna gutta'yuniã ne nna rã: Senor, canchu calatsi' cuià'lu' nna huaccani cuià'lu' eyuni lu' inte'. ¹³Làniana becàa tè né'e beláppe'e na ra tiè: Huacca látsa'a', beyàcca nàri. Làniateá nna betua chì itsahue' qui' niá. ¹⁴Lèe nna benie na recomendar qui'ni nú ttu tehuá nuña quixá'aniã nna ra lée na: Huía ru'a lo sacerdotèa para qui'ni ilá'ni

bi lu', bete tè ofrenda qui' lu' tì'a nu beni Moisés mandado, muestra de qui'ni chi beyacca lu' nàri, para qui'ni ccáyè latsi' quì. ¹⁵Pero adila uccua ca enne' saber nu cca qui' Jesús, hàstaá qui'ni ca enne' yètse' betùppa para gudà naga' quì quì'e a'hua para eyunie cã de iyaba ca itsahue' qui' quì. ¹⁶Pero lèe nna huía bée ca lugar yà'latsi', benie oración.

¹⁷Ttu tsá nna re' Jesús ruquixa'ánie ca enne' ca enseñanza nu cca qui' Tata Dios. Nía nnu yùu huá canu gulàni religiòn nu lá Fariseo, a'hua ca maestro canu nabi'a' tsè'gani nu ra lo ley qui' caniá. Lacã nna da' cã de iyaba ca yetsi to' qui' ituba regiòn qui' Galilea nna Judea nna Jerusalén nna. Bilá'ni cã qui'ni Jesús nna reyunie ca enne' por la'huacca qui' Tata Dios lani e. ¹⁸Bitsina' tè tuchùppa ca enne' nùà'ni cã ttu nubeyu' tíã lo ttu tá'a rà'niã parálisis, nìdirubani làa cca ttá. Beyìla cã gaýa la tté cã para gá'a cã le' yù'u nna quixa cã na ru'a lo Jesús. ¹⁹Pero de tántua ca enne' yètse'á nna, labí betseláni cã gaýa la gá'a cã, acca huappi chía cã iquía yù'u la nna guthàlia cã na guchìda cã nu rà'niã tsa'tsela taá camilla qui' niá tul'yiani làti du Jesús le' yù'a. ²⁰De bilá'ni Jesús qui'ni yala fe té qui' quì lani e nna rèe nu rà'niã: Lu' nubeyu', chìba beyuniyén látsa'a' ca tul'la' qui' lu'. ²¹Làniana ca maestro de la ley lani ca fariséua nna gudulo cã belaba latsi' quì nna uccuani cã: Bianicca rinne nubéyu'ì ca títsa' nu ná qui'ni làteruba Tata Dios innie luetsi ca

tìtsa'q' ni'i. Nuni ccani gunittiluq ca tul-la' qui' ca enne' canchu álahua tsua' teruba Tata Dios cá. ²²Pero Jesús nna gutelí taánie ti'íyā ná la' rulábalatsi' qui' qui, acca rée ca: Biani la' rulábalatsi' ní nua' té lo losto' le cá. ²³Tsí adí yá ná bá épa'a' nubéyu'i: Chi beyuniyén látsa'a' ca tul-la' qui' lu', o tsí épa' telá ya' a: Beyatha nna gùda' acca. ²⁴Pues annana gulué'nia' le qui'ni inte' Nubeyu' de Yíabara' nna té la'huacca quia' le' yétsiloyu' para eyuniyén látsa'a' ca tul-la'. Làniana bel-luítse'e nu rà'nía nna rée na: Beyatha nna, bedi' camilla qui' lù'a' nna beya litsi' lu'. ²⁵Nubeyu' paralíticuá nna luegu taání beyatha chià ru'a lo taá iyaba canu tsè'e nía, bedi' tià camilla nu nù'à'níní ca na tahua' ca na nía nna, deyya tià litsi' nna yala rudàlianiq Tata Dios. ²⁶Iyaba ca nna uccuayí yà'aba latsi' qui' nna bedàliani huá ca Tata Dios nna yala la' rátsilatsi' guta' lo losto' qui' nna ra ca: Annana chi bilá'ni ri'u ca cosa nu dacca' iquíla'ní latsi' ri'u.

²⁷Gutè diba ca cosj nna beria Jesús nía nna bilá'nie ttu nubeyu' láq Leví nq empleado qui' gobierno nna ri'a ru'a meya làti ría ca enne' huíyā qui' impuesto. Jesús nna ra tie na: Gutà, tanó inte'. ²⁸Leví nna bethà'na taq iyábani nna guduli tiq nna díq lani Jesús. ²⁹Làniana benià ttu banquete yénitse' para Jesús le' litsi'í. Tsè'e huá iyétse'ní canu ruquiya qui' impuesto, a'hua adí bá ca enne' yù'a ca lo méyaá lani cabi. ³⁰Ca maestro de la ley nna ca fariséua nna yala betítse'él-la' ca ca enne' ruthète'ni Jesús nna ra

ca: Bianicca ri'ya ro ba le lani canu ruquiya qui' impuesto a'hua lani adí canu fuera ni'i. ³¹Becàbi Jesús nna rée ca: Canu bihua ra'ni nna, pues bihua riquína'ni ca médico, sino làteruba canu ra'ni. ³²Labí daya' para gáyia' ca enne' tsè' sino canu tul-la' la para eyacca ca arrepentir.

³³Làniana ra tè ca Jesús: Bianicca ca discípulo qui' Juáan nna yala ayunar runi ca, a'hua puro oración bá runi ca, a'hua ca discípulo qui' ca fariséua nna. Atsi'íni ca discípulo qui' lù'a' nna gù'ya ba nna go ba nna runi ca. ³⁴Lèe nna rée ca: Tsí gá le canu tsè'e thá'a qui'ni gúchia ca làa go ca miéntraste du ba nubeyu' ruttsaná'a lani ca cá. ³⁵Pero i'yu tsá qui'ni itua ènne'yu'a lahui' qui, lànialá nna guni ca ayunar.

³⁶A'hua gutixa'ánie ca attu comparación nna rée: Lanú nuya richu ttu pedazo vestido cubi para éguá'a remiendo ttu vestido viejo. Canchu anía runià nna, aláa rulá richèda'a nu cúbía sino a'hua pedazo lari' nu gùrúa nna labí retónià lani nu viéjuá. ³⁷Nìhua lanú nuya rigá'a vino cubi le' bolsa viejo nu de yéti, porqui'ni cáalá anía runià nna, entonces ca bolsa yétià nna itsu' telá ca nna ilàlia vínuá, a'hua ca bolsa yétià nna labiru iyu' ca. ³⁸Pero vino cubi nna ita'a le' ca bolsa nu de yéti cubi; a' modo nna tulappa bá gúchia bolsa yétià lani vino cúbía. ³⁹A'hua nu ri'ya vino viejo nna labí catèhua latsi'í nu cubi, sino ina lá: Bittu guníxia' vino cubi porqui'ni viéjuá' la nna adila tsa' nq.

6 Ttu tsá sábadu nna gutè Jesús làti té yua'. Ca enne'

ruthète'niáa nna hua dia canna bá cabi guchèccu' cabi tuchùppa ÿua' nna guÿùbi tè cabi çà lani ná' cabi nna gutó cabi. ²Tuchùppa ca fariséua nna ra tè çà cabi: Biecca runi le nu labí ná qui'ni guni ttu enne' tsá redi' latsi' ri'u ni'i. ³Becàbi Jesús nna rée çà: Tsí bihua ni'i gul'la le làti riquixá'a biÿa beni rey David loti' gutùni bía, a'hua adí canu tsè'e lani bía cá. ⁴Gutà'a David le' templo qui' Tata Dios nna guÿi' bi ca ettaxtíla nu ná ofrenda para Tata Dios nu lanú nuÿa dàniqá gúqá na sino làteruba ca sacerdotéa. Gutó bi nna bete huá bi gutó canu tsè'e lani bía. ⁵Làniana rée çà: Ccá le saber qui'ni Nubeyu' de ÿiabara' nna rigú'ubi'e iyaba ca tsá a'hua tsá redi' latsi' ri'u.

⁶Attu tsá redi' latsi' ca enne' judíua nna gutà'a Jesús le' sinagógaá nna gudulue gutixa'ánie ca enne' títsa' qui' Tata Dios. Nía nna re' tè ttu nubeyu' nu gubitsi yà'aba ná' bànj. ⁷Ca maestro de la ley nna ca fariséua nna betsi tsìttsì ba lo qui Jesús canchu hueyúnie nu rà'nia tsá sábadó, para gappa çà néda biÿa causa ni gutsia çà qui'e. ⁸Pero lèe nna nabia' bánie la' rulaba latsi' qui' qui, acca ra tìe nubeyu' nu rà'nia: Lu' nna gùduli nna gùdu làhui' la. Lq nna gùduli taq nna gùduq làhui'. ⁹Làniana Jesús nna rée çà: Ttu cosa teruba inába títsa'a' le: Según nu ra lo ley qui' Tata Dios nna, tsí hua ná qui'ni guni ri'u nu na tsè' ca tsá redi' latsi' ri'u, o tsí guni la ri'u mal áccá. Tsí hua ná qui'ni gudilàa ri'u ttu enne' de ca sufrimiento qui'ì màsqui'ba ná tsá redi' latsi' ri'u, o tsí hue'él'la'

ba ri'u a gattiq áccá. ¹⁰Làniana gúnne'e iyáyiani canu tsè'e ita'lùbani nía nna ra tìe nubéyu'a: Bèl'lii ná' lu'. Lq nna bèl'lii taá ní'j, làniana tì'a viva beyacca chì ná' niá. ¹¹Làçq nna yala bitsa'áni çà nna gunne tè entre labáçq contra Jesús nna abicca'lání guthácca' çà ne uccuani çà.

¹²Tiemplo lània nna huía Jesús lo ttu i'ya huèni oración. Ituba yèlèa nna puro taá oración bá bènìe bel'luítse'e Tata Dios. ¹³Huani' bá nna gutàÿie ca enne' ruthète' qui'áa nna becu'ie tsì'nu cabi para ithèl'le'e cabi huenitsìna qui' Tata Dios, acca gutixà huée lá cabi apóstol: ¹⁴Simón enne' gutixa huée láa bi Pedro a'hua bettsi' bi Andrés, a'hua Jacobo nna Juan nna, a'hua Felipe nna Bartolomé nna, ¹⁵Mateo nna Tomás nna, Jacobo ÿi'ni Alfeo nna, a'hua Simón enne' lá huá bi Zelote, ¹⁶Judas bettsi' Jacobo nna, a'hua Judas Iscariote nu ná qui'ni gutiq ne cuenta.

¹⁷Beyadi bá Jesús lani cabi lo i'yaá nna gulèdee làti ná ttu làttsi' lani ca discípulo qui'áa. Tsè'e huá ca enne' ÿétse'ní lani cabi porqui'ni ca enne' qui' itúbani Judea nna Jerusalén nna, a'hua ca enne' da' le' chuppa ca yetsi Tiro nna Sidón nna anta' çà exa ba ru'a indatò' nna, huía çà para iyénini çà qui' Jesús, a'hua para eyacca latsi' qui' de iyaba ca itsahue' nu ra'ni çà. ¹⁸A'hua canu cca padecer por ca espíritu malo nna beyacca huá latsi' qui'. ¹⁹Iyaba ca ènni'a nna beni çà duel'la' gulappa' çà Jesús porqui'ni yala la'huacca té lani lèe nna beyúninie iyaba çà.

²⁰Gunna' tèt Jesús ca discípulo qui'áa nna rée: Ica'rubà lebi'ì canu ná pobre, porqui'ni qui'ba le ná iyate nu runna Tata Dios enne' rigú'ubia'nie le. ²¹Ica'rubà lebi'ì canu ritùni anna, porqui'ni huacca yelia ba le. Ica'rubà lebi'ì canu ribétsi, porqui'ni bitola nna yala edácca'ni latsi' le. ²²Ica'rubà lebi'ì canchu chi guyudí' ca enne' le nna cueqquia cà le fuera nna guduadí' cà le nna yala quiniyu cà le ti'atsi runi le nu ná mal, porqui'ni tanó le Nubeyu' de Yiaba'. ²³Bittu ehuí'ni le, sino adila edácca'ni le porqui'ni ÿiabara' la gata' nu gunna Tata Dios qui' le. Porqui'ni à'hua bethacca' cà ta' tàta qui' qui' ca enne' uccua profeta gutsé'le tiempo antigua. ²⁴Pero ica'rútsi'íru lebi'ì canu ná enne' rico, porqui'ni chi guttè tiempo de la' redacca' latsi' qui' le. ²⁵Ica'rútsi'íru canu labí caliàtsà qui' le anna, porqui'ni huàl'lani tiempo ubina' qui' le. Ica'rútsi'íru canu ruÿìtsi anna, porqui'ni yala élenini le nna gubètsi ba tsè'e le bitola. ²⁶Ica'rútsi'íru le canchu guni le permitir qui'ni iyaba ca enne' nna gudàliani cà le, porqui'ni ca ta' tàta qui' canu tsè'e annana à'hua bedàliani cà ca profeta falso gutsé'le ttu cuaÿa nuá.

²⁷Pero lebi'ì canu riyénini nna nia' le: Licàtsi'íni ca contrario qui' le. Lígúni tsè' lani canu ruyudí' cà le. ²⁸Línne tsè' qui' canu rinne cà mal contra le. Lígúni oración por canu richìtha cà mal contra le. ²⁹Nuÿa tediba huí'à xága' lu' nna, bedàa tèt attu lado. Nuÿa tediba calatsi'ì thí'à mata qui' lu' nna, be'él'la tehuá thí'à camisa

qui' lù'à'. ³⁰Nuÿa tediba rinàbanià lu' biÿa nna, bete tènì à. Nu thí'à biÿa té qui' lu' nna, bittu enàba lu' à. ³¹Ti'ìÿa ba rú'ulatsi' le qui'ni guni ca enne' lani le nna, à'hua lígúni lani cà. ³²Porqui'ni canchu gáppatsi'ì le làteruba canu catsi'í báni cà le nna, biani cosa tsè'ni nua' runi le cá. Tsí álahuá à'hua runi ca enne' malo cá. ³³Canchu runi le tsè' lani làteruba canu runi huá tsè' lani le nna, biani cosa tsè'ni nuá runi le cá. Porqui'ni hàstaá ca enne' malo nna à'hua runi cà. ³⁴Canchu gutèsa lu' lani làteruba canu catèhua latsi' lu' otèaà huá cà lu' nna, biani cosa tsè'ni nua' runi le cá. Porqui'ni ca enne' malo nna rute sahuá cà lani adí canu runi mal para gudèqquia huá cà qui' qui' attu tsánia huá. ³⁵Lebi'ì nna dàni le cátsi'íni ca contrario qui' le nna lígúni tsè' lani cà; líútesa cà biÿa té qui' le nna bittu cani le qui'ni eyuni huá cà le favor. Canchu guni le anía nna, entonces ccá huá le ÿi'ni Tata Dios enne' dua ÿiabara' nna yala gudàlianie le. Porqui'ni lèe nna née enne' tsè' lani ca enne' ingrato à'hua lani canu runi mal nna. ³⁶Acca lícca enne' de la' retúalatsi' tì'ba Tata Dios qui' lía née enne' retúalatsi'!

³⁷Bittu guyu le la'ditsi qui' ca enne', para qui'ni Tata Dios nna làa guni huée le juzgar. Bittu guni le ca enne' condenar, para qui'ni làa guni Tata Dios le condenar. Leyuniÿén latsi' qui' ca enne'; Tata Dios nna eyuniÿén latsi'e qui' le. ³⁸Líúte para adí ca enne'; Tata Dios nna adila gúnnée qui' le hàstaá ttu medida tsè'ni nna guquínie

nna gudua thúaníe nna gúnnée qui' le. Porqui'ni ti'íyā ba gurixibía' le gúte le qui' ca enne' nna, a'hua orixibí'e gúnnée qui' le. ³⁹Ra huée cabi attu enzeñanza: Tsí huaccani ttu ciego quel·lá'á ná' attu ciego cá. Tsí álahua chuppa taá çā ìnnia le bèl·là'a cá. ⁴⁰Ttu nu ruthète' nna labí dâcca'ā adiru tì'chu maestro qui'ì mäsqui'ba irialàniā ca estudio qui'ì, pero ccā tì'a maestro qui' niá. ⁴¹Biecca rinna' lu' yíyì to' nu yù'u lo attu enne', atsi'íni labí runi lu' duel·la' ebèqquia lu' nicùà' nu yù'u íyyalo lu' ni'ì. ⁴²Miéntaste yù'u ttu nicùà' íyyalo lu' nna, biecca gá lu' attu enne': Gulèda qui'ni ebèqquia' yíyì nu yù'u íyyalo lu'. Yala huethacca'ỹí ná lu'. Bétse'e latsi' lu' ca tul·la' qui' la'a lu' ba, lànialá nna huaccani lu' inèni lu' ca enne'.

⁴³Labí yà fruto tsè' té nu ribia fruto mal lúj; nihua labí gaỹa du ttu yà mal nu runna fruto tsè'. ⁴⁴Porqui'ni ttu ttu ca yà nna redacca' rábani çā por ca fruto nu runna çā. Pues labí redi' ri'u exxuhuí nihua betsulí' ỹixi lo ca yèttse'. ⁴⁵A'hua ttu enne' tsè' nna runi huā nu ná tsè', porqui'ni puro nu ná tsè'ba rigua lo lostu'ì. Pero ttu nu ná mal nna runi lā nu labí ná tsè', porqui'ni yù'u mal lo lōstu'ì. Porqui'ni por ca titsa' nu rinne ttu enne' nna, a' modo nna rulue'ní ti'íyā ná ca la' rulábalatsi' nu rigua lo lōstu'ì.

⁴⁶Biecca reya le inte': Señor, Señor, ti'atsi yala titsa' rappa le inte', atsi'íni labí runi le nu nia'.

⁴⁷Nuỹa tediba da' lani inte' nna gudà nàgui'ì ca titsa' qui'í'ì nna runiā çā nna, ⁴⁸inte' nna guni ya'

a' comparar tì'a ttu ènne'yui' bedua bi ttu yú'u. Primérute gutàni bi itéttianí nna gulèqquia bi cimiento tsè' nu púruani íyyaá. De biria yò nna gutsé'e inda yú'a lani itute fuerza qui'ì, pero nìdi làa gutá yú'a porqui'ni duā tsittsi lo íyyaá. ⁴⁹Pero nu riyénini ca titsa' qui'í'ì atsi'íni labí runiā nu ríquixa'a' nna, ccā comparar ttu nubeyu' bedua yú'u qui'ì lo gùnà' ba nna labí gúl·lida cimiento. Acca de biria yò nna gutàtsa'a' yú'a lani itute fuerza qui'ì nna gubixi chì yú'u qui' niá nna, de una vez tení bil·lùyā latsi'ì.

7 Beyacca ba gunne Jesús lani ca enne' tsè'e nía titsa' qui'áa nna, gutè'e le' yetsi Capernaum. ²Nía nna dua ttu capitán enne' romano dua tè ttu mozo qui'ì nu yala catsi'íniā, pero mózuá nna yala fuerte rà'niā nna lo lù'uti taá chi tía. ³Bina bá capitáan nu cca qui' Jesús nna guthèl·la' tìā tuchùppa canu rigú'ubia' qui' ca judíua para gata'yúni çā ne qui'ni tsíe eyúnini mozo qui' niá. ⁴Làçā nna huía çā ru'a lo Jesús nna yala favor gutìnani çā ne nna ra çā: Hua ná bá qui'ni guni cuiā'lu' favor lani nubéyu'a, ⁵porqui'ni catsi'íniā nación qui' rí'ui' nna chi hua bedua ttu sinagoga qui' ri'u. ⁶Jesús nna huía tìe lani çā, pero álateérugá idittu' gá reyatsa para itsìna' cabi nna guthèl·la' capitáan ca amigo qui'ì para tattsa' çā Jesús nna gá çā ne: Señor, bittu ccā cuiā'lu' molestar porqui'ni labí ná' nu dacca' para gá'a cuiā'lu' le' litsá'a', ⁷acca nìdi làa beyaỹa te' ita' propio tegani inte' ru'a lo cuiā'lu', pero ina teruba cuiā'lu' qui'ni hueyàcca

mozo quíya'a nna, eyàcca taá latsi'í, ⁸porqui'ni inte' nna dua huá' bajo la' rigú'ubia', a'hua tsè'e huá' ca soldado bajo la' rigú'ubia' quia' nna. Canchu épa'a' ttuq̄ qui'ni tsíq̄ nna pues huíyā. A'hua canchu gáyia' áttuq̄ nna pues huitā. A'hua mozo quí'a nna épa' ya' a: Beni nui nna, entonces guni bā na. ⁹De biyénini Jesús nui nna yala biquila' latsi'e. Bedèq̄quia tè lúe nna rèe ca enne' denó cā néa: Hualigani nia' le qui'ni ñihua entre ca enne' Israel nna labí chi bilá' te' iḡeni fe tì'a té qui' nubéyu'í. ¹⁰Làniana ca enne' guthel-la' capitáan nna deyya cā nna, de betsina' cā le' yú'u nna chi beyacca latsi' mozo qui' niá.

¹¹Bitola nna huía Jesús ttu yetsi láq̄ Naín. Dia tehuá ca discípulo qui'áa lani e a'hua ca enne' ḡétse'ní nna. ¹²De bitsina' Jesús ru'a yétsiá nna, méruá ribèq̄quia cā ttu nu yatti nna dia cā gucáttsi' cā na, uccua ttu rùbani ḡi'ni niula viúdaá. Iḡetse' ca enne' yétsiá nna dia huá cā hueni niuláa acompaña. ¹³Señor nna bilá' bānie niuláa nna yala betua latsi'e na acca rèe na: Bítuúru cuetsi lu'. ¹⁴Gubiga' tìe nna beláppe'e yí'na yàttia. Gulèda tè canu nù'à'ni yí'naá, làniana ra tìe nu yàttia: Nubeyu' cuiti', lu' rinénia', beyátha. ¹⁵Làniana beyacca bàni chiā nna bebé' teniā nna, guduluq̄ bènñèq̄. Jesús nna betie na cuenta lani nàna qui' niá. ¹⁶Iyaba ca enni'a nna biquila' ya'ani latsi' qui' nna bedàliani cā Tata Dios nna ra cā: Ttu profeta lani la'huacca de ḡiabara' chi gul-lani lani ri'u. Ra huá cā: Chi gul-lani Tata Dios le' yetsiloyu para gunie ri'u ca enne'

quì'e cualani. ¹⁷Làniana itúbani Judea a'hua ita'lùbani ca yetsi canu anta' nía nna gudà titsa' nu cca qui' Jesús.

¹⁸Bina tè Juan el Bautista iyaba ca milagro nu runi Jesús, porqui'ni ca discípulo qui' bí'a nna gutixa'áni cabi bi. Acca gutàḡi tè Juáan chuppa cabi. ¹⁹Guthel-la' tè bi cabi para inàba titsa' cabi Jesús canchu lèe Enni'a Cristo enne' ná qui'ni ita, o canchu cueda cabi attu enne' huaya' áccá. ²⁰De bitsina' cabi ru'a lo Jesús nna ra cabi e: Juan el Bautista nna guthel-la' bi intu' para inàba titsa' tu' cuiq̄'lu': Tsí cuiq̄'lu' ènni'a' Cristo enne' ná qui'ni íl-lani, o, tsí cueda tu' attu enne' huaya' áccá. ²¹Lótaá bitsina' ca enne' qui' Juáan ru'a lo Jesús nna, chi reyúnie iḡetse' ca enne' ra'ni de biḡa tediba itsahue' ní canu bíḡaáruá dolor ní rappa cā l-le, a'hua rebèq̄quie ca espíritu malo lo losto' ca enne', a'hua iḡetse' ca ciego nna beni huée qui'ni bilá'ni cā. ²²Becàbi Jesús nna rèe ca enne' guthel-la' Juáan: Léyya líúte razón lani Juáan de nu chi bilá'ni le nna biyénini le nna. Quixá'ani le bi qui'ni ca ciego nna rilá'ni cā; ca cojo nna rida' cā, canu ra'ni yetsu' yùtsù' nna chi reyacca nàri cā; canu cuètsu nna riyénini cā; canu yatti nna reyaccabàni cā; a'hua canu ritè la'dí' nna chi runa cā ca titsa' de la'labàni nna, ²³ica'rubà canu labí rudu chùppaniā cā denó cā inte'. ²⁴Bedà' diba ca discípulo qui' Juáan nna gudulo Jesús riquixé'e nu cca qui' Juáan lani ca enne' nna rèe: Biani nua' calatsi' le úhuia' le acca biria le fuera yetsi cá. Tsí huía le tánna' le

ttu nubeyu' nu ná variable tì'a ttu yíi làthi to' nu rutá titti bá be'. Pues, nia' le: Labí. ²⁵Biani biria le táanna' le. Tsí ttu enne' nu yala tsè' du yíui áccá. Pues canu raccu' yó fino quí nna a'hua canu redi' bá nna, pues le' ca yú'u tsè'la hua yúa cã tì'a ca rey. ²⁶Acca, biani biria le táanna' le áccá. Tsí ttu enne' ná profeta áccá. Hualigani qui'ni biria le iyénini le ttu mensajero nu adírlá enne' yéni tì'chu ca profeta. ²⁷Qui' bi nua' ga'na escrito làti ra Tata Dios:

Nì rithél'la'a' yà'la mensajero
quia', denéru bi lo lu',

Para ithàlia bi néda para guni
cã lu' recibir.

²⁸Riquixa'ánia' le qui'ni de lo iyábani canu chi gùlia nna, lanú profeta chi gùdua uccuã adiru enne' yéni tì'chu Juan el Bautista. Pero nu huayia' la dacca' le' reino qui' Tata Dios nna adila enne' yéni ná tì'chula Juáan.

²⁹Iyaba ca enni'a nna de biyéniini cã ca titsa' qui' Jesús nna beyacca cã arrepentir hàstaá tuchùppa canu ruquiya' qui' impuéstua' nna uccua huá cã bautizar por Juáan, porqui'ni bennia cã cuenta qui'ni ttu teruba Tata Dios née Enne' Tse' para lani iyaba clase de ca enne'.

³⁰Pero ca fariséua a'hua canu rethàtsilà'na nu ra lo ley nna labí guyú'u latsi' quí nu uccua latsi' Tata Dios gunie para làcã, a'hua labí huía cã para guni Juáan cã bautizar.

³¹Raá ruhuá Señor Jesús cã: Núní tì'na gunia' comparar ca enne' tsè'e anna cá. ³²Ná cã tì'a ná ca huatsa cùiti' nu rul'la cã instrumento qui' quí lo néda nna rul'luítsa' cã idítsa ca luetsi huatsa quí rena cã: Chi

bìl'la tu' pieza alegre nna pero labí bedácca'ni le. Chì hua bìl'la tu' qui' enne' yatti nna, pero ñihua làa gurètsi le. ³³Anía nia' le porqui'ni bìta Juan el Bautista nna gurèni bi bechia bi labí gutò bi bìttì' di, pero rena la le qui' bi: Ttu espíritu malo du lani a. ³⁴Gul'lani tehuá Nubeyu' de Yíabara' ri'ya ro bée nna pero redena le: Nui nna puro go bá nna gù'ya bá nna runiã nna yala ccá tsè'ã canu ruquiya' qui' impuesto a'hua adí canu hueni tul'la' nna. ³⁵Pero inte' nna nia' le qui'ni cca declarar nu ná lí, porqui'ni iyaba canu hualigani té la' riyeni tsè' qui' quí nna rulue' rábani cã por ca hecho tsè' qui' quí.

³⁶Ttu fariséua nna gutta'yúniã Jesús tsíe litsi'í gúe lani a. Gut'àa bée le' yú'u qui' niá nna gudua teníe lo méyãá. ³⁷Le' yétsiã nna dua ttu niula yala nu tul'la' nã nna bina bã qui'ni Jesús nna ri'e litsi' fariséua, acca bitsina' tiã nù'ã ttu frasco nu tá'a ttu aceite nu rilàa' iyixi. ³⁸Guduluã ribétsiã nna huíã ru'a meya làti re' Jesús nna beduyíbì ru'a lúe nna indahuina' qui'í nna biniã lo ñì'e, lani itt'sa' iquí nna bedibítsiã cã. Bettsa'luí ca ñì'e nna bedua acéiteá lo ca ñì'e. ³⁹Fariseo nu gutãyiã Jesús litsi' niá nna bil'aniã nu runi niuláa, làniana belaba latsi'í lo lostu'í: Cálal nubéyu'í hualigani ná profeta nna, entonces hua nabia' laniã nuya clase de niula ní nua' ruláppa'ã na, a'hua ti'iyã ná là'dua qui' niulã', pues ttu niula perdida tè ná. ⁴⁰Làniana ra tè Jesús na: Simón, ttu cosa té qui'ni épa'a' lu'. Lã nna rã ne: Gunàba cuiã'lu'

Maestro. ⁴¹ Jesús nna rèe na: Ttu nu rutèsa bel-liu nna gutsé'e chuppa ca enne' gudàa cą qui' bi. Ttuą nna gudà gayu' gayua' denario qui' bi. Attuą nna gudà tsieyóna' denario qui' bi. ⁴² Pero làcą nna labí té qui' qui' qui' cą, acca beniŷén bá latsi' bi qui' chuppa taá qui'. Annana ina lu', núlá canuá adiru catsi'íni cą bi cá. ⁴³ Becàbi Simón nna rą: Inte' nna cate' qui'ni nu beniŷén latsi' bi qui' adiru iŷeniá. Jesús nna rèe na: Làteganí ná la' rulába latsi' qui' lu'. ⁴⁴ Raá ruhuá Jesús na acerca de niuláa: Simón, tsí hua rilá'ni lu' niulí. Hua yù lu' qui'ni loti' gul-lánia' litsi' lu' nna labí benna lu' inda para quíni cá nì'a', pero niulí nna chi gutiá ca nì'a' lani indahu'na' qui' nna bedibitsi tią cą lani ittisa' iquí. ⁴⁵ Labí bettsa'ló lu' lua' de runi lu' inte' saludar, pero niulí nna dèsdèba gul-lánia' le' litsi' lu' nna labí nì'i gudùtsiá ruttsa'lú nì'a'. ⁴⁶ Labí bedua lu' aceite iquía, pero niulí nna chi beduą aceite lo nì'a'. ⁴⁷ Acca nì riquixa'ánia' lu' qui'ni niulí nna porqui'ni chi rului'ą qui'ni yala la' tsì'ilatsi' té lo lòstu'í, acca ritelíni ri'u qui'ni ca tul-la' ŷétse'ní qui' nna chi ná cą perdonado. Pero nuŷa tediba labí nabia'nią iŷeni perdón qui' Tata Dios nna, nuá nna ti'to' ba la' tsì'ilatsi' té lo lòstu'í. ⁴⁸ Làniana rèe niuláa: Chìba beyuniŷén látsa'a' iyaba ca tul-la' qui' lu'. ⁴⁹ De biyénini canu ŷùàni júntuba lani e lo méŷaá ca tìtsa'a' nna, gudulo cą ra luetsi qui: Núní ná nui acca reyuniŷén latsi'í ca tul-la' cá. ⁵⁰ Jesús nna rèe niuláa: Por fe nu té qui' lu' lani inte' nna, acca chi

gulàa lu', beyya ba lani la' redácca' latsi'.

8 Gutè ba nna huía Jesús le' iyaba ca ciudad nna ca yetsi nna benie predicar evangelio nna gutixe'e ca enseñanza nu cca qui' reino qui' Tata Dios. Tsì'nu ca discípuluá nna día huá cabi lani e. ² Dia hua tuchùppa ca niula canu huí'ni por ca espíritu malo ą'hua por bíŷaáruá itsahue' ní nna, chi beyuni Jesús cą. Entre ca niuláa nna laní María nu yetsi Magdala nu beria gàtsi ca espíritu malo lo losto' niá, ³ ą'hua Juana niula qui' Chuza nu ná jefe le' palacio qui' gobernador Herodes, ą'hua Susana nna, ą'hua iŷé tse'éruhuá adí ca niula canu beni cą Jesús cualani nna bete cą lani e bíŷa té qui' qui' nna.

⁴ Làniana bitùppa tè ca enne' ŷétse'ní da' cą le' iyaba ca yétsiá nna bitsina' cą ru'a lo Jesús. Lèe nna gutixa'ánie cą ca enseñanza tsè' por medio de ttu comparación nna rèe: ⁵ Ttu campesino nna díą huedà-la ŷua'. De chi yu'ą huedà-la ŷú'a nna binnia tí' ŷú'a lo néda. Gutè tè ca enne' nna bellia cą ca semíllaá, huadi tè ca binni to' nna bedíga' cą na. ⁶ Ati' ŷú'a nna binnia le' íyyarrúe. Gul-lani bá nna gubitsi taá porqui'ni labí lùppa' re'. ⁷ Ati' ŷú'a nna binnia làti yù'u huá l-lú ca yèttse'. Ca yèttsi'a nna gul-lani tehuá cą nna bedibàga' taá cą lo ŷú'a. ⁸ Ati' ŷú'a binnia le' loyu tsè', gul-lani bá nna benna tią lènà' hàstaá gayua' ttu ttuą. Gunne te Jesús attu adiru iditsa nna rèe: Nu calatsi' ttéliniá nna gudà tsè' nagui'í.

⁹Ca discípulo qui' Jesús nna gunàba titsa' cabi e nna ra cabi: Biani enseñanza ni nua' gutixa'a cuiá'lu' lani comparación nà'.

¹⁰Jesús nna rée cabi: Lebi'ì teruba ná qui'ni ttélini le ca secreto acerca de reino qui' Tata Dios, pero adí ca enne' nna, puro lani ejemplo ba rinéni ya' çà, para qui'ni màsqui'ba hua rinna' çà pero labí ilá'ni çà, a'hua màsqui'ba hua rudà naga' qui, pero labí ttélini çà.

¹¹Annana ethàsilà'na' comparación nu beni ya'a para qui'ni ttélini lí a. Semillaá nna nà titsa' qui' Tata Dios. ¹²Ttu te ca enne' nna ná çà tì'a ÿua' nu binnia cuitta' néda, porqui'ni de riyénini çà tìtsà'a nna ril·lani taá numalua nna runiá qui'ni iÿùl·lani çà na, anía modo nna labí tsíalatsi' qui para l·lá çà. ¹³Attu te ca enne' nna ná çà tì'a ÿua' nu binnia le' íyyarruéa pero labí dia gá l·lú qui itettia, porqui'ni de riyénini çà ca titsa' qui' Tata Dios nna ria tegáláa latsi' qui. Pero canchu chi ril·lani ca prueba nna, cca taá çà apartar porqui'ni labí fuerza té qui' qui.

¹⁴Attu te ca enne' nna ná çà tì'a ÿua' nu binnia le' yètsi'a; porqui'ni ca tsina qui' qui nna ca riqueza qui' qui nna ca vicio qui' qui nna ruthàga' taá çà lo qui; acca reyà'na çà sin fruto. ¹⁵Pero attu te ca enne' nna ná çà tì'a ÿua' nu binnia le' loyu tsè'a, porqui'ni lani ttu losto' tsè'ni nna lani gusto ní nna rigua çà ca titsa' nu riyénini çà nna runi çà seguir lani paciencia; làcanuá nna runna çà fruto tsè'.

¹⁶Lanú nuÿa rugàl·la' ttu yi' nna rutòthe' tià ttu yethu' lúj nihua

làa rudua na ÿarèe' lònà qui'ì, sino qui'ni rudua lã na ttu lugar làti gudàni'a qui' iyábani canu gá'a le' yú'a. ¹⁷A'hua labí biÿa secreto ní té qui'ni làa guna ri'u a, nihua labí biÿa nu gàttsi' té sin qui'ni làa cca ri'u a saber nna ilá'níã nna. ¹⁸Acca liudà tse'éruihuá naga' le, porqui'ni nuÿa tediba té la' ritelíni qui'ì nna entonces thí' lã adí; pero nu labí té qui'ì nna, pues hàstaa ti'to' nu rulaba latsi'ì qui'ni chi té qui'ì nna ítua telã.

¹⁹Làniana bitsina' nàna qui'áa nna ca bettsi' áa nna, pero de tántua ca enne' ÿetse' nna labí uccua ibiga' cabi làti dùe. ²⁰Guixa'áni çà ne nna ra çà: Nàna qui' cuiá'lu'a nna a'hua ca bettsi' cuiá'lu'a nna tsè'e cabi fuera calatsi' cabi ilá'ni cabi cuiá'lu'. ²¹Becàbi Jesús nna rée: Canu rudà naga' qui' titsa' qui' Tata Dios nna runi çà nu rée nna, làçà nna ná çà nàna quia' nna ca bèttsi'a' nna.

²²Attu vuelta nna gutà'a Jesús le' ttu barco lani ca discípulo qui'áa nna rée cabi: Tté ri'u attu lãdulá indatù'ì. Làniana dia tè cabi. ²³Mientras tè dia cabi lo indatù'a nna guta'áthi Jesús. Ttùba là' gul·lani taáni ttu iyyabe' fuerte ní lo indatu'a, rà'a chì indaá le' bárcuá nna, lo peligro taá chi dàa cabi. ²⁴Gubíga' cabi ru'a lo Jesús nna bedibàni cabi e nna ra cabi e: Maestro, Maestro, chi rinetsi ri'u. Huàtha taá Jesús nna gutitse'e iyyabe'á nna indatù'a nna, gudu tsi taá çà nna, tsi diruba ùccua taá.

²⁵Jesús nna rée cabi: Tsí labí fe té qui' le lani inte' cá. Ca discípuluá nna uccuaÿí yà'aba latsi' cabi nna gùtsini cabi nna ra luetsi cabi:

Núgani ènni'ì, acca hàstaba be' nna indatù'ì nna gutitse'e cą nna biyeni taáni cą qu'è.

²⁶Bitsina' tẹ cabi terreno qui' ca enne' gadareno, ga'na' attu ládulá indatò' qui' Galilea. ²⁷Huàdi bée ru'a yúbitsi nna bitsina' tẹ ttu nubeyu' qui' yétsiá nna tatsa'ą Jesús. Nubéyu'a nna chi gutschani cą padecer por ca espíritu malo nna labí raccu' yú'í nihua labí ridu'ą le' yú'u, sino gurèni bá làti rigàtsi' canu yatti. ²⁸Bilá' báníą Jesús nna guretsi yà'anią nna bedu tẹ yibí ru'a lúe, gunnią idítsa nna rą: Biani tẹ qui' lu' lani inte' acca da' lu' Jesús Yí'ni Tata Dios enne' dua yíabara'. Ratta'yúnią' lu' bittu guni lu' inte' castigar. ²⁹Anía rą porqui'ni beni Jesús espíritu malua mandado qui'ni erią lo losto' nubéyu'a. Chi gutschani naxu'ą nubéyu'a. Iyẹ vuelta tsè' chi be'įga' ca enne' na lani cadena, pero guchù tì'nią cą. La'a mísmuba espíritu malua nna benią latsi' nubéyu'a cuenią fuera yetsi. ³⁰Gunàba titsa' Jesús na, nna rẹe: Biani lá lu'. Becàbią nna rą: Legión lá'. Anía becàbią porqui'ni iyetse' ca espíritu malo chi gutà'a lo lòstu'ì. ³¹Ca espíritu malua nna gutta'yú tẹni cą Jesús qui'ni bittu gudàl'lee cą le' lugar chul'la. ³²Bilá'ni ca espíritu malua qui'ni tsè'e iyetse' ni ca cùttsi huila go cuitta' i'yaá. Acca gutta'yúni cą ne qui'ni hue'él'le'e cą gá'a cą lani ca cùttsia. Lèe nna bete bée permiso qui' quí. ³³Beria bá cą losto' nubéyu'a nna gutà'a tẹ cą lani ca cùttsia. Ca cùttsia nna uccua litsianì cą nna beduyú iquiqua quí lo ttu bèl'la'a, binnia tẹ cą le' indatù'a nna gutti cą. ³⁴Canu rappa

ca cùttsia nna bilá' bání cą nu uccua nna beyya cą quètha tatixá'a cą le' yétsiá nna ca rancho tú'a nna. ³⁵Biria tẹ ca enni'a tanna' cą biya nuá uccua. Bitsina' cą làti du Jesús nna bilá'ni cą nubeyu' nu beria ca espíritu malo lo losto' niá qui'ni tsè' tabá chi ri'ą ru'a lo Jesús naccu' yú'į Làniana làcą nna yala gùtsini cą. ³⁶Canu bilá'niá nna gutixa'áni cą ca enne' ti'įya uccua lani nubéyu'a de gulà latsi' ná' ca espíritu malua. ³⁷Làniana iyáįyani ca enne' qui' ituba región Gadara nna gutta'yúni cą Jesús qui'ni ucuitta bée lani cą porqui'ni yala rátsini cą. Jesús nna beyàppie le' barcuá nna déyyeé. ³⁸Làniana nubeyu' nu beria ca espíritu malo lo losto' niá nna gutta'yúnią Jesús qui'ni hue'él'le'e na tsíą lani e, pero Jesús nna bechu titse'e na, nna rẹe: ³⁹Beyya ba litsi' lu' nna bè'ni ca enne' titsa' ti'įya ná ca cosa yeni nu chi beni Tata Dios lani lu'. Lą nna deyya tìą nna rudà titsa' le' itúbani yétsiá ti'įya ná ca cosa milagrosa nu chi beni Jesús lani ą.

⁴⁰Betsina' ba Jesús attu lado indatù'a nna yala redácca'ni ca enne' de bilá'ni cą ne, porqui'ni iyaba cą nna ribèda cą ne. ⁴¹Làniana bitsina' ttu enne' láą Jairo nubeyu' principal le' sinagógaá, beduyíbį ru'a lo Jesús nna gutta'yúnią ne qui'ni tsíe litsi'į, ⁴²porqui'ni dua turuba yí'ni niulí, ttú tsi'nu ida ti'gánią nna chì' teni rattią. Dia tẹ Jesús ą'hua ca enne' yétse'nía hàstaá qui'ni ruquini cą ne. ⁴³Entre ca enne' yétse'á nna dia huá ttu niula nu chi dia tsì'nu ida rà'nią ridu'ą réni ttu parte qui'

cuerpo qui'ì. Chi benittiluà iyate nu té qui'ì lani ca médico, pero nì ttú cã labí uccuani cã eyuni cã na. ⁴⁴Lã nna gubiga' tiã cuè'e la Jesús nna beláppa'ã ru'a ÿúeá. Lànianaá nna beyacca latsi'ì. ⁴⁵Jesús nna ra cã: Núní nua' beláppa'ã inte'. Iyaba cã nna ra cã: Labí yù tu'. Làniana ra tè Pedrua a'hua adí canu tsè'e lani bía: Maestro, ca enne' ÿetse' nui da' nì ruquini cã cuiã'lu' nna rihuàttsa'ní cã cuiã'lu', atsi'ini ra cuiã'lu': Núní nua' beláppa'ã inte'. ⁴⁶Pero Jesús nna ra tie: Nuÿa nua' chi beláppa'ã inte' porqui'ni gubebe' te' qui'ni biria la'huacca lani inte' para eyacca latsi' nuÿa ttu enne'. ⁴⁷Niuláa nna de benniã cuenta qui'ni labiru igàtsi'ã nna guduluã biÿitti'níã nna gubíga'ã nna beduÿíbi ru'a lúe. Gutixa'ániã ne ru'a lo iyáÿiataá ca enne' tsè'e nía biÿã qui' acca beláppa'ã ne, a'hua ti'iyã tsàtiní beyacca latsi'ì. ⁴⁸Jesús nna bechu tìtse'e niuláa nna rèe na: ÿì'níã, por fe nu té qui' lu' lani inte', acca chi beyacca latsi' lu'; bíttuúru nùyue cani lu' sino gappa lu' la'ÿeni. ⁴⁹Atsaba rinne Jesús nna, bitsina' tè ttu enne' da' le' litsi' Jairo nu ná principal qui' sinagógaá nna rã Jaíruá: ÿi'ni lù'a nna chi gùttiã, bíttuúru uquitsi'ni lu' Maéstruã'. ⁵⁰Biyeni báni Jesús nna ra tie Jaíruá: Bittu gátsini lu', huía teruba latsi' lu' nna hueyacca bá latsi' ÿi'ni to' lù'a. ⁵¹Làniana gutà'a Jesús le' yú'a. Lanú nuÿa be'él:le'e gá'a le' yú'a sino làteruba Pedrua nna Jacóbua nna Juáan nna, a'hua tàta nàna qui' niula cuìti'a nna. ⁵²Iyaba cã nna yala ribétsi cã nna, yala lani la' rehuiní' latsi' tsè'e cã

por niula cuìti'a. Jesús nna rèe cã: Bittu cuetsi le, porqui'ni bihua ná nu yatti, sino ti'éthibá. ⁵³Làcã nna burla lá beni cã Jesús porqui'ni hua yù ba cã qui'ni chi gùttiã. ⁵⁴Pero lèe nna gutèl:le'e ní'ì nna gunnie iditsa nna rèe: Niula cuìti', beyátha. ⁵⁵Beyaccabàni chiã nna beyátha tiã. Lèe nna rèe cã qui'ni hué' cã na nu gúã. ⁵⁶Tàta nàna qui' niá nna uccuayí yà'aba latsi' quí. Jesús nna gunènie cã qui'ni nú ttú tehuá nuÿa quixá'ani cã.

9 Betùppa ba Jesús tsì'nu ca discípuLuá qui'áa nna, betie la'huacca qui' cabi para ineni cabi ca espíritu malo qui'ni eria cã lo losto' ca enne', a'hua para eyuni cabi biÿã tediba clase de itsahue' nu ridácca' ca enne'. ²Guthel-la' tìe cabi hueni predicar acerca de la' rigú'ubia' qui' Tata Dios, a'hua para eyuni cabi canu rà'ni. ³Ra tè Jesús cabi: Bittu biÿã huá' le para lo néda; nida ttu yà to' làa theni le, nìhua bolsa, nìhua etta bittu huá' le, nìhua bel-liu nna. Bittu huá' le chuppa camisa, sino ttu teruba nu naccu' le dia le. ⁴Nuÿa litsi' ní itsina' le nna, níabá ccá lugar qui' le hàsta'na gal-la' tsá éda' le le' yétsiã. ⁵Gaÿa tediba lugar ní làa guni cã le recibir nna, eria le le' yétsiã, pero gucuíbi bestè nì'a le, para ttéliní qui'ni bíttuúru ná le responsable qui' quí. ⁶Làniana biria cabi nna dia cabi iyábani ca yetsi. Itú lettia bání gutixa'áni cabi ca enne' ca titsa' qui' Tata Dios ti'iyã modo l-lá cã, a'hua beyuni cabi canu ra'ni. ⁷Bina tè gobernador Herodes iyaba nu runi Jesús nna bedu chùppaníã porqui'ni ttu te cã nna

ra ca: Juan el Bautista nua' chi beyáthā de lo lù'uti. ⁸Attu te ca nna ra ca: Elías nua' chi gul'iani. Adí ca nna ra ca: Ttu profeta gùdua tiempo antigua nua' beyáthā de lo lù'uti. ⁹Laniana ra Herodes: Inte' benia' mandado ichu ca yáni Juáan. Pero núlá nui iyetse' ca milagro riyeni te' qui'í cá. Acca yala uccua latsi' Herodes ilá'niā Jesús.

¹⁰De bitsina' ca apóstol nna bè'ni cabi Jesús titsa' iyaba nu beni cabi. Làniana guchi'e cabi ttu lugar yà'latsi' exataá yetsi Betsaida. ¹¹Bina bá ca enne' qui'ni nía bá re' Jesús, acca huía tè ca ru'a lúe. Lèe nna benie ca recibir nna gutixa'ánie ca nu cca qui' la' rigú'ubia' qui' Tata Dios, a'hua beyúnie canu huía para eyacca latsi' quí. ¹²De chi da' ràl'làa nna gubíga' tsì'nu ca discípulo qui' Jesús ru'a lúe nna ra cabi e: Bechu titsa' dí cuiā'lu' ca enne' para qui'ni tsía ca le' ca yetsi to' a'hua ca rancho to' canu anta' ita'lùba, para tatila ca làti eyà'na ca nna gó'o ca nu go ca, porqui'ni labí biya té làti tsè'e rí'uí para làca. ¹³Jesús nna rée cabi: Lebi'i ba, líhue' ca go ca. Làcabi nna ra cabi e: Labí biya té qui' tu' sino làteruba gayu' ettaxtíla nna chuppa bél'la tó' nna. Solamente canchu tsá' gu' gó'o tu' nu go iyaba ca enni'í huaccani tu' úgo tu' ca. ¹⁴Hua ná ttú gayu' mili' tì'ga ca nubeyu' làniana. Làniana ra tè Jesús ca discípulo qui'áa: Líúxuaní ca por grupos de tsieyóna'. ¹⁵Anfábá beni cabi, bexuaní cabi iyaba ca. ¹⁶Làniana guyi' tè Jesús gayu' ca ettaxtílaá nna chuppa ca bél'la túa nna, guchitha lúe yiabara' nna gunàbèe bendición

lani Tata Dios Làniana gùl'le'ée ca nna bete tie lani ca discípulo qui'áa para qui'ni quthia cabi lani ca enni'a. ¹⁷Iyaba ca nna gutó ca ti'iya ba ùccuaní qui' quí. Bitola nna betùppa cabi átsi'nu ya tsùmmi tsà'ti'ni ca pedazo nu bexàni ca enni'a.

¹⁸Ttu tsá làniana nna huía Jesús ttu lugar yà'latsi' lani ca discípulo qui'áa nna benie oración. Bitola nna beyéqqwie nna rée cabi: Núní rena ca enne' qui'ni ná inte' cá. ¹⁹Becàbi cabi nna ra cabi: Ttu te ca nna rena ca qui'ni ná cuiā'lu' Juan el Bautista. Attu te ca nna rena ca qui'ni ná cuiā'lu' Elías. Adí ca nna rena ca qui'ni ná cuiā'lu' ttu profeta gùdua tiempo antigua nna beyáthā bi de lo lù'uti. ²⁰Jesús nna rée cabi: Lebi'í chúná, núlá rulaba latsi' le ná' ni'i. Becàbi Pedrua nna ra bi e: Cuiā'bálu' enni'a Cristo enne' chi nani Tata Dios ithel'le'e yétsiloyu. ²¹Pero Jesús nna rée cabi qui'ni nú ttú tehuá nuya quixá'ani cabi nui.

²²Làniana rée: Nubeyu' de Yiabara' nna té qui'ni quée padecer iyetse' ca cosa, a'hua ca sacerdote principal lani adí canu rigú'ubia' entre ca enne' judío nna ca maestro de la ley qui' caniá nna guyudí' ca ne hàstaá qui'ni gutti ca ne, pero bitola de tsunna ubitsa nna eyáthee de lo lù'uti. ²³Làniana rée iyaba cabi: Nuya calatsi'í thá'q lani inte' nna, té qui'ni iyùl'lania la'a labá ttu ttu tsá bá nna ga'nā dispuesto guchiā curutsi' ìd'i' qui'í nna tanuā inte'. ²⁴Porqui'ni nuya tediba dua iquí etúa latsi'í la'labàni qui'í nna, pues gunitti lā na. Pero nuya tediba ga'nā dispuesto tanuā inte'

màsqui'ba gutti cą na, entonces ccabàni lá. ²⁵Canchu ttu enne' nna gúniní quì'ì itúbani yétsiloyu, pero bitola nna cą vencer nna nitti bá. Biani gana ni benią cá. Labí biya. ²⁶Porqui'ni nuya tediba ettu'nią quixá'a nu cca quia' a'hua ca titsa' quíy'i'ì nna, entonces ettu' huáni Nubeyu' de Yiabara' na canchu chi el'lanie lani la'yani' qui' Tata Dios nna ca ángeli quì'e nna para cu'úbi'e. ²⁷Hualigani te' nia' le qui'ni tuchùppa canu tsè'e nì lani inte' nna labí gatti cą hàstaá qui'ni ilá' yáni cą ti'iya ná reino qui' Tata Dios.

²⁸Xunu' ubitsa tì'ga bitola de ra Jesús ca titsa'a' nna, guchi'e Pedrua nna Juáan nna Jacóbu nna hué lo i'yaá huèni oración. ²⁹Miéntaste runie oración nna bettsiáni la' rinna' quì'e nna, a'hua yíue nna beyacca tsíttsì tùnì nna uccua tittiní. ³⁰Làniana de repente tabá nna gùdu chuppa ca ènne'yu' ru'a lúe nna rue' cabi titsa' lani e. Ca enni'a nna ná cabi Moisés nna Elías nna. ³¹Gutsé'e cabi làhui' la'yáni'a nna bè' cabi titsa' ti'iya ccá Jesús padecer le' Jerusalén. ³²Pedrua lani áchuppa ca discípulo tsè'e lani bí nna, demasiado bétsiála da' qui' cabi, pero ténn'a' bá cabi nna bilá'ni cabi la'yani' nu cca tittiní cuerpo qui' Jesús lani áchuppa ca ènne'yu' tsè'e cabi lani e. ³³Chi deyya taání Moisés nna Elías nna, gunne tè Pedrua nna ra bi Jesús: Maestro, yala tsè' canchu eyà'na ri'u nì nna guni tu' tsunna yú'u l'la' tó': ttu para cuiá'lu' nna, áttu para Moisés nna, attu para Elías nna. Pero Pedrua nna nihua làa yù

bi biya nuá ra bí. ³⁴Atsaba rinne bi ca titsa'a nna gul'lanì ttu bí nna bedibàga'a' cabi. Làniana yala gùtsini cabi porqui'ni gubebé'ni cabi chi yù'u cabi le' bí. ³⁵Làniana biyénini ttu tsi'i dè'sdeba le' bí nna rèe: Là enni'ì enni'a' Yì'nia', yala catsi'í ti' e, liudà naga' le quì'e. ³⁶Biyeni dibáni cabi ca titsa'a nna bilá'ni cabi qui'ni álatèruba Jesús du. Ca discípuluá nna uccua taá tsi qui' cabi nna, nú ttú tení nuya gutixa'áni cabi nu bilá'ni cabi.

³⁷Attu yu'utsá nna de beyàdi cabi lo i'yaá nna, iytse'ní ca enne' dia cą tatts'a' cą Jesús. ³⁸Ttu nubeyu' entre ca enne' ytse'á nna gunne tìą idìtsani nna rą: Maestro, ratta'yúnia' cuiá'lu' qui'ni thá' lu' inna' lu' yì'ni ya'a, pues turubą dua quia'. ³⁹Porqui'ni ttu espíritu malo nna rudaxu'a' na, de repente taá ribétsiya'a' nna ruxitti' tsa'tsa'nią na, betsina' ní ruduą rú'ì nna runią na maltratar, nibàni rúts'e' latsi'ì na. ⁴⁰Chi gunábania' ca discípulo qui' cuiá'lu'a' qui'ni gudàl'la cabi espíritu malua fuera, pero labí uccuani cabi. ⁴¹Becàbi Jesús nna rèe: Lebi'ì descendiente qui' canu labí ríalatsi' nna ca rebelde nna, atsáliacà'a' itsá dàa te' cuénia' lani le nna gúchía' le cá. Tahua' yì'ni lù'a' nì. ⁴²De gubíga' nubeyu' cuiti'a' làti du Jesús nna, berixi betetsiní espíritu malua na bexitti' tsa'tsa'nią na, pero Jesús nna gutil'lee espíritu malua nna beyuni tìe nubeyu' cuiti'a', bete tìe na cuenta lani tàta qui' niá. ⁴³Iyaba cą nna biquila' yà'ani latsi' qui' de bilá'ni cą ti'iya ná la' retúalatsi' qui' Tata Dios. ⁴⁴Miéntaste rulaba latsi' qui' acerca de iyaba ca milagro nu beni

Jesús nna ra tìe ca discípuło qui'áa: Liudà tsè' naga' le nu équixa'a', bittu iÿùl-lani le na: I'yu tsá qui'ni gute çà cuenta Nubeyu' de Ýiabara' làtsi' ná' ca enne'. ⁴⁵Pero làcabi nna labí gutelíni cabi ca tìtsi'ì, porqui'ni labí ná qui'ni ennia cabi cuenta, a'hua labí beyáyani cabi inàba tìtsa' cabi e acerca de ca tìtsa'a.

⁴⁶Làniana gudulo ca discípułá huèni discutir sobre de nùÿala cabí ccá adiru enne' ÿeni. ⁴⁷De gutelíni Jesús la' rulaba latsi' nu té lo losto' cabi nna, gùÿi'e ttu huatsa to' bedue na luítte'è. ⁴⁸Làniana rèe cabi ttu ejemplo: Nuÿa tediba gunià recibir huátsi'ì porqui'ni ríalatsi'ì inte' nna, entonces tì'atsi inte' bá nuá runià recibir. A'hua nu runià inte' recibir nna, álahua tsuà' teruba inte' runià recibir sino hàstala enne' guthel-le'e inte' runià ne recibir. Porqui'ni canu rulaba latsi' qui'ni labí dacca' çà entre lebi'ì nna, làcà nna adila enne' ÿeni ná çà.

⁴⁹Làniana becàbi tè Juáan nna ra bi Jesús: Maestro, bilá'ni tu' enne' qui'ni lani nombre qui' cuià'lu' nna runià mandado ca espíritu malo qui'ni eria çà lo losto' ca enne', pero gunèni tu' a qui'ni bíttuúru gunià na porqui'ni labí láníà ri'u. ⁵⁰Jesús nna rèe bi: Bittu guthàga' li a, porqui'ni nu labí ná contrario qui' ri'u nna, pues parte ri'u ba dúà.

⁵¹De chí bì'yu tiempo qui'ni ccá Jesús recibir le' ÿiabara' nna, gulèqquia tsittsi' taá latsi'e éyyeé Jerusalén. ⁵²Beneru tìe tuchùppa ca discípuło qui'áa. Làcabi nna huía cabi hàstaá ttu yetsi qui' región láà Samaria; le' yétsiá nna gunàba cabi

ttu lugar para Jesús. ⁵³Pero canu Samáriá nna labí beni çà ne recibir porqui'ni née ttu enne' de raza judío nna déyyeé Jerusalén. ⁵⁴De beyu ca discípułá qui'ni betsibi bá çà ne nna, acca Jacóbua nna Juáan nna ra tè cabi e: Señor, tsí hua calatsi' cuià'lu' qui'ni inàba ri'u qui'ni chadi yi' qui' ÿiabara' para gul-luÿà latsi' qui' de una vez tení tì'a beni Elías tiempo antigua. ⁵⁵Gunna' tè Jesús cabi nna gutitse'e cabi nna rèe: Lebi'ì nna nìdi làa yù le biÿa clase espíritu ní té qui' le. ⁵⁶Porqui'ni inte' nna labí daya' para gunia' qui'ni gul-luÿa taá' latsi' ca enne', sino para gudilàa lá ya' çà. Làniana huía cabi attu yetsi to'. ⁵⁷Néda bá yù'u cabi nna ra tè ttuà: Señor, hua tanua' cuià'lu' gaÿa tediba tsía cuià'lu'. ⁵⁸Becàbi Jesús nna rèe na: Ca beda' nna hua tsìa bèlia qui' qui, a'hua ca bìnni to' ridàa lo be' nna hua tsìa huá xcu'ni to' qui' qui, pero Nubeyu' de Ýiabara' nna labí té gaÿa quixa iqqiue. ⁵⁹Ra tè Jesús áttuà: Gutà tanó inte'. Là nna becàbià nna rà ne: Señor, be'él-la' ÿá inte' éya'a' tacáttsi'a' tàta quí'a. ⁶⁰Jesús nna rèe na: Be'él-la' canu yàttia' gucàttsi' luetsi nu yatti qui, pero lu' nna huía taquixá'a nu cca qui' reino qui' Tata Dios. ⁶¹Làniana ra huá áttuà ne: Tanó huá' cuià'lu' Señor, pero be'él-la' ÿá inte' táchú tìtsa'a' canu tsè'e le' litsá'a'. ⁶²Jesús nna rèe na: Nu rudàxu' nì'a yarátu nna canchu gudèqquia lúj para inna' a çuè'e líì nna, entonces labí ttùli rida' nàà qui'ì. A' tehuá nu calatsi'ì tánúà inte', porqui'ni canchu dua ba iqqi' nu té yétsiloyu nna entonces labí iÿu' a para reino qui' Tata Dios.

10 Gutè ba nuá nna, beni Señor nombrar á setenta ca ènne'yu' nna guthel'le'e chuppa chuppa cabí para neru çabi tsía cabi iyaba ca yetsi nna ca rancho to' nna làti ná qui'ni tsíe. ²Ra tìe cabi: Hualigani iÿeniní lènà' chi té para éÿu', atsi'íni tuchùppa rúbani ca obrero tsè'e. Acca linàbani Tata Dios enne' ná Xana' lóyúì qui'ni ithel'le'e adí ca obrero gutùppa çà lènà' quì'e. ³Huè' le cuidado, porqui'ni làti tsía le nna hua té peligro, tì'a canchu tsè'e ca carnero to' entre ca lobo. ⁴Bittu huá' le bolsa nìhua bel'liu. Bittu cu'ú nì'a le biÿa. A'hua nú ttú tehuá nuÿa gul'luítsa' le lo néda. ⁵Gaÿa tediba yú'u ní gá'a le nna, primérute ina le: La'ÿeni para lo loto' ca enne' tsè'e le' yú'ì. ⁶Canchu tsè'e nía canu rú'ulatsi' quí ca titsa' de la'ÿeni nna, làniana gata' huá la'ÿeni lo loto' quí. Pero canchu gutsibi çà le nna, entonces labí la'ÿeni egà'nà lani làça, sino lani lebi'i ba eyà'nà. ⁷Canu guni çà le recibir nna, nía bá ccá lugar qui' le; iyate nu gunna çà qui' le nna pues go ba le çà, í'ya ba le çà nna, porqui'ni ttu obrero nna cca bá merecer thí' láÿi. Bittu eyá'na le ttu ttu yú'u bá. ⁸Gaÿa tediba yetsi ní gá'a le nna, canchu guni çà le recibir nna, go ba le nu gutsia çà ru'a lo le. ⁹Eyuni huá le canu rà'ni nía. Gá tè le çà: Calatsi' Tata Dios qui'ni hue'èl'la' li e qui'ni quée enne' cu'úbiana' le. ¹⁰Pero canchu itsina' le ttu yetsi làti labí tsú'ulatsi' quí ca titsa' nu inne le lani çà nna, eria le lo ca néda nna ina le: ¹¹Hàstaá bestè qui' yetsi qui' líj nu chi uccua nì'a tu' nna rucuíbi

tu' a por ttu seña contra lebi'ì, pero ccá le saber qui'ni gul'ani reino qui' Tata Dios ru'a puerta qui' le. ¹²Riquixa'ánia' le qui'ni adila fuerte ccá la' tsialatsi' qui' Tata Dios nu chì' da'la lani yétsiá tì'chula lani ca enne' Sodoma.

¹³Ica'rútsi'íru lu' yetsi Corazín. Airu lu' yetsi Betsaida. Porqui'ni cáalá le' ca yetsi Tiro nna Sidón nna uccua ca milagro canu chi uccua lani lebi'ì, pues cuando lání chì gucu' çà lári' corriente nna gurè'ni çà lo tte, seña de qui'ni reyacca çà arrepentir por ca tul'la' qui' quí. ¹⁴Acca canchu chi íl'ani juicio nna, huaÿia' lá castigo tsía canu yetsi Tiro nna Sidón nna tì'ca'la lebi'ì. ¹⁵Lu' nna yetsi Capernaum, tsí rulaba latsi' lu' qui'ni cca lu' merecer tsía lu' ÿiabara'. Pero hasta rúbani infierno èxxa lu'. ¹⁶Raá ruhuá Jesús ca discípulo qui'áa: Nuÿa tediba gudà nàgui'ì qui' le nna, tì'atsi quí'ba' nuá rudà nàgui'ì. Nuÿa tediba rutsibià le nna, tì'atsi inte' ba nuá rutsibià. Nuÿa tediba rutsibià inte' nna, rutsibi huá Enne' guthel'le'e inte'.

¹⁷Beyequia setenta ca enni'a lani la' redacca' latsi' nna ra cabi: Señor, hàstaá ca espíritu malo nna riyénini çà qui' tu', porqui'ni rinèni tu' çà lani nombre qui' cuiá'lu'. ¹⁸Jesús nna rèe cabi: Làchu. Bilá' huá te' Satanás huàdià de ÿiaba tì'a ttu éthá. ¹⁹Liúda naga' le. Inte' nna chi benna' la'huacca lani le para gúl'lia le iquua ca bèl'là nna iquua caÿareyí' nna, a'hua guni le vencer itute fuerza qui' nu ná contrario qui' rí'ua nna, pero labí biÿa mal ni thacca' le. ²⁰Pero inte' nna nia'

le: Bittu edácca'ni le de qui'ni té la'huacca qui' le sobre ca espíritu malo, sino lédacca' láni de qui'ni nombre qui' le nna tsia cã lo lista qui' ÿiabara'.

²¹Làniataá nna bitsina' ttu la' redacca' latsi' lo losto' Jesús por Espíritu Santo, acca gunnie nna rèe: Tata Dios quia', runia' cuiã'lu' adorar tulidàba nna cuiã'bálu' ná Señor qui' ÿiabara' a'hua qui' yétsiloyu. Inte' nna ruí'a' cuiã'lu' gracia porqui'ni canu yala la' riyeni té qui' qui' nna labí be'él-la' cuiã'lu' qui'ni gunibia' cã ca enseñanzí, nihua lani canu rulaba latsi' qui' qui'ni yala ritelíni cã nna, pero lani ca huatsa to' la nna chi beni cuiã'lu' cã declarar. A' ba beni cuiã'lu' porqui'ni anía guyú'u latsi' cuiã'lu'.

²²Làniana ra Jesús canu tsè'e nía: Iyaba ca cosa nna chi benna Tata qui'a latsi' nàya'. Lanú nuÿa nabia'niã ÿi'ni áa sino làteruba Tata Dios nna nabia'nie bi. Lanú nuÿa nabia'niã Tatáa sino ÿi'ni áa tèruba a'hua nuÿa ba cálati' ÿi'ni áa gunie Tata qui'áa declarar lani cã. ²³Làniana gunna' Jesús ca discípuluá nna gunènie cabi nna rèe: Ica'rubà canu rilá'ni luetsi ca cosa nu rilá'ni le. ²⁴Riquixa'ánia' le qui'ni iyetse' ca enne' uccua profeta tiempo antigua nna a'hua ca rey nna yala gudà latsi' cabi ilá'ni cabi nu rilá'ni le, pero labí bilá'ni cabi a. Uccua huá latsi' cabi iyénini cabi nu riyénini le pero labí biyénini cabi a.

²⁵Làniana guduli ttu nu rethàsilà'na nu ra lo ley qui' Tata Dios nna uccua latsi'í cã saber ti'iyã ecàbi Jesús, acca rã ne: Maestro, biani ná qui'ni gunia'

para gata' la'labàni nu labí ttíã quia' cá. ²⁶Lèe nna rèe na: Biani ga'na escrito lo ley. Biani ritelíni lu' làti rùl-là lu'. ²⁷Becàbiã nna rã: Cátsi'íni lu' Señor Dios qui' lu' lani itute losto' lu', lani itute latsi' lu', lani itute fuerza qui' lu', a'hua lani itute la' rulaba latsi' qui' lu'. Cátsi'í huáni lu' iyaba ca luetsi enne' lu' ti'atsi la'a lu' ba. ²⁸Jesús nna rèe na: Tsè'ba becàbi lu'. Beni ba nua' nna huacca bàni bá lú'. ²⁹Pero lã nna uccua latsi'í iria nàriã, acca rã Jesús: Nú tegá nua' dà te' cátsi'í te' ni'i. ³⁰Becàbi Jesús nna rèe: Ttu nubeyu' nna beda'ã ciudad Jerusalén nna deyyã para yeti Jericó. Bedàxu' ca ubànà na, gutua tè cã iyaba nu nù'à'ã hàstaá ca ÿó niá, yala idí' bè' cã na, bètti tsalíati taání cã na becuitta tè cã. ³¹Dia tè ttu sacerdote néda nía nna bilá'niã nubéyu'a nna, pero gutè taã ttu lado la. ³²Anía tehuá beni ttu descendiente qui' Leví. Exa tegáabá nía chi díã nna bilá' báníã nubéyu'a nna, pero gutè tehuá ttu lado la. ³³Làniana ttu nubeyu' samaritano nna yù'u huá néda nna gul'lani bã exa taá làti té nubéyu'a nna bilá' báníã na, yala betúa latsi'í na. ³⁴Gubíga' tiã, gutàbiã aceite nna vino nna lo ca huè' qui' niá nna beÿíga' tiã lári'. Làniana beduã na cuè'e bia' qui' niá nna, guche'ã na le' posada nna yala cuidado bè'ã na. ³⁵Attu yu'utsá nna de dia enne' samaritanuá éda'ã nna, gulèqquiã chuppa moneda nna bete tiã lani nu ná xana' posádaá nna rã na: Beyu bal'la tsàtè' a' nna, iyaba nu gúniíru lu' gasto nna, hua yíyá bá ya' a' canchu chi eyèqquia'. ³⁶Annana,

biani rulaba latsi' lu'. Núlá canu nubéyu'a uccuatsi'fni nu beni dí' ca ubànàa cá. ³⁷Lá nna rā ne: Nu gúta' la' retúalatsi' qui'ḷi lani nubéyu'a. Làniana ra tè Jesús na: Beyya nna beni huá seguir luetsi ejemplo nu bedua enne' samarítanuá.

³⁸De yù'u tè Jesús néda nna, gutà'a tiè le' ttu yetsi to'. Nía nna dua ttu niula láq Marta nna benia ne recibir litsi'i'. ³⁹Marta nna dua ttu yìlì láq María. María nna gure' taq ru'a lo Jesús nna bedà nàgui'ḷi ca titsa' qui'e. ⁴⁰Pero Marta nna yala purari cca de runia lo sìni. Gubíga' tia ru'a lo Jesús nna rā ne: Señor, tsí bihua biya cani cuiq'lu' qui'ni yìlá yì'ḷi nna ruxèba latsi'ḷi qui'ni ttùba' gunia' servir. Gútsi tsàtè! cuiq'lu' a qui'ni guni tí'q inte' cualani. ⁴¹Becàbi Jesús nna rèe na: Marta, Marta, yala nùyue cani lu', a'hua yala purari cca lu' lani iyetse' ca tsina, ⁴²pero tturuba cosa adiru caduel-la'. Yìlá lu' Mari'ḷi nna chi becu'q nu adiru dacca' nna, labí ná qui'ni nuya enne' ní guthàga'niq na.

11 Ttu tsá lanía nna huía Jesús ttu lugar yà'latsi' para gunie oración. De belùya oración qui'áa nna, gunne tè ttu discípulo qui'áa nna ra bi e: Señor, beluè'ni cuiq'lu' intu' guni tu' oración, tì'a beluè'ni Juán ca discípulo qui' bía. ²Làniana ra tè Jesús cabi: Canchu chi guni le oración nna ina le ij:

Tata Dios qui' tu' enne' dua yíabara', rinàba tu':

Qui'ni nombre qui' cuiq'lu' nna ccá nombre sagrado lo losto' ca enne',

A'hua qui'ni ita la' rigú'ubia' qui' cuiq'lu' le' yétsiloyu nna,

Ccá bá nu rú'ulatsi' cuiq'lu' tì'ba yíabara' a'hua le' yétsiloyu.

³A'hua qui'ni gunna cuiq'lu' nu go tu' ttu tsá.

⁴Beyuniyén latsi' cuiq'lu' ca tul-la' qui' tu',

porqui'ni a'hua intu' nna reyuniyén latsi' tu' qui' iyaba ca luetsi enne' tu' biya ruthacca' ca intu'.

Bittu guthàna ná! cuiq'lu' intu' ccá tu' tentar,

sino gudilà la cuiq'lu' intu' le' iyaba canu ná mal.

⁵Ra huá Jesús cabi: Canchu dua ttu amigo qui' le nna tsía le le' litsi'ḷi ríluela yèlà nna gá li a: Amigo, gulèqquia sàni inte' tsunna ettaxtíla, ⁶porqui'ni gul-lani ttu amigo quia' déda'a de viaje nna labí biya té hué' ya' a gúq. ⁷Pero nuá nna ecàbiq dèdèba liú'u nna inq: Bittu uquitsi'ni lu' inte' porqui'ni puertq' nna chi yáya a'hua chi tí'a lani ca huatsa to' quíy'i'ḷi nna labí ccá chatha' gunna' nu rinàba lu'. ⁸Beni Jesús seguir nna rèe: Labí chathq' gunnq' nu rinàba màsq'ba nq' amigo qui'ḷi, pero nia' le: porqui'ni bihua rudutsiq' rinàba nna, acca huayàtha amigo qui'ḷi nna gutiq' iyaba nu riquina'niq. ⁹Inte' nna nia' le: Línaba nna huadi' ba le. Leyíla nna huetsèla báni le. Linne ru'a ttu puerta nna huathàlia báni ca le. ¹⁰Porqui'ni nuya tediba rinàba nna huadi' bq'. Nu reyíla nna huetselá bániq. Nu rinne ru'a ttu puerta nna huayàlia bq'. ¹¹Lebi'ḷi nu ná tàta, canchu ttu yì'ni le inàba ttu ettaxtíla gúq, pues labí hué' li a ttu íyya álá. O canchu inàba ttu bél-la to' gúq nna, pues aya labí ná

le capáz gute le ttu bèl:là la què'ì álá. ¹²A'hua labí hué' li a ttu ÿareyí' canchu inàbanià le ttu tsitta gúa álá. ¹³Acca canchu lebi'ì màsqui'ba ná le enne' tul'la', pero hua yù ba le gute le ca cosa tsè' qui' ca ÿi'ni le, tsí álahuá adí telá Tata qui' le enne' dua ÿiabara' gutie Espíritu Santo lani gusto ní qui' canu rinàbani ca ne álá.

¹⁴Ttu tiempo lànìa nna dua ttu nubeyu' uccua' mudo por ttu espíritu malo. Jesús nna benie mandado espíritu malua qui'ni gútse'e latsi'ì nubeyu' mudua. Beria bā nna gunne chì nubéyu'a. Canu bilá'ni nna uccuayí yà'aba latsi' qui'. ¹⁵Pero tuchùppa ca nna ra lá ca: Lani nombre qui' Beelzebú nu ná huexána' qui' ca espíritu malo runià mandado qui'ni eria ca. ¹⁶Attu te ca nna, para guni bá ca ne prueba nna, gunàba ca qui'ni gunie ttu milagro de ÿiabara'. ¹⁷Pero lèe nna gutebé' taánie la' rulaba latsi' mal qui' qui' nna rèe ca: Canchu nuña ttu gobierno lá'aní la' rigú'ubia' qui'ì nna til'la tè contra la'a labí' nna, entonces l-luña taá latsi'ì. A'hua ttu familia nna, canchu lá'aníà por biña ca disgusto ní nna, entonces labí itsáagá gúchià. ¹⁸A'hua Satanás lani ca espíritu malo qui'ì nna, canchu lá'a huání luetsi qui' nna, entonces ti'ala modo cue' tsittsi la' rigú'ubia' qui'ì cá. Anía nia' le porqui'ni rena le qui'ni por cualani qui' Beelzebú acca rudál:la' fuera ca espíritu malo. ¹⁹Cáalá por medio de Beelzebú runia' mandado ca espíritu malo qui'ni eria ca, entonces nú lá por la'huacca qui'ní rudál:la ca discípulo qui' le fuera ca espíritu

malo cá. Acca por nu runi la'a mísmuba ca ÿi'ni le nna rulue'ní qui'ni yala equivocado ná le. ²⁰Pero lani la'huacca qui' Tata Dios runia' mandado qui'ni eria ca espíritu malo, acca ccá le saber qui'ni chi gul'lani la' rigú'ubia' qui'e lani lebi'ì. ²¹Runia' le attu comparación: Canchu chi ttu nubeyu' valiente rue' cuidado litsi'ì lani yèrìà nna entonces bihua nùyue cania' por ca interés nu té qui'ì porqui'ni rue' tsì'a ca cuidado. ²²Pero canchu attu enne' adiru valiente íl:lanià nna gunià nubéyu'a vencer, entonces cúa tià iyate ca yèrìà qui'ì nna quithia huá iyate nu té le' litsi'ì lani ca compa' qui'ì, màsqui'ba nubéyu'a nna yala confianza gùppa lani ca yèrìà. ²³Acca nia' le qui'ni nu labí du lani inte' nna, entonces contra lá inte' dua. A'hua nu labí rutùppa lani inte' nna runittilo lá.

²⁴Canchu chi reria ttu espíritu malo lo losto' ttu enne' nna, làniana ribèni lo be' bā ca lugar bitsi hueyila gaña edi' latsi'ì, pero labí ritaxácca'a, acca cania': Eyèquia ca'á' litsá'a' làti gudáyá ya'a. ²⁵Canchu chi etsina'a nna ilá'nià qui'ni enni'a nna nā t'la ttu yú'u nu nettia bā nna chi lúba ràba le' yú'a nna yala tsè'ni chi nā arreglado. ²⁶Làniana tsíà táxi'a' ágàtsi ca espíritu adila mal tì'chu la' nna gá'a tè iyaba ca lo losto' enni'a nna xúa ca nía. Làniana adí teerulá peor ccá la' tté qui' enni'a tì'chula antes.

²⁷Loti' ra Jesús ca tìtsa'a nna, iditsa tsè' gunne ttu niula làhui' ca enne' ÿétse'á nna ra: Ica'ruba' niula beditsina' bi cuià'lu' nna begàtsi' bi

cuiq'lu'. ²⁸ Jesús nna ra tìe: Adítelá ica'rubà canu riyénini titsa' qui' Tata Dios nna runi ca nu rèe.

²⁹ Hua diala ritùppa ca enne' ÿétse'ní làti du Jesús, làniana gudulo tìe gunnie nna rèe: Ca enne' tsè'e annana yala mal ná la' rulába latsi' qui' qui, acca rinàba ca qui'ni gunia' ttu milagro, pero labí biya cosa milagroso ní ilá'ni ca, sino làteruba nu chi uccua lani Jonás tiempo antigua. ³⁰ Porqui'ni tì'a Jonás uccua bi ttu señal para ca enne' Nínive, a'hua Nubeyu' de Ýiabara' nna quée ttu señal para ca enne' tsè'e tiempo anna. ³¹ A'hua niula nu gulú'ubi'q' itute pais sur tiempo antigua nna eyátha huá lani ca enne' tsè'e tiempo anna canchu chi gal-la' tsá juíciúá nna gútsia falta qui' qui para thí' ca castigo; porqui'ni idittu' tsè'ni huíq' para iyéniniq' la' riyeni tsè' qui' rey Salomón. Atsi'íni entre lebi'q' nna du ttu enne' adila sabio tì'chula Salomón, pero labí caso runi le qui'e. ³² Canchu chi gal-la' tsá juíciúá nna, eyátha huá ca enne' qui' ciudad Níniveá para gútsia ca falta qui' ca enne' tsè'e tiempo anna para qui'ni ccá ca condenar. Porqui'ni ca enne' qui' ciudad Níniveá nna betsiá bání la'labàni qui' qui de biyénini ca titsa' qui' Tata Dios nu gutixà'a Jonás. Pero entre lebi'q' nna du ttu enne' adila dacca' tì'chula Jonás.

³³ Lanú nuya rugà'la' ttu yi' para gúduq' na làti gàttsi', nihua ÿareé' ttu cajón, sino qui'ni rudua lá na ttu lugar lati gudàni'q' qui' iyábani ca enne' gá'a le' yú'a. ³⁴ Iyyalo ri'u nna ná tì'a ttu lámpara para

ri'u. Acca canchu íyyalo lu' ná tsè'lbá, entonces labiru biya la'yani' reyàtsani lu'. Pero canchu íyyalo lu' labí yùq' biya nua' la'yani', entonces tál'liq' qui'ni requia bá lu' le' chul-la. ³⁵ Acca bè' cuidado la'yani' nu dua lo losto' lu' qui'ni làa tálíq' lu la' chul-la. ³⁶ Acca canchu labí biya la'yani' reyàtsani lu' nna nihua nìdi tí' chul-la bíttuuru té qui' lu' nna, entonces itute ccá la'yani' tì'a ttu lámpara tsè' canchu chi rudàni'q' qui' lu' lani itute la'yani' qui'q'.

³⁷ De beyacca gunne Jesús ca titsa'a nna, ttu enne' fariséua nna beniq' ne invitar gúe lani a. Gutè'e le' yú'u qui' nuá nna gure'nie lo meya. ³⁸ Bilá'ni fariséua qui'ni labí guti' né'e ántesca gúe tì'a costumbre qui' caniá para ccá ca purificar nna, acca yala uccuayí latsi'q'. ³⁹ Señor nna ra tìe na: Lebi'q' ca fariseo nna reyí le tsua' teruba fuera la qui' ttu taza nna plato nna, pero liú'u lá nna ná ruq' cùttsi, tì'a ná losto' le porqui'ni tsá'tí'niq' la' ubàna nna la' huèni maldad nna.

⁴⁰ Yala necio ná le. Tsí bihua yù le qui'ni Tata Dios enne' beni nu rilá'ní lo ra' nna, beni huée lado liú'u lá cá. ⁴¹ Líute losto' le lani Tata Dios, làniana itúbani le eyacca nàri hàstaá la' rulábalatsi' qui' le nna a'hua ca hecho qui' le nna.

⁴² Ica'rútsi'íru lebi'q' ca enne' fariseo, porqui'ni ribèq'quia le qui' diezmo hàstaá ca semilla lathi to' tì'a ná menta nna ruda nna iyaba clase de legumbre nna; pero ca cosa nu ná adírlulá importante tì'a ná lu'uxticia tsè' nn la' tsì'ilatsi' nna labí runi le ca. Ca nua' lá náduel-la' guni le, pero nihua làa guxùl-la latsi' le

gúte le qui' diezmo. ⁴³Icarútsi'íru lebi'i ca enne' fariseo, porqui'ni nu catíppá bá runi le para gal'la' le ca asiento nu dâa íquiará' tè le' ca sinagoga, a'hua yala ribèni le làti cca i'yya para qui'ni iyetse' ca enne' nna gappa çà le títsa'. ⁴⁴Ica'rútsi'íru lebi'i ca maestro de la ley religioso nna ca fariseo nna, porqui'ni ná le tì'a ca bà nu labiru rulue'ní lo qui; rida' tè ca enne' lo qui sin qui'ni làa ritebé'ni çà; á' tení ná le porqui'ni yala enne' tsè' rulue' le, pero álahuá hua líni le. ⁴⁵Là'niana gunne ttu maestro de la ley qui' caniá nna rã Jesús: Maestro, hàstaá intu' nna yala chi riyenidí'ni tu' por ca títsa' qui' cuiã'lu'. ⁴⁶Jesús nna rèe na: A'hua ica'rútsi'íru lebi'i ca maestro de la ley, porqui'ni ca costumbre nu rutsia le iquua ca enne' nna nã tì'a ttu yùà' idì'iní nu lanu nuã ridàã huá'níã na, pero lebi'i nna nìdi tito' làa calatsi' le cúa li a. ⁴⁷Airu lebi'i, porqui'ni rilitha le ca monumento xeni lo bà qui' ca profeta ca enne' betti ca ta' tàta qui' lía. ⁴⁸Aniá modo nna ritelíní qui'ni tsè'e hua le de acuerdo lani nu beni ca ta' tàta qui' lía, tulappa tsí'ní ná lé lani çà. Pues làcã nna hualigani betti çà ca profétaá, pero lébi'i nna rilitha tè le monumento lo bà qui' cabi. ⁴⁹Por nua' nna la' riyeni tsè' qui' Tata Dios nna rèe: Ithél'la'a' ca profeta nna ca apóstol nna lani çà. Ttu te cabi nna gùtti lá çà cabi, áttu te cabi nna gútsia latsi' qui' cabi. ⁵⁰Pues, lani ca enne' tsè'e tiempo annana enàba yíiyá' Tata Dios réni qui' iyaba ca profeta ca enne' bétti çà dèsdeba loti' uccua yétsiloyu, ⁵¹dèsdeba réni qui' Abel

hàstaá réni qui' Zacarías enne' bétti le le' lí'a qui' templua èxabá làti du altar. Attu vuelta nia' le qui'ni lani ca enne' tsè'e tiempo annana enàba yíiyá' Tata Dios réni qui' cabi. ⁵²Airu lebi'i canu rethàtsilàn na nu ra lo ley nna té làtsi' ná' le llave nu ithàlia puerta de la' ritelíní, pero la'a lebi'i ba nna labí rá'a le, nihua làa rue'él'la' le canu uccua latsi' gá'a.

⁵³Beyacca ba gunne Jesús ca enseñanzaá lani çà nna, entonces ca maestro nu rulue' ley religioso qui' caniá a'hua ca fariséua nna yala bitsa'áni çà ne nna gudulo çà bequitsí'ni çà ne nna nuýe tsè'ni gunàba títsa' çà ne. ⁵⁴Bedà tsittsi tení naga' qui' tì'iã ecàbie nna gulèda çà canchu xiaba uquinnia çà ne lani ttu títsa' para gappa çà néda biã caúsaní gútsia çà còntre.

12 Bitola nna bitùppa tè iýé mili' ní ca enne' hàstaá qui'ni rùl'lianí ló nì'a luetsi qui' de tántuani iýé çà. Là'niana gudulo Jesús gutixa'ánie ca discípulo qui'áa adí ca enseñanza nna rèe: Guyu le qui'ni làa thí' yeé'ni ca fariséua' le, porqui'ni yala enne' tsè' rulue' çà pero álahuá hualíni çà. ²Pero labí ttu cosa nu gàtsi' té sin qui'ni làa ilá'níã, nihua biã ttu secreto ní té sin qui'ni làa guna ri'u a. ³Acca iyaba ca cosa nu chi gunne le le' chul'la nna, pues ccã declarar le' la'yani'. A'hua nu chi gunne lànà le le' yú'u nna, ccã declarar dacca'ló taá.

⁴Lebi'i amigos quia': Bittu gátsini le canu calatsi' qui' gutti çà le, porqui'ni cuerpo teruba ccani çà gutti çà. ⁵Inte' nna innia' nuã

dàni le gátsini le: Lígátsi láni enne' huaccanie cúeé la'labàni qui' le, bitola nna té la'huacca quì'e gudàl·lee le lo yi'bél·laá. Acca nia' le qui'ni là enni'a nna ná qui'ni gátsini le. ⁶Tsí álahua ritò'o gayu' ca bìnni to' por chuppa moneda to' rúbá làti cca i'yya cá. Pero labí riyùl·lani Tata Dios nuỹa la ttu çà. ⁷Pues, hàstaá ittsta' iquua le nna báabànie iyáỹiani çà. Acca bittu gátsini le, porqui'ni lebi'ì nna adítelá dacca' le tì'chula iyetse' ca bìnni to'.

⁸Inte' nna nia' le qui'ni nuỹa tediba gudàlianiá inte' ru'a lo ca enne' nna, entonces a'hua inte' Nubeyu' de Yìabara' nna inne huá' nu cca qui' le ru'a lo ca ángel qui' Tata Dios. ⁹Pero nu labí thí'chí'á qui'ni nâ enne' quia' ru'a lo ca enne' nna, entonces a'hua inte' nna labí guni ya' a presentar ru'a lo ca ángel qui' Tata Dios. ¹⁰Nuỹa tediba inne contra inte' Nubeyu' de Yìabara' nna huatta' bá perdón qui'ì. Pero nu inne titsa' mal contra Espíritu Santo nna labí perdón gata' qui'ì. ¹¹Canchu chi iche' çà le le' ca sinagoga nna gute çà le cuenta làtsi' ná' canu rigú'ubia' nna ca uxtícia nna, pues bittu nùyue cani le ti'iỹa o biỹa ecàbi le o biỹa gá le çà. ¹²Porqui'ni la'a mísmutaá hóraá nna guni Espíritu Santo latsi' le nu dàni le inne le.

¹³Làniana biria ttuq entre ca enne' yétsi'á nna rã ne: Maestro, gùtsì bál·la béttsi' yà'á' qui'ni íl·la'áníá interés qui' ta' tãta qui' tũ'a nna gunã tsal·lue' quia'. ¹⁴Jesús nna rèe na: Lu' nubeyu', núní chi beduá inte' para ccá' juez qui' le, or para íl·la'áníá' biỹa té qui' le ni'í. ¹⁵Ra

tìe iyaba çà: Lihue' cuidado de iyaba clase de la' dâlatsi', porqui'ni masqui'ba iỹeni ní ca cosa chi guta' qui' ca enne', pero bel·liu qui' qui' nna bihua runnã la'labàni qui' qui'.

¹⁶Gutixa'a huánie çà attu comparaciòn nna rèe: Loyu qui' ttu nubeyu' rico nna yala lènà' chi bedi'á lì'ì. ¹⁷Lã nna gure' tiã yala belaba latsi'ì nna uccuaníã. Biagani gunia', qui'ni lagáru ná cu'á' adí ca lènà' quíyi'ì. ¹⁸Làniana uccuaníã: Chi yúá' biỹa gunia': adila tsa' gutáppa'a' ca cúrrali quíya'a nna gunia' canu adiru xeni, nía nna cu'ú tia' iyaba ca lènà' quia', a'hua adí bíyaáru té quia' nna, ¹⁹làniana edilátsa'a' nna épa'a' la'a mísmuba inte': Yala iỹeni lènà' chi túani lu' para iyetse' ni ida, acca bedi' bá latsi' lu' nna gù'ya gutò bá nna bedacca' bání nna. ²⁰Pero Tata Dios nna rèe na: Enne' necio ná lu', porqui'ni nèlà nna gatti lu'; iyaba nu chi túani lu' para la'a lu' ba nna, núlá qui' ccã cá. ²¹Ra huá Jesús: A' tení ná nu rudàni riqueza qui'ì, pero lani Tata Dios nna yala pobre nã.

²²Bitola nna ra tè Jesús ca discípulo qui'áa: Acca nia' le qui'ni bittu nùyue ga tsé'e le por ti'iỹa ccã le nu go le nna, nihua ti'iỹa ccã le nu gaccu' le nna. ²³Pues, la'labàni qui' ri'u nna adila dàcca'á tì'chula nu ri'ya ro ri'u; a'hua cuerpo qui' ri'u, tì'chula nu raccu' ri'u. ²⁴Liuyuúruhuá ca bèqquà. Pues bihua rada çà ñihua labí rutùppa çà lènà', nihua làa rudua çà cúrrali làti cu'ú çà yeda qui' qui'. Pero Tata Dios nna ru'e çà ro çà. Tsí álahuá adíruhá dacca' le tì'chula' làcã cá.

²⁵Núní le ccáni itùnì á tsàtsità de tántua nùyue caníq cá. ²⁶Acca, canchu bihua ccáni le guni le ttu cosa xcuichu to' rúbá nna, biala cca cathùtini le nùyue por bíyááru adí ca cosa cá. ²⁷Liuyuúruhuá ca ìyyà nu anta' i'lyatò' ti'iyā riñeni cā, pues labí biyā tsina ní runi cā nihua labí rul-la cā tūu. Pero riquixa'ánia' le qui'ni ñihuani rey Salomón lani iyátení ca lári' fino nu guccu' bi nna, pero labí bilá' bi latsitè gani tì'a ca ìyyà tú'q'. ²⁸Yala tsè'ni rugàccu' Tata Dios ca ixi' to' átsi'ini anta' cā ttu tsá teruba le' yétsiloyu nna guxtíla taá dia chì cā lo yi' le' horno. Lebi'ì nna, tsí álahuá adila dispuesto ga'na Tata Dios para gugàccu'e le cá. Pero labí ríalatsi' le qui'ni iñeni la'huacca té qui'e. ²⁹Acca lebi'ì nna, bittu nùyue ga tsé'e le por ti'iyā ccá le nu í'ya go le, bittu gulaba xàttagá latsi' le qui'ni làa etù la'ñeni qui' le. ³⁰Porqui'ni iyaba ca così dua iquiqua canu labí fe qui' qui' té. Pero lebi'ì nna dua Tàta Dios qui' le enne' hua yù bée qui'ni riquína'ni le ca così. ³¹Acca adila tsa' líúdua iquiqua le nu cca qui' reino qui' Tata Dios; làniana iyábani adí ca cosa nna, ni nada bá íl-lani cā. ³²Lebi'ì ca carnero to' quia', ttu grupo xcuichu to' teruba ná le, pero bittu gátsini le, porqui'ni Tata Dios qui' lía nna chi rappée gusto gúnnée qui' le iyate nu rigú'ubi'e. ³³Acca, ligùttì' iyate nu té qui' le nna líúte qui' ca enne' ritè là'di'. A' modo nna gáta'ni le ca bolsa nu labí güé, quiere decir ttu tesoro qui' le le' ñiabarara' nu labí tté qui'ì, làti lanú ubàna té ñihua làa runittilo bè'l-là d'il-la'

nna. ³⁴Porqui'ni làti té ca cosa nu dacca' qui' lía nna, nía huá du la' rulábalatsi' qui' le.

³⁵Lítsé'e listo, liugàl-la' léda taá ca lámpara qui' le, ³⁶para qui'ni ccá le tì'a canu rue' cuidado ru'a puerta ribeda cā qui'ni él-lani xana' caníá huía bi thá'a. Para qui'ni cuantu taání él-lani bi ñne taá bi ru'a puértaá nna, luégutaá ithàliani cā bi. ³⁷Ica'rubà ca siérvuá, porqui'ni canchu chi él-lani xana' caníá nna, taxácca' bi cā tsè'e cā al tanto. Hualigani te' nia' le qui'ni la'a làbabi nna gudu mandil ru'a lo bi nna gúxuani bi cā lo méyáá nna gute bi nu go cā. ³⁸Màsqui'ba él-lani bi ttú ríluela yèlà o màsqui'ba él-lani bi ttú ritì'ì tsunna díla, pero yala ica'rubà ca siérvuá porqui'ni gulèda cā hàstaá qui'ni el-lani bi. ³⁹Lítelíni attu ejémluj: ttu tàta nna cáalá yùá biyā hora íl-lani ubana litsi'ì nna, entonces labí gá'athia, anía modo nna labí hue'él-la'q nuyā cuana biyā té le' yu'u qui'ì. ⁴⁰Acca, a'hua lebi'ì nna lítsé'e al tanto, porqui'ni méruání hora nu ñidi làa rulába latsi' le nna, de repente taá él-lani Nubeyu' de Ñiabarara'.

⁴¹Làniana Pedrua nna ra bi e: Señor, tsí gùnne cuiq'lu' comparación ñi para intu' teruba o tsí para iyaba ca enne' áccá. ⁴²Becàbi Señor nna rèe: Nuni nua' ná siervo fiel nu té la' riyenitsè' quì'ì acca bethà'na tè xana' niá na le' yú'u qui' bía para huí'q na cuidado nna gútiq nu go qui' adí canu runi tsina hora ná qui'ni go cā cá. ⁴³Ica'rubà siérvuá canchu chi étsina' xana' niá nna ilá'ni

bi à qui'ni runià voluntad qui' bi.
⁴⁴Hualigani te' nia' le qui'ni gute bi làtsi' ní'ì iyate nu té qui' bi para cu'úbi'á. ⁴⁵Pero canchu siérvuá gulaba latsi'ì nna cánià: Alahuá anna tè é'l'ani xana' ya'a, làniana thulo chià huí'á ca mózuá nna ca criádaá nna, à'hua í'ya gúà hàstaá qui'ni ttáanià. ⁴⁶Làniana nìyalatsi' siérvuá nna é'l'ani xana' niá tsá nu nìdi làa ribedà bi, hora nu labí yùà nna. Acca xana' niá nna idí'ni guni bi à castigar, làniana gudà-la tè bi à lani adí canu labí runi tsè'.
⁴⁷Siervo nu hua yù bà bi'ya nuá rú'ulatsi' xana' niá qui'ni gúnià, atsi'íni labí benià duel-la' gunià nu náni bi à mandado, entonces lã nna thí'á i'yetse' castigo. ⁴⁸Pero siervo nu labí nabia'ni nu rú'ulatsi' xàni'ì nna benià nu dacca' ccánà castigar nna, lã nna hua'ia' lá íyaá'á. Acca nia' le qui'ni nu'ya tediba thí' i'jeni nna, entonces i'jeni huá enàbani cà na. À'hua nu'ya tediba gute cà làtsi' ní'ì adí i'jeni nna, entonces adila i'jeni enàba yí'ya'ni cà na.

⁴⁹Inte' nna daya' para thulua' ttu tsina nu gál-lá'le le yétsiloyu tì'a ttu yi' nna gunià vencer iyaba ca cosa mal. Demasiado rú'ulátsa'a' qui'ni gál-lá'á pruntu taá. ⁵⁰Náduel-la' ttía' por ttu sufrimiento nna yala sufrir canilátsa'a' hàstaá qui'ni i'yu tsá ccá cumplir. ⁵¹Tsí rulaba latsi' le qui'ni daya' para qui'ni bíttuúru ccá chuppa la' rulábalatsi' cá. Labí, sino íl-lá'a lánia' la' rulábalatsi' qui' ca enne'. ⁵²Porqui'ni dèsdèba nna làti tsè'e gayu' enne' le' ttu familia nna, la'áni luetsi quj; tsunna cà contra chuppa cà nna, chuppa cà contra tsunna cà nna; ⁵³ttu tàta nna

contra yí'ni, à'hua yí'ni contra tàta qui'ì; ttu nàna contra yí'ni niulí, à'hua yí'ni niula contra nàna qui'ì; suegra contra yòlitsi'ì, à'hua yòlitsi'ì contra suegra qui'ì.

⁵⁴Ra ruhué ca enne' yétsi'á: Canchu chi rilá'ni le re'l'ani bíá lado renia bitsa nna, entonces rena taá le: Chi da' iyya. Anía ccá nna. ⁵⁵À'hua canchu chi riria be' lado sur la nna, entonces rena le: Yala ubá ccá. Anía ccá nna. ⁵⁶Hua ritelí báni le ca seña nu cca qui' ca tiempo yíaba nna yétsiloyu nna. Bialacca rena le qui'ni labí télini le ti'í'ya ná cosa importante nu cca le' yétsiloyu anna dacca'ló taá ni'ì. Labí líni le.

⁵⁷Bianicca labí la' riyeni tsè' té qui' le para cuequua latsi' le guni le nu ná tsè' ni'ì. ⁵⁸Canchu ttu enne' dia bi hue' parte contra lu' ru'a lo uxtí'cia nna, entonces lu' nna ná qui'ni eyaccatsè' telá lu' bi miéntraste yù'u lu' néda lani bi para qui'ni làa gute bi lu' cuenta lani juez, porqui'ni enne' ná juez nna gute bi lu' cuenta lani ca policia para gudà-la cà lu' làti ccá lu' castigar. ⁵⁹Inte' nna nia' lu' qui'ni labí eria lu' níá hàsta'na qui'ya lu' iyate nu ruthítsini cà lu'.

13 La'a tiempo làniateá nna tsè'e hua tuchùppa ca enne' níá ruè'nì cà Jesús titsa' ti'í'ya ná nu beni Pilátua, porqui'ni benià mandado gattí tuchùppa ca enne' Galilea mérubá tsè'e cà huèni sacrificar, hàstaá qui'ni réni qui' ca enni'a nna bichixià lani réni qui' ca animal nu betti cà para sacrificiú. ²Jesús nna rèe cà: Ca enne' gùttì por mandado nu beni

Pilátua nna, tsí rulaba latsi' le qui'ni adiru enne' tul-la uccua çà tì'chu iyaba ca enne' látsi qui' acca guÿacca' çà anía cá. ³Inte' nna nia' le qui'ni bihua uccua çà adiru enne' tul-la'. Pero lebi'lì nna canchu bihua gúttsiání la' rulábalatsi' qui' le para eyaccatsè' le Tata Dios nna, entonces iyáÿiani le nna l-luÿa huá latsi' le. ⁴A'hua canu tsíÿunu' gùttì le' ciudad Jerusalén loti' biyinnia torre qui' Siloé iquua canía nna, tsí rulaba latsi' le qui'ni adiru enne' tul-la' uccua çà tì'chu iyaba ca enne' qui' Jerusalén acca guÿacca' çà anía cá. ⁵Inte' nna nia' le qui'ni álahuá là. Pero lebi'lì nna canchu bihua eyacca le arrepentir por ca tul-la' qui' le nna, entonces iyáÿia le nna nitti ba le.

⁶Jesús nna gutixa'a huéé ejépluì: Ttu nubeyu' nna du ttu yà exxuhuì qui'lì le' loyu qui'niá. Huía tià huìla exxuhuì lúì, pero ni ttú làa taxacca'a lo yà exxuhuía. ⁷Làniana ra tià nu rue' cuidado lóyúa: Ttu ttu ida ní rita' huìla exxuhuì lo yaguì, atsi'íni chi uccua tsunna ida nìdi ttu exxuhuì nì' cuía lúì. Acca adila tsa' guchu telá a, porqui'ni cuenta du b́ le' lóyúì. ⁸Becàbi tè nu rue' cuidado lóyúa nna rã: Señor, be'él-la' bá cuiã'lu' a màsqui'di attu ida, miéntraste gúlá' tí'a' gùnà' ÿánì nna gúdál-la'a' bèbè, entonces ⁹canchu cuía fruta lúì nna, tsè'ba; pero canchu bihua nna, lànialá nna ichù bá cuiã'lu' a.

¹⁰Ttu tsá nu labí runi ca judíua tsina nna, du Jesús le' ttu sinagoga làti retùppa çà nna gutixa'ánie çà ca enseñanza nu cca qui' Tata Dios. ¹¹Le' sinagógaá nna re' huá

ttu niula, chi uccua tsíÿunu' ida rà'niã. Ttu espíritu malo nna chi bechéetsù'niã niuláa, pues nìdi tí' làa cca elíã. ¹²Bilá' bání Jesús niuláa nna gutàÿie nna ra tie na: Niula, chi ná lu' libre de itsahue' qui' lu'a'. ¹³Betsia tè né'le iquua niuláa. Lã nna belí chiã nna guduluã bedàlianiã Tata Dios. ¹⁴Pero nubeyu' principal le' sinagógaá nna yala bitsa'ániã porqui'ni beyuni Jesús ttu enne' tsá ná qui'ni edi' latsi' qui', acca gunniã lo iyaba ca enni'a nna rã: Xuppa ubitsa té para guni ri'u biÿa tsina qui' ri'u, acca le' xuppa ubitsa ìta le eyàccalatsi' le, pero alàa tsá ÿeni qui' ri'u. ¹⁵Gunne tè Señor nna rèe nubeyu' principal: Quelebíhuá rena lu' ridu lu' conqui' adila lebi'lì nna rethàtsi la le ca gù'na bia' qui' le nna riche' le çà í'ya çà inda, màsqui'ba labí ná tsá tsina. ¹⁶Atsi'íni niulúì nna ná lã descendiente qui' Abraham, chi uccua tsíÿunu' ida ÿíga'ni Satanás na, tsí bihua ná qui'ni ethàtsi ri'u a de itsahue' qui' niã' màsqui'ba làa ná tsá tsina ca. ¹⁷Gunne diba Jesús ca tìtsa'a nna yala bettu'ni canu labí cca guyu çà néa. Pero itúbani yétsiá nna yala bedacca'ni çà bilá'ni çà ca cosa milagroso nu beni Jesús. ¹⁸Làniana rèe: Biani tì' ná reino qui' Tata Dios cá. A'hua biani lani guni ya' a comparar cá. ¹⁹Nã tì'a ttu bétsi' to' qui' planta mostaza nu guÿì' ttu enne' nna gudã na le' ÿúlali qui'lì. Bétsi' tú'a nna gul-lani díbã nna biÿeniã nna uccuã tì'a ttu yà ÿénitsè' hàstaá qui'ni ca binni to' tsè'e lo be' nna radi çà rutsia xcu'ni qui' lúì.

²⁰Raáruhuá Jesús: Biani lani gunia' comparar reino qui' Tata Dios cá. ²¹Ná tì'a ná levadura nu guỹi' ttu niula nna gulù'ą na le' tsunna yà almudo yedia, hàstaá qui'ni beyaỹilo ituba cúa.

²²De yù'u Jesús néda para ciudad Jerusalén nna, gutè tie ca yetsi nna ca rancho nna, gutixa'ánie ca enne' iỹetse' ca enseñanza nu cca qui' yĩabara'. ²³Gunne tè ttu enne' día nía nna rą ne: Señor, tsí tuchùppa rúbá ca enne' l-làà cá. Becàbie nna rèe: ²⁴Lígúni duel-la' gá'a le ru'a puerta xcuichu to' miéntraste té tiempo, porqui'ni nuỹetse' calatsi' gá'a bitola, pero labí irialàni cą. ²⁵Porqui'ni enne' xana' yú'a nna bitola de chi guduli bi bethàya bi puértaá, pues lebi'i' canu tsè'e le fuera nna gúl-labi le ru'a puértaá nna ina le: Señor, Señor, guthàliani cuią'lu' intu'. Ecàbi tè bi nna ina bi: Labí yúá' nuỹa enne' ní ná lé. ²⁶Làniana ina le: Júntubá guỹua tu' lo meỹa gù'ya gutó bá tu' lani cuią'lu', ą'hua lo ca néda qui' tu' nna biyénini tu' enseñanza nu rulue' cuią'lu'. ²⁷Pero enne' ná xana' yú'a nna gá lá bi le: Chi nia' qui'ni labí yúá' nuỹa enne' ní ná lé; liucuitta nì iyaba lebi'i' canu runi mal. ²⁸Nía nna cca le sufrir, íditsùni le cuetsi le nna goyà'atsùni laya' le nna, porqui'ni ilá'ni le Abraham nna Isaac nna Jacob nna ą'hua iyábani ca profeta qui'ni tsè'e iyaba cabi le' reino qui' Tata Dios, pero lebi'i' nna fuérabá tsè'e le. ²⁹Tsé'e canu íl-lani lado ril-lani bitsa nna lado renia bitsa nna ą'hua lado norte nna sur nna xúaní cą lo meỹa lani la' redacca' latsi' le' reino qui'

Tata Dios. ³⁰Tsá lània nna ttu te canu ná cą bitó tè annana pues ccá cą nu neru; ą'hua ttu te canu ná cą neru annana pues eyacca cą nu bitó tè la.

³¹La'a mísmuba tsá lània loti' gutixa'a Jesús ca tìtsa'a nna, bitsina' tuchùppa ca fariséua nna ra cą ne: Beria nì nna beyya, porqui'ni Herodes nna calatsi'i' gúttíą lu'.

³²Jesús nna ra tìe cą: Lítsía nna lígatsi enne' mańosuą' qui'ni inte' nna rudál-la'a' fuera ca espíritu malo ą'hua reyùnia' canu ra'ni, annana guxtíla nna, pero huitsa taá nna irialània' tsina quia'. ³³Té díhuá qui'ni gunia' seguir tsina quia' áchúppa tsuna ubitsi, làniana etsina'a' Jerusalén, porqui'ni labí gutti ca enne' ttu profeta le' attu yetsi huaya' sino le' ciudad Jerusalén teruba. ³⁴Lebi'i' canu tsè'e le' ciudad Jerusalén rúttí le ca profeta nna rudua huá le íyya iquía iyaba ca mensajero nu rithel-la' Tata Dios lani le. Iỹé vuelta tsè' uccua látsa'a' gutùppa' le tì'a ttu yiti rutùppa cą yĩ'ni to' qui'i' liú'u xli, pero labí uccua latsi' le. ³⁵Templo qui' líą' nna chi dua tàttsi bą, labiru la'huacca qui' Tata Dios té lani le, ą'hua nia' le qui'ni labiru ilá'ni le inte' hàsta'na qui'ni i'yu tsá inne le tsè' nu cca quia' nna ína le: La' dàliani para cuią'lu' porqui'ni da' cuią'lu' por nombre qui' Señor Dios.

14 Ttu tsá redi' latsi' ca enne' Israel nna, huía Jesús litsi' ttu nu ná principal qui' ca fariséua para gúe lani ą. Adí ca fariseo tsè'e cą nía nna betsia tsittsi bání lo quí ne. ²Du tè ttu nubeyu' ru'a

lo Jesús; fuérteni rà'niá, itú yíábá té yii. ³Làniana gunne teni Jesús ca fariséua a'hua ca maestro de la ley qui' caniá nna rèe ça: Tsí hua ná qui'ni eyuni ri'u ttu nu ra'ni tsá ná qui'ni edi' latsi' ri'u cá, o, tsí ra Tata Dios qui'ni ná tul'la' áccá. ⁴Pero làçá nna labí becàbi ça. Jesús nna bedàxu' tìe ná' nubeyu' rà'nia nna, beyacca taá latsi'ì. Làniana bethèl'le'e na litsi'ì. ⁵Ra tè Jesús ca fariséua: Canchu nuÿa ttu le du ttu burro o ttu gù'na qui' le nna innia tè nuÿa ttu ça le' ttu yèrù nna, tsí bihua igàa le para ebèqquia li a le' yèrù màsqui'ba ná tsá ÿeni cá. ⁶Làçá nna labí betseláni ça biÿa ecàbini ça ne.

⁷Ttu vuelta nna, bilá'ni Jesús qui'ni canu nàÿi yú'u thá'a nna yala nu catippa ba runi ça para gal'la' ça ca asiento dàa íqquiará' tè lo méÿaá. Acca gutixa'ánie ça ttu enseñanza nna rèe: ⁸Canchu chi nuÿa gùÿiá lu' yú'u thá'a nna, bittu cue' tení lu' íqquiará' tè lo meÿa, porqui'ni xiaba íl'lani huá attu enne' nu adila re' cuenta tì'chu lu', ⁹làniana íl'lani huá nu naÿiniá lía, nna gá lu': Guduli canna para qui'ni cue'ni enni'ì. A' gá lu', làniana ttú la' rettu'lo bá nna tsía lu' táché' lu' lo xila' nu du bitó ÿiatía. ¹⁰Acca, canchu chi nuÿa gáÿiá lu' nna, huía bá nna gure' tení lo xila' nu du bitó ÿiánía, para qui'ni íl'lani bá nu gutàÿiá lu'a nna gá lu': Amigo, gutè iqquia meÿa lá. Làniana yala tháliani lu' ru'a lo canu ÿua lani lu' lo meÿa. ¹¹Porqui'ni nuÿa tediba rudàlianiá la'a labá nna, entonces exél'la' lq; pero nu rulaba latsi'ì qui'ni labí nuÿa ná nna, ccá lq enne'

ÿeni. ¹²Raáruhuá Jesús nubeyu' nu gutàÿiá néa: Canchu chi gute lu' go ca enne' nna, bittu gaÿi lu' canu cca tsè' lu', ñihua ca bettsi' lu', ñihua ca pariente qui' lu', ñihua ca vecino qui' lu' nu ná enne' rico, porqui'ni iyaba canua' nna guni huá ça lu' invitar go lu' lani ça; anía modo nna labí premio thí' lu' de ÿiabara', porqui'ni chihua beyunna ça qui' lu'. ¹³Pero canchu chi guni lu' ttu banquete nna gutàÿi lá ca enne' ritè là'di', a'hua canu ná manco l-le, ca enne' cojo l-le, ca enne' ciego l-le. ¹⁴Làniana yala la' redacca' latsi' gata' qui' lu', porqui'ni làçá nna labí té qui' qui' para eyíÿáni ça qui' lu'. Pero huadi' bá lu' nu gute Tata Dios qui' lu' canchu chi i'yu tsá eyátha iyaba ca enne' beni ça tsè'.

¹⁵Biyeni báni ttu nu re' lani e lo méÿaá nna ra ne: Ica'rubà nu cue' go lo meÿa le' reino qui' Tata Dios. ¹⁶Becàbi Jesús por medio de ttu ejemplo nna rèe: Ttu ènne'yu' beni bi ttu banquete xeni tsè' nna gutàÿi tè bi ca enne' ÿétse'ní. ¹⁷De gùl'la' hora go cabi nna, guthel'la' bi mandado litsi' canu chi naÿini bía nna ra tè ça: Litàxia le qui'ni iyaba chi tsìa léda lo méÿaá. ¹⁸Pero iyaba canu chi naÿini bía nna bíla bíla bá pretexto bedu ça. Ttuá nna ra: Chì' huí'ibá' ttu loyu nna, caduél'la'ní tsa'á' tanel'le' ya' a, acca rinábania' lu' qui'ni thí' lu' la' ÿénlatsi'. ¹⁹Attuá nna ra: Chì' huí'ibá' gayu' néda gù'na nna dí'a' guni ya' ça prueba, acca rinábania' lu' qui'ni thí' lu' la' ÿénlatsi'. ²⁰Attuá nna ra: Chì' bèttsáabá nàya', acca labí cca quia' tháyá'. ²¹De betsina' nu huía mandáduá nna gutixa'ániá xana'

niá nu ra canaá, yala bitsa'áni xana' niá nna ra tè bi mozo qui' bí: Huía xiàtsate' làti cca i'yya nna a'hua lo ca néda nna taxi' ca enne' ritè là'di' a'hua canu ná manco l'le, canu ná cojo l'le, ca ciego l'le. ²²Mózuá nna beyéqquiá ru'a lo xana' niá nna ra bi: Señor, chi benia' nu ra cuíá'lu'a, pero hua náru lugar le' yú'í. ²³Là'niana xana' niá nna ra bi a: Huía lo ca nédayù nna ca néda lathi to', guche' duel·la' taá ca ìta ca para qui'ni itsà' le yú'u quíy'i. ²⁴Porqui'ni nia' le qui'ni nì ttu canu gutá'ya' néruá nna labí go ca là'go quíy'i.

²⁵Nu yétse'gání ca enne' nna dia tè ca lani Jesús. Lèe nna gunne'e ca nna rèe: ²⁶Canchu nu'ya enne' calatsi'í thá'á lani inte' nna dàniá catsi'íniá inte' adí tì'chu catsi'íniá tàta nàna qui'í nna ca yì'nì nna ca bettsi'í nna ca danì nna, hàstaá la'a mísmuba là nna dàniá guyudí'á nna catsi'íniá inte', porqui'ni canchu labí nna entonces labí ccániá ccá discípulo quia'. ²⁷Nu'ya enne' labí ga'ná dispuesto gúchiá propio gani curutsi qui'í nna tanuá inte', entonces labí dàcca'á para ccá discípulo quia'. ²⁸Por ejemplo, canchu nu'ya ttu le calatsi'í gúduá ttu yú'u nna, tsí álahuá priméru'ya cuí'á nna guthácca'bia' latsi'í tsáliá'ya bel·liu gudàl·lá qui' yú'a cá para ccá saber canchu hua té suficiente nu riquina'niá para gulù'ya tsè'taá yú'u qui' niá. ²⁹Nìcà'chu ichida díbá cimientu nna bíruhuá té qui'í gulù'yaníá yú'u qui' niá, làniana iyaba canu ilá'ni ca na nna yala gúyitsíni ca na, ³⁰ina ca: Nubéyu'a' nna gùduluá ruduá

yú'u nna, pero labí suficiente lo sìni té para gulù'ya na. ³¹A'hua ttu enne' rigú'ubia' nna, canchu caduel·la' guniá guerra contra ttu contrario qui'í, tsí álahuá priméru'ya cuí'á nna guthácca'bia' latsi'í ti'í'ya modo lani tsii mili' ca soldado qui'í nna huadàa lani gál·lia mili' ca soldado qui' contrario qui' niá cá. ³²Canchu ruthácca'bia' latsi'í qui'ni labí thá, entonces miéntraste huaduúru contrario qui' niá idittu' nna ithel·la'á noticia gata'yúniá na qui'ni adila tsa' eyaccatsè' bá ca. ³³Acca lebi'í canchu bihua ga'na le dispuesto gutha'na le iyate nu té qui' le nna, entonces labí posible té para ccá le discípulo quia'.

³⁴Yala ri'yu' dète', pero canchu dèti'a gunittia' lá i'yé' qui'í nna, biala lani eyaccaniá i'yé' cá. ³⁵Pues labiru bi'ya í'yu'á, nìdi para tsíá le' ttu loyu para guniá bèbè, sino para irú'na terúbá fuera. Nu calatsi'í teliniá enseñánzì nna naduel·la' qui'ni gudà tsè' nàgui'í.

15 Làniana iyaba canu ruquí'ya qui' impuesto nu redi' gobierno, a'hua adí canu rena ca enne' judíua qui'ni yala enne' tul·la' ná ca nna gubíga' tè ca ru'a lo Jesús para gudà naga' qui' qui'e. ²Acca ca enne' judío canu gùlàni religión fariseo a'hua ca maestro de la ley nna beyu tè ca la' dítsi qui' Jesús nna ra ca: Nui nna yala cca tsè'á canu huèni tul·la' nna ruá lani ca nna. ³Jesús nna gutixa'ánie ca ttu enseñanza por medio de ttu comparación nna rèe: ⁴Núní ttu enne' ní entre lebi'í nu tsè'e gayua' carnero qui'í, canchu iyàl·la nu'ya lá ttu ca nna, tsí bihua guthà'na canu

noventa y nuéveá làti ná ìxxì' go cà miéntraste tsíà tatilá nu biyál-láa hàstaá qui'ni etselánià na cá. ⁵De chi betselánià na nna enìta' tià na por tanto la' redacca' latsi' nu té qui'ì. ⁶Etsina' bá le' yú'u nna gaỹià ca vecino qui'ì à'hua adí ca amigo qui'ì nna ra tià cà: Ledácca' huá latsi' le tì'a inte', porqui'ni chi betsela te' carneru to' quia' nu biyál-láa. ⁷Raáruhuá Jesús: Inte' nna nia' le qui'ni adila la' redacca' latsi' té le' ÿiaba ra' por ttu enne' tul-la' reyacca arrepentir, tì'chula por noventa y nueve ca enne' de respeto canu labí caduel-la' eyacca cà arrepentir.

⁸Raáruhuá Jesús: Ttu niula nu té tsii moneda qui'ì, canchu iyàl-la ttuà nna, tsí bihua gugàl-la'q yi' nna thulo tià tetsùbà eyilà na hàstaá qui'ni etselánià na, màsqui'ba caduel-la' gulùbà itute le' yú'u qui' niá cá. ⁹De chi betselánià moneda nna, làniana rā ca vecina qui' niá à'hua adí ca amiga qui' niá: Ledácca' huá latsi' le tì'ba inte', porqui'ni chi betselá te' bel-liu quia' nu biyál-láa. ¹⁰Làniana ra Jesús: Inte' nna nia' le qui'ni à'hua ca ángel qui' Tata Dios té huá la' redacca' latsi' qui' cabi canchu chi ttu enne' tul-la' nna reyacca arrepentir.

¹¹Raáruhuá Jesús adí: Ttu ènne'yu' nna gutsé'e chuppa ÿi'ni bi. ¹²Nu cca nu cuiti'a nna rā tàta qui' niá: Tàa, gùl-la'ánì cuià'lu' iyate nu té qui' ri'u para gunna cuià'lu' quia' nu ral-lá'a' thí'á'. Làniana gùl-la'á tēni bi herencia qui' bía, bè' bi cà qui' tsàba qui'. ¹³Dia tí'bá tsá nna, entonces nu cca nu cuiti'a nna betùppā iyábani

herencia qui'ì nna guda' tià díà idittu' hàstaá attu naciòn huaya'. Nía nna benittiluà iyate nu té qui' niá nna gurèni perdido bá. ¹⁴De chi gutittia el-la'níà itute nu té qui' niá nna, uccua ttu ubina' fuerte ní le' distrito làti rēni naá, làniana gudulo beyàtsa qui'ì. ¹⁵Huía tià ru'a lo ttu nu dua nía huila tsina. Nùu nna guthel-la'q na rancho qui' niá para gappā ca cùttsi qui' niá. ¹⁶De tántua ritùnià nna ridàa tí'ní latsi'ì cayélianià hàstaba nu ro ca cùttsia, pero lanú nuỹa rute gúq. ¹⁷Làniana bettsiáni la' rulábalatsi' qui'ì nna uccuanià: Bal-la gání mozo tsè'e le' litsi' tàta qui'a té tsè'eni qui' qui' ro cà, atsi'ìni inte' nna chi rattia' bìnà' rēnia' nì. ¹⁸Annana edúlia' nna éya'a' ru'a lo tàta qui'a épa' ye' e: Tàa, chi benia' tul-la' contra Tata Dios à'hua contra cuià'lu' nna, ¹⁹labiru merecer ccà'a' para eyacca'a' ÿi'ni cuià'lu', acca beni ba cuià'lu' inte' tì'a ttu mozo qui' cuià'lu'. ²⁰Làniana lā nna beduli tià nna deyyā litsi' tàta qui' niá. Idíttu'úruá deyyā nna billá' chìnì tàta qui' niá na yàlànì betúia latsi' bi à acca bigaá chì bi nna gunìta' bi yánì nna bettsa'ló bi à. ²¹Lā nna ra tià bi: Tàa, chi benia' tul-la' contra Tata Dios à'hua contra cuià'lu' nna, labiru merecer ccà'a' para eyacca'a' ÿi'ni cuià'lu'. ²²Pero tàta qui' niá nna ra bi ca siervo qui' bía: Licuèqquia ca lári' nu adiru tsè' nna líúgaccu' à. Lícú'u tē ttu anillo de oro ní'ì nna à'hua zapato nì'ì nna. ²³Litàxì' tē gù'na nu adiru riỹenià para gútti lí à nna go ri'u à nna gunì ri'u fiesta, ²⁴porqui'ni ÿì'ni yì'ì nna chia gùttià

pero beyaccabànià, chi gunittia nna pero chi betselá. Làniana yala bedacca'ni cã. ²⁵Pero ÿi'ni neru bía nna requia bá lo tsina le' campo. De betsina'ã exa gáábá litsi' niá nna biyéniniã cca huil'la nna hueyà'a danza nna, ²⁶gutãyi tia ttu siérvuá nna gunàba tìtsa'ã na biã nuá cca litsi' niá. ²⁷Siérvuá nna rã na: Chi bel'iani bettsi' lu'a, acca tàta qui' lu'ã' chi beni bi mandado gatti ttu gù'na nu adiru riýeniã para qui'ni guni ri'u fiesta, porqui'ni bettsi' lu'a hua náruã bueno nna sano nna bel'laniã. ²⁸De biyénini ÿi'ni néruá notíciã' nna labí uccua latsi'ï éya'ã le' yú'u. Acca biria chía tàta qui' niá guta'yúni bi ã qui'ni éya'ã le' yú'u. ²⁹Becãbiã nna rã tàta qui' niá: Hua yùba cuiã'lu' qui'ni iýé ida tsè' chi runia' cuiã'lu' servir nna bihua cabezudo chi ùccua'a' lani cuiã'lu', atsi'íni nìdi rúbani ttu chivo to' nì' gunna cuiã'lu' quia' para go laníã' ca amigo quia'. ³⁰Pero de bel'iani ÿi'ni lu'ã' nna, màsqui'ba chi benittiluã itute bel'liu qui' lu' lani ca niula pública, atsi'íni chi beni lu' mandado gatti gù'na nu adiru riýeniã para guni lu' fiesta què'ï. ³¹Tàta qui' niá nna ra tè bi ã: ÿi'nia', tulidàba dua lu' lani inte', ã'hua iyaba nu té quia' nna què'ba lu' ná cã. ³²Ti'ani modo làa guni ri'u celebrar ttu fiesta para edacca' latsi' ri'u ni'i. Porqui'ni bettsi' lu'ï nna chía gùttiã nna beyaccabàniã, chía gunittia nna pero chi betselá.

16 Gutixà'a huá Jesús attu enseñanza lani ca discípulo qui'áa nna rè: Gùdua ttu nubeyu' rico nna, gùdua huá ttu nu ná encargado qui' bi nna

becà'na bi lani ã iyaba nu té qui' bi. Pero betsia cã queja qui' nu ná encargáduá qui'ni runittilo lá nu té qui' xana' niá. ²Acca xana' niá nna beyãyi tè bi ã nna ra bi ã: Biani nua' riýeni te' nu cca qui' lu', beyúnna cuenta tsina qui' lu' porqui'ni labiru ccá lu' nu rigú'ubial' lo iyate nu té quia'. ³Lànianá nu ná encargáduá nna belaba latsi'ï ñi: Annana biagáni gunia', porqui'ni xána' ya'a nna ebèquua rúbá bi inte' lo tsina qui' bi, atsi'íni tsina ìdi'i nna labí cca te' gunia'; tsà'a' huenàba caridad nna yala ettu' te'; ⁴pero chi yúá' biã gunia' para qui'ni canchu chi bíttuúru tsina quia' te nna guni cã inte' recibir le' litsi' qui'. ⁵Làniana gutãyi tia ttu ttu tsa canu ràl'la' cã ÿiyya' qui' xana' niá nna gunàba tìtsa'ã nu primérua: Tsáliacà'a ràl'la' lu' qui' xána' ya'a. ⁶Becãbi nuá nna rã: Gayua' tambo aceite. Làniana nu ná encargáduá nna rã na: Bedi' recibo qui' lu'ã nna, gùre' xianí nna bedua átsieyóna' terúbá lúj. ⁷Bitola nna gunàba tìtsa'ã áttuã nna rã: Lù'chu nna, tsáliacà'a ràl'la' lu' qui' bi. Lã nna, becãbiã nna rã: Gayua' beduti ÿua'xtíla. Nu ná encargáduá nna rã na: Bedi' recibo qui' lu' nna bedua ochenta terúbá lúj. ⁸Enne' ná xana' nu ná encargáduá nna gutelíni bi qui'ni yala listo uccuã porqui'ni belaba latsi'ï tsè' màsqui'ba yala enne' mal ná. Raáruhuá Jesús nna rè: Canu yétsiloyui nna, pues adila listo runi cã para cca tsè' cã lani iyábani ca enne' tì'chu canu té la'yani' lo losto' qui'. ⁹Acca nia' le qui'ni lígúni duel'la' uquina' le tsè' bel'liu qui' le, aláa ttu manera malo,

sino tsè' taá para qui'ni canchu chi étu bel-liu qui' le nna entonces tsé'é ca amigo qui' le canu edi' çà le le' litsi' qui' làti tsé'é le para siempre. ¹⁰Nuÿa tediba ná bá enne' cumplido lo nu ti'to' rúbá nna, entonces ccá huá enne' cumplido lo nu iÿeni tsè'. A'hua nu runittilo ti'to' rúbá nna, pues labí ná enne' de confianza para huí'á cuidado iÿeni. ¹¹Canchu labí runi le nu dacca' iÿu' de nu cca qui' bel-liu nna, pues núlá gappá le confianza lani ca riqueza nu adiru dacca'. ¹²A'hua canchu labí rue' le cuidado tse' nu ná qui' attu enne' nna, entonces núlá gunna nu ná qui' para ccá qui' tegání lé cá. ¹³Lanú ttu mozo té ccani thuá bajo la' rigú'ubia' qui' chuppa ca patrón, porqui'ni miéntraste guyudí'á ttuá nna catsi'í lánia áttuá, a'hua miéntraste ná cumplido lani ttuá nna riníyú lá áttuá. A'hua lebi'i nna labí ccani ccá le huenitsina qui' Tata Dios nna tse'e huá le bajo la' rigú'ubia' qui' Bel-liu nna. ¹⁴De ra Jesús ca tìtsa'a nna tsè'e huá ca fariséua nía nna biyeni dí'báni çà enseñanzaá nna búrlalá beni çà ne porqui'ni yala nu dàalatsi' bel-liu uccua çà. ¹⁵Jesús nna ra tìe çà: Lebi'i ná le canu ribèqquia nàri la' lebi'i ba ru'a lo ca enne', pero Tata Dios nna nabia' ranínié liú'u losto' le nna nìdi tito' làa cca guyue ca cosa qui' yetsiloyu nu yala catsi'íni ca enne'.

¹⁶Nu ra lo ley nu bethà'na Moisés lani ri'u a'hua nu bedia ca enne' uccua profeta tiempo antigua nna, pues á' ná nu yù ca enne'. Pero dèsdeba gul'lani Juan el Bautista nna entonces gudulo cca predicar

reino qui' Tata Dios. Iyáÿiani ca enne' nna yala duel-la' runi çà para gá'a çà le' reínuá. ¹⁷Adila fácil ná qui'ni l-lúya latsi' ÿiaba nna yétsiloyu nna ca indatò' nna, ti'chula tté ttu letra to' nu ra lo ley qui'ni làa ccá cumplir.

¹⁸Nuÿa tediba éla'á niula qui'ni nna guttsa tení'í lani attu niula nna, entonces chi ná adulterio nu runia; a'hua nu édi'á niula nu béla'á naá nna runi huá adulterar.

¹⁹Gùdua ttu nubeyu' rico nna yala tsè' gudu ÿúj, a'hua ttu ttu tsá ba beniá banquete lani ca là'go tsè'ni. ²⁰Gùdua huá ttu enne' pobre rinàbá caridad láá Lázaro nna betuÿiánia uccua huè', tíá ru'a puerta qui' nubeyu' rícuá. ²¹Yala gudà latsi'í gúç ca pedazo to' binnia ru'a meÿa qui' nubeyu' rícuá. Ca beccu' nna bitsina' çà gul-le'e çà lo ca huè' qui' niá. ²²Bi'yu bá tsá nna gùtti limosnéruá. Ca ángel nna beche' cabi a' hàstaá làti dua Abraham. Gùtti huá nubeyu' rícuá nna becàttsi' çà na. ²³Lo yi'bél-laá chi ÿuá ccá sufrir nna guchìtha lúj nna bilá'niá Abraham idittu' nna dua tè Lázaruá cuítta' bi. ²⁴Làniana gùnniá idìtsa nna ra Abraham: Gùppa cuiá'lu' la' retúalatsi' quia' nna guthèl-la' bá cuiá'lu' Lázaruá' qui'ni gulappa' lo ÿubení'í le' inda nna gudibìtha tí'á luetsí'a', porqui'ni yàlàni dolor chi rappa' de yù'a lo yí'í. ²⁵Pero Abraham nna ra bi a: Lu' nna, hua yù lu' qui'ni buenu ba bedi' lu' le' yétsiloyúa; pero Lázaru' nna triste bá ná la' gutè qui'í. Pero annana yala la' redacca' latsi' chi té qui'í, pero lu' nna yala sufrir cca lu'. ²⁶Además

de nui nna ttu bèl-là'a chul-la túniní du entre intu' nna lebi'i nna. Acca nūya calatsi'í ttíá de nì para íl-lania àti tsè'e líá' nna, labí irialàniá; nìhua nu da' nà'la para íl-lania nì nna. ²⁷Làniiana gunne enne' rícuá attu vuelta nna ra: Entonces rattal'yúnia' cuiá'lu' tàta Abraham qui'ni éthel-la' cuiá'lu' Lázaruá' le' litsi' tàta quíya'a ²⁸para inèniá á gayu' ca bettsí'a' canu tsè'erù nía. A' modo nna làa èta huá cã lugar de sufrimiéntuj. ²⁹Abraham nna ra tè bí á: Té bá ca libro nu bedia Moisés nna ca profeta nna, níabá gudà naga' quí qui' cabi. ³⁰Becàbi nubeyu' rícuá nna ra: Labí tàta Abraham, sino canchu nūya chi gùtti nna eyáthã éyyã taquixá'ania cã, entonces eyacca cã arrepentir nna tsáalatsi' quí. ³¹Pero Abraham nna ra bi á: Canchu bihua gudà naga' quí qui' Moisés nìhua qui' ca profeta nna, tampoco hua làa tsáalatsi' quí canchu nūya eyáthã de lo lù'uti nna quixá'ania cã.

17 Jesús nna rèe ca discípulo qui'áa: Siémprení íl-lani ca tentaciòn para guni qui'ni guni ca enne' tul-la', pero ica'ruútsi'íru nu runi qui'ni rinnia ca enne' le' tul-la', pues ²adila tsa' iyyíqquia yání ttu ittsi nna gudà-la tè cã na làhui' indatò', tì'ca'la guniá qui'ni nūya ttu canu xcuichu tú'í nna ìnnia cã le' tul-la'. ³Líhue' cuidado por la'a lebi'i bá. Canchu ttu hermano qui' lu' rigú'á falta contra lu' nna, gutítsà' á. Canchu enàbã la' runittilo lani lu' por nu bèniá nna, entonces ná qui'ni eyuniyénbá latsi' lu' qui'í. ⁴Canchu gàtsi vuelta ttu tsá guniá mal contra lu', á'hua gàtsi

vuelta enàbaniá lu' la' runittilo nna, eyuniyénbá latsi' lu' qui'í.

⁵Ca apóstol nna ra tè cabi Jesús: Señor, benna cuiá'lu' adí fe qui' tu'.

⁶Ra tè Jesús cabi: Cálalá fe qui' le ná màsqui'di medida ttu bétsi' cuànà nna, huaccani le gá le yà xeni duj: Bilàtsù' nì nna biyàda lahui' indatò' la, entonces yàgã' nna huayéniniá qui' le.

⁷Raáruhuá Jesús: Núní ttu le dua ttu mozo qui'í rugà'na gù'na o rappã ca gù'na bia' qui' le, canchu chi él-lania de lo tsina nna, tsí gã mózuá: Gùduani lo mēya cá. Labíyá. ⁸Tsí álahuá gá lã mózuá: Bedappayáni ná' míya qui' lu' nna bèni nu go sía' nna guta'a tè quia' hàstaá qui'ni eyacca quia' í'ya gua'; lànialá nna gã mózuá: Guta'a qui' lu' nna gù'ya gutó. ⁹Tsí ína ri'u qui'ni huã mózuá: Quiyaru lu' porqui'ni chi beni lu' iyaba tsina nu benia' lu' mandar. Tì' cca te' nna labí. ¹⁰A'hua lebi'í, canchu chi eyacca qui' le guni le iyate nu ra Tata Dios qui'ni guni le, entonces ná qui'ni ina le: Ttu huenitsina nu labí riyũ' tè ná tu', porqui'ni beni tu' tsua' terúbá nu ná qui'ni guni tu'.

¹¹Loti' deyya Jesús para ciudad Jerusalén nna bedàxu'e néda dia entre Samaria nna Galilea nna.

¹²Gutà'a bée le' ttu yetsi to' nna biria tè tsì ca nubeyu' tattsa' cã ne, pero idittu' ba gudàa cã porqui'ni cca cã yetsu' yùtsù'a leproso, yala hue'léte' ná. ¹³Làcã nna gunne cã idítsa tsè' nna ra cã: Maestro, betúalatsi' cuiá'lu' intu'.

¹⁴Bilá' bání Jesús cã nna rèe cã: Lítsía nna lígúni presentar ru'a lo ca sacerdotea, seña de qui'ni chi

beyacca nàri le. Làcã nna de déyu'u cã néda tì'a rèe cã nna, beyacca chì latsi' qui. ¹⁵Gutebé'báni ttu nuá qui'ni chi beyacca latsi'í nna, beyéqquia taá nna bedàlianã Tata Dios iditsa ní, ¹⁶bitsina' tiã ru'a lo Jesús, beduỹíbi nna bedètta' lúj loyu nna bè'ã ne gracia. Lã nna uccua ttu enne' samaritano. ¹⁷Gunne tè Jesús nna rèe: Tsí álahuá tsii cã nuá beyacca latsi' cá. Adí canu gãã chúná, tì'ala uccua cã nì'í. ¹⁸Tsí nùhua nuỹa beyéqquia gudàlianã Tata Dios sino làteruba enni'í atsi'íni ná lã enne' idittu' nna. ¹⁹Làniana rèe nubéyu'a: Bèduli nna beya ba, pues por fe qui' lu' nna chi beyacca latsi' lu'.

²⁰Ca fariséua nna gunàba titsa' cã Jesús cuaỹa íl-lani la' rigú'ubia' qui' Tata Dios yétsiloyu. Becàbi tìe nna rèe cã: La' rigú'ubia' qui' Tata Dios nna labí íl-laniã tì'a ttu cosa nu riria ca enne' inna' cã qui'ni chi dá'ã. ²¹Nìhua labí ccá saber ca enne' para ina cã con tiempo ba: Nì chi dùe o nà' taá dùe, porqui'ni reino qui' Tata Dios nna pues entre la'a lebi'í ba chi gul-lani a'hua lo losto' le. ²²Ra huée ca discípulo qui'áa: Huàl-lani tiempo canchu chi cãlatsi' le ilá'ni le Nubeyu' de Yíabara' attu vuelta, màsqui'di por ttu bitsa terúbá, pero labí ilá'ni li e. ²³A'hua gá cã le: Nì chi dùe, o, nà'la dùe. Pero bittu tsía le nìhua làa tanó le cã. ²⁴Porqui'ni tì'a rappi étha rudàni' rábania dèsdèba làti ril-lani bitsa hàstaá làti renia bitsa, á' tehuá ccá canchu de repente taá chi íl-lani Nubeyu' de Yíabara'. ²⁵Pero náduel-la' yã qui'ni yala padercer quée nna, a'hua nuỹetse'

guthacca' ca enne' tsè'e anna ne. ²⁶Tì'a uccua loti' gùdua Noé, a'hua ccá canchu chi i'yu tsá íl-lani Nubeyu' de Yiabara'. ²⁷Porqui'ni a'hua ca enne' tiempo làniana nna gù'ya go bá nna huettšaná' bá nna beni cã hàstaá qui'ni bì'yu tsá gutà'a Noéa le' bárcuá, làniana de repente taá gul-lani iyya juiciuá nna gùtti iyáỹiate ca enne' gùtse'e làniana. ²⁸A'hua ccá tì'a uccua loti' gùdua sobrino qui' Abraham láã Lot: gù'ya go bá nna hui'í bá nna huètti' bá nna huèni negocio bá nna béni ca enne', a'hua gùda cã loyu bá nna huèdua yú'u bá nna beni cã. ²⁹Pero la'a mísmuba tsá biria Lot le' yetsi máluá lã Sodoma nna, làniana de repente taá nna binnia fuego lani azufre de yíaba nna bel-lùỹã latsi' iyáỹiani ca enni'a. ³⁰Anía tehuá runi ca enne' canchu chi i'yu tsá ilá'ni itute yétsiloyu ril-lani Nubeyu' de Yíabara'. ³¹Canchu chi i'yu tsáa nna, nuỹa tediba duã iquua azotea qui' yú'u qui'í nna, eyàdiã nna uccùtta tabáã, bittu éya'ã le' yú'u para thí'ã biỹa té quì'í. A'hua nu rèni fuera lo tsina qui'í nna, bittu eyéqquia litsi'í táỹ'ã biỹa té quì'í. ³²Líúrexaáruhuá latsi' le nu uccua lani niula qui' Lot tiempo làniana; lã nna bedeqquia lúj para inna'ã cuè'e lí ñna beyacca taá ttu estatua dète'. ³³Acca riquixa'ánia' le qui'ni nuỹa tediba dua iquqí etúalatsi' la'labàni quì'í por nu cca qui' yétsiloyu'í nna, entonces gunitti lã na. Pero nuỹa tediba gùtse'e latsi'í la'labàni nu cca qui' yétsiloyu'í nna, entonces ccabàni lã. ³⁴A'hua nia' le qui'ni Nubeyu' de Yíabara' nna canchu íl-lanie de réla làti anta' chuppa ca

enne' lo ttu cama, pues ttuà nna édi'e, áttuà nna eyà'na bá. ³⁵ A'hua canchu chuppa ca niula yù'u cã huèttu, pues ttuà nna édi'e, áttuà nna eyà'na bá. ³⁶ A'hua canchu chuppa ca nubeyu' tsè'e cã tsina, pues ttuà nna édi'e, áttuà nna eyà'na bá. ³⁷ De beyacca gunne Jesús ca tìtsa'a nna, gunàba tìtsa' tèt cabi e nna ra cabi: Gání, Señor. Jesús nna rèe cabi: Ga'ya tediba té ttu nu yatti nna, pues níahuá itùppa ca bechettu.

18 Gutixa'a huáni Jesús cabi attu comparación para guthète'nie cabi qui'ni caduel'la' guni cabi oración tulidàba nna bittu edùl'la'a latsi' cabi. ² Ree cabi: Le' ttu yetsi nna gùdua ttu juez nu labí gùppã respeto Tata Dios, ñihua ca enne' nna. ³ Gùdua huá ttu niula viuda le' yétsiá nna seguídoní huía ru'a lo juez nna rã na: Beni bál'la cuiã'lu' lu'uxtícia quia' contra nu ná contrario quíya'a'. ⁴ Pero juez nna labí uccua tèt latsi'ì guniã lu'uxtícia qui'ì. Pero bitola nna belaba latsi'ì nna uccuaniã: Màsqui'ba labí rappa huá' respeto Tata Dios ñihua ca enne' nna, ⁵ nada más porqui'ni niulí nna yala ruquits'niã inte', acca guni chía' lu'uxtícia qui'ì para qui'ni làa ita rùã huequits'ni látsa'a'. ⁶ Anía ra nu ná juez malua. ⁷ Pero inte' nna nia' le: Canchu Tata Dios nna, tsí bihua dispuesto née para gunie defender ca enne' chi réeé'nie, canu rul'luítsa' cã ne la'réla ritsábá cá. Tsí yala itsá cuédée para gunie cã cualani cá. ⁸ Nia' le qui'ni adila retúa latsi'e cã para gunie lu'uxtícia qui' qui' pròntuní. Pero canchu chi íl'laní

Nubeyu' de Yíabara' nna, tsí hua tse'e'ya le' yétsiloyuì canu hua ligani té fe qui' qui' lani e cá.

⁹ Gutixà'a huá Jesús attu comparación, para canu rulaba latsi' qui'ni yala tsè' ná cã, pero bihua cca guyu cã nu'yaáru adí ca enne'. ¹⁰ Reé: Chuppa ca nubeyu' nna huía cã huèni oración le' templua. Ttu nuá nna uccuã ttu fariseo. Attu nuá nna uccuã ttu nu ruqui'ya qui' impuesto. ¹¹ Nu ná fariséua nna du báníã ru'a altar runiã oración nna rã: Qui'yaru cuiã'lu' Tata Dios qui'ni labí ná' tì'a ná adí ca enne', ubàna nna yélatsi' nna adúltero nna, ñidirubani tì' ná nu riquí'ya qui' impuesto dùã'; ¹² pues inte' nna runia' ayunar chuppa vuelta le' ttu ttu semana, a'hua rutía' qui' diezmo de lo iyaba nu té quia'. Anía uccua oración qui' fariséua. ¹³ Nu ruqui'ya qui' impuéstua nna du huã le' templua pero idittu' nna, ñidirubani làa reyã'yaníã ichìtha lúì, sino rue' la lòstu'ì porqui'ni yala uccuã sentir por ca tul'la' qui'ì nna rã: Señor Dios, betúalatsi' cuiã'lu' inte' porqui'ni yala enne' tul'la' ná'. ¹⁴ Làniana ra tèt Jesús: Hualigani te' nia' le qui'ni lã nna betsina'a litsi'ì yala lani la'yeni, porqui'ni beyuni'yén latsi' Tata Dios ca tul'la' qui'ì; pero attu nuá nna labí beni Tata Dios na aceptar. Acca nia' le qui'ni nu cani qui'ni yala dàlaniã nna, egà'na menos lã; pero nu rulaba latsi'ì qui'ni lanú nu'ya nã nna, lànua nna ccá lã enne' yeni.

¹⁵ Làniana tahua' tèt cã ca huatsa to' ru'a lo Jesús para qui'ni gutsia né'e iquua qui'. Bilá' bání ca discípulua nui nna gutìl'la la cabi

ca enne' dia ritahua' ca huatsa tú'a. ¹⁶Pero Jesús nna gutàÿie cã nna rëe ca discípuuá: Lihue'él'la' ca huatsa tú'ã' íbígã' cã ru'a lua', bittu guthàga' le cã; porqui'ni reino qui' Tata Dios nna ná para ca enne' losto' humilde tì'a ca huatsã'. ¹⁷Hualigani te' nia' le qui'ni nu labí té fe qui'ì tì'a ttu huatsa tó' nna hue'él'la'ã qui'ni Tata Dios nna cu'úbia'nie na, entonces labí gá'ã le' reino qui'e.

¹⁸Làniana ttu nubeyu' principal gunàba tìtsa'ã Jesús nna rã ne: Maestro bueno, biani gunia' para gata' la'labànì nu labí ttíã quia' cá. ¹⁹Jesús nna ra tìe na: Biani cca ra lu' inte' bueno nì'i. Nì ttú lanú té ná completamente tse' sino tùteruba Tata Dios. ²⁰Hua nabia' báni lu' ca mandamiento: Bittu thualànì lu' nu labí ná tsela lu'. Bittu gutti lu'. Bittu cuána lu'. Bittu ichitha lu' bela'na qui' ca enne'. Gùppa respeto tàta nàna qui' lu'. ²¹Becàbì tìã nna rã ne: Iyaba ca nuã' runia' dèsdeba ná nu cuìtì'. ²²Biyeni báni Jesús nui nna rëe na: Hua reyatsaaruni lu' attulo: betti' iyate nu té qui' lu' nna, bète tì ã lani ca enne' ritè là'dì', ÿiabara' lá nna gata' riqueza qui' riqueza qui' lu'; gutà tè para ccá lu' ttu discípuo quia'. ²³Biyeni bániã nu rëe na, triste tsúbá beyéqquia, porqui'ni yala rico uccuã. ²⁴Gutebé' báni Jesús qui'ni yala triste uccuaniã nna, ra tìe: Yala tàbì ná para canu té iÿeni bel-liu qui' quí tsíalatsi' quí nna hue'él'la' cã qui'ni Tata Dios nna quée enne' cu'úbia'nie cã. ²⁵Adila fácil ná tté ttu camello le' yèrè to' qui' ttu guÿa, tì'chula ttu rico gá'ã le' reino qui' Tata Dios.

²⁶Làniana canu biyénini ca tìtsa'ã' nna ra cã: Entonces núlã ccani l-lã cá. ²⁷Lèe nna rëe cã: Nu rulaba latsi' ca enne' qui'ni labí ná posible, pues fácil bá ná para lani Tata Dios. ²⁸Làniana ra tè Pedrua ne: Intu' nna chi bethà'na tu' iyaba nu té qui' tu' nna chi denó tu' cuiã'lu'. ²⁹Jesús nna rëe cabi: Hualigani te' nia' le qui'ni hua tse'e canu chi bethà'na cã litsi' quí l-le, tàta nàna qui' quí l-le, ca bettsi' quí le, niula qui' quí l-le, ca ÿi'ni quí l-le por nu cca qui' reino qui' Tata Dios; ³⁰acca làcã nna thí' cã adírlã bendición annana, ã'hua tiempo nu chì da'la nna gata' huá la'labànì nu labí ttíã qui' quí.

³¹Làniana guleqquia Jesús tsì'nu ca discípuuá yà'latsi' nna rëe cabi: Annana dia ri'u ciudad Jerusalén. Nía nna ccá cumplir iyaba ca tìtsa' nu bedia ca profeta nu cca qui' Nubeyu' de ÿiabara'. ³²Pues gute cã ne cuenta lani canu dittu' canu rigú'ubia' le' nación qui' ri'u, ã'hua guni cã ne burla nna gul-luítsa' cã ne ca tìtsa' malo nna, gutùtu xèni' quí ne nna, ³³hué' díbã cã ne lani cuarta, làniana iche' cã ne para gutti cã ne. Pero tsunna bitsa bitola nna, eyáthee de lo lù'uti. ³⁴Ca discípuuá nna nìdì tìto' làa gutelíni cabi biÿa nuá gutixe'e, porqui'ni beyà'na ba chul'la le' la' riyeni qui' cabi.

³⁵Loti' chi deyya Jesús exa taá yetsi Jericó nna, re' tè ttu ciego cuitta' nédaá rinàbã caridad. ³⁶De biyéniniã ril'làbì nì'a ca enne' ritè nía, acca gunàba tìtsa'ã biÿa nuá. ³⁷Làcã nna ra tè cã na qui'ni da' Jesús enne' nazareno. ³⁸Làniana

gunne ciéguá iditsa nna ra: Jesús Yì'ni David enne' uccua rey, betúalatsi' cuiq'lu' inte'. ³⁹Ca enne' denéruá nna gutil'la tè cã ciéguá qui'ni guthàya rú'ì, pero la nna adila iditsa gunniã nna ra: Cuiq'lu' Yì'ni David, gùppa cuiq'lu' la' retúalatsi' quia'. ⁴⁰Gulèda tè Jesús nna benie mandado taxi' cã na ru'a lúe. Bitsina' báq nna gunàba titsa' tè Jesús na, ⁴¹rèe: Biani calatsi' lu' inte'. Becàbiq nna ra ne: Señor, calátsa'a' elá' te'. ⁴²Jesús nna rèe na: Annana iyàlia ca íyyalo lu' nna ilá'ni lu'; por fe nu té qui' lu' lani inte' nna acca chi té la'yani' qui' lu'. ⁴³Luégutaá bilá' chiniã nna dia tiã lani Jesús nna rudàlianiã Tata Dios. A'hua iyábani ca enne' dia nía nna, de bilá'ni cã nu uccua nna bè' hua cã gracia Tata Dios.

19 Néda bá chi yù'u Jesús le' yetsi Jericó. ²Le' yétsiá nna dua ttu nubeyu' rico láq Zaqueo nna uccuã jefe qui' iyaba canu riquiã qui' impuesto para gobiérnuá. ³Lã nna yala uccua latsi'ì ilá'niã Jesús nna gunib'la ne. Biria tiã díã táttsa'a ne; pero de tántua ca enne' ýétse'a nna labí uccua ilá'niã ne porqui'ni uccuã chaparro to'. ⁴Acca quèthani beneruã nna huàppiã lo ttu yà xeni para ilá'niã ne, porqui'ni nialá ná qui'ni ttíe. ⁵Bitsina' bá Jesús nía nna bilá'nie na duã lo yàgàa nna ra tie na: Zaqueo, beyàdi xia, porqui'ni le' litsi' lu' ná qui'ni il'lania' anna. ⁶Zaquéa nna quèthani beyàdi chà, yala lani la' redácca' latsi' benia ne recibir litsi'ì. ⁷Nuá bá bilá'ni ca enne', acca gudulo chì cã betitse'él-la' cã Jesús nna ra cã

qui'ni huíe litsi' ttu nu huèni tul-la'. ⁸Bitola nna guduli Zaquéuá nna ra ne: Annana Señor, tsal-lue' taá de lo iyaba nu té quia' nna guté ya' a lani ca enne' ritè là'di'. A'hua canchu chi bethácca'yía' nuã ttu enne' nna gutú'a' biã té qui'ì nna, pues annana gudéqquia' átappa tántolá qui'ì. ⁹Jesús nna rèe: Annana chi gul-lani salvación para ca enne' tsè'e le' yú'ì, yà'ni qui'ni nubéyu'ì nna chi ríalatsi'ì nna ná huá ttu yì'ni Abraham. ¹⁰Por nui nna bita Nubeyu' de Ýiabara', para hueyila canu chi gunitti nna gudilèe cã le' ca tul-la' qui' qui'.

¹¹Exa gáabá Jerusalén chi dia Jesús nna, iyaba ca enne' biyéni ca titsa' qui'áa nna belaba latsi' qui' qui'ni chi' taání duã íl-lani la' rigú'ubia' qui' Tata Dios. Acca gutixè'e ttu comparación nna, ¹²rèe: Ttu ènne'yu' tsè' nna huía bi attu país idittu' para thí' bi poder para ccá bi rey, làniana luégutaá eyéqquia bi. ¹³Pero ántesca thá' bi nna gutãyi bi tsii canu runi tsina qui' bía nna, bete bi ttu cantidad xeni de moneda qui' ttu tsa qui' nna ra tè bi cã: Gutha' le bél-liu' para guni le gana iquua qui' miéntraste tsa'á' nna él-lania'. ¹⁴Guda' tè bi. Pero ca enne' látsi bía nna, la' yéelatsi' lá gùppa cã qui' bi, acca guthel-la' tè cã ttu comisión ru'a lo canu rigú'ubia' nía para ina cã: Labí calatsi' tu' qui'ni nubéyu'a' nna ccã rey qui' tu'. ¹⁵Pero làbi nna guyi' la bi poder para ccá bi rey. Làniana beyéqquia bi nna gutãyi tè bi ca mozo qui' bía canu bete bi bel-liu lani canáa para eyúni bi cuenta

lani cą tsalıáŷa gana chi beni ttu ttu cą. ¹⁶Bitsina' tẹ nu priméruá ru'a lo enne' ná rey nna rą: Señor, lani bel'liu qui' cuią'lu'a nna chi benia' gana átsii cantidad. ¹⁷Làbi nna ra tẹ bi ą: Tsè'ba ná nu beni lu', pues siervo tsè' ná lu' porqui'ni lani ti'to' rúbá nna uccua lu' fiel, acca annana gudúa' lu' para cu'úbia'ni lu' tsii ca yetsi. ¹⁸Bitsina' huá áttuą nna rą: Señor, lani bel'liu qui' cuią'lu'a nna chi benia' gana ágayu' cantidad. ¹⁹Làbi nna ra bi ą: A'hua lu' nna, gudúa' lu' lo gayu' ca yetsi. ²⁰Bitsina' huá áttuą nna rą: Señor, niba té bel'liu qui' lu'a, túbá te' ą le' ttu panitu, pues ²¹anía benia' porqui'ni gùtsi te' cuią'lu', porqui'ni ná cuią'lu' ttu enne' duro, cáalá bethá' ya' ą nna entonces huedi' telá cuią'lu' ítútią, porqui'ni redi' cuią'lu' làti labí guda cuią'lu'. ²²Làniana ra bi ą: Siervo malo ná lu'. Por la'a mísmuba titsa' qui' lu' nna acca ccá lu' condenar. Hua yù bá lu' qui'ni ná' ttu enne' duro, redí'a' nu làhuabi guda' ą'hua rutùppa' làti lahuábí bedál'la'a'. ²³Entonces, bianicca labí gulú'u lu' bel'liu qui'ni banco para qui'ni canchu chi é'l'ania' nna edí' ya' ą lani ŷi'nj' nì'i. ²⁴Làniana ra bi canu tsè'e nía: Líccua bél'liuą' lo nì'j' nna, líúte tì ą lani nu beni gana átsii tántua. ²⁵Làcą nna ra tẹ cą bi: Pero Señor, chia té tsii qui'j'. ²⁶Becàbi enne' ná rey nna ra bi: Inte' nna nia' le qui'ni nuŷa tediba té qui'j' nna, entonces lą nna thí' lą adí; pero nu labí té qui'j' nna, pues hàstaá ti'to' nu té qui'j' nna ítua telą. ²⁷A'hua iyaba canu na contrario quiya'a nna canu bihua

uccualatsi' qui'ni ccá' rey qui' qui', litàxi' tsate' cą nì nna lichù yáni qui' ru'a lua'.

²⁸Beyacca ba gunne Jesús ca tìtsa'a nna, dia tìe denérue para Jerusalén. ²⁹Exa tegáabá ca yetsi Betfagé nna Betania nna chi dia cabi luítta' i'ya láą Monte de los Olivos, guthel'la' tìe chuppa ca discípulo qui'áa nna, ³⁰rèe cabi: Lítsía le' yetsi to' nu re' frente taá tėtiá nna. Canchu chi bitsina' le nna hua taxácca' dígá le làti tá' ttu burro to' nu nìdi ttu enne' labí chi gutsią na. Ethàtsi li ą nna eche' tètate' li ą nì. ³¹Canchu nuŷa inába tìtsa'ą le: Bianicca rethàtsi li ą, entonces lebi'j' nna ecàbini lí ą: Porqui'ni Señor nna riquína'nie na. ³²Huía tẹ ca discípuluá nna taxácca' cabi tì'ba nu chi ra Jesús cabi. ³³De rethàtsi cabi burro tú'a nna, biria chì canu ná xana' niá nna ra cą cabi: Bianicca rethàtsi le burro tú'ą' nì'i. ³⁴Becàbi cabi nna ra cabi: Señor nna riquina'nie na. ³⁵Làniana beche' tẹ cabi burro tú'a làti du Jesús. Guxua tẹ cabi ca lári' qui' cabía cui'j', Jesús nna gutsia tìe na. ³⁶Gutsìla tẹ cabi ca lári' lo néda para ttíe. ³⁷Chi' tegáabá duą quel'la' cabi liáŷu qui' Monte de los Olivos nna, làniana iyaba ca enne' ŷetse' dia lani áa nna yala bedacca' latsi' qui' nna gudulo cą bedàliani cą Tata Dios por iyaba ca milagro nu chi benie lani ca enne' nna, ³⁸acca gunne cą iditsa tsè': Bendito Enne' da' por nombre qui' Señor Dios para queé rey qui' ri'u. Acca hua té la' redacca' latsi' le' ŷiabara', la' dàliani para Tata Dios nna. ³⁹Làniana tuchùppa ca

fariséua canu dia huá cą entre ca enne' ýétse'á nna ra cą Jesús: Maestro, gutìl-la tí' canu da' lani cuíq'lu'ą'. ⁴⁰Becàbi Jesús nna rèe cą: Hualigani te' riquixa'ánia' le: Canchu làcą guthàya rú'a qui' nna, pues hàstala ca íyya anta' lo nedì nna thulo cą inne cą idìtsa a favor de inte'. ⁴¹Jesús nna bilá' bánie ciudad ri'ą exa taá nna, gudulue guretsie por lą nna, ⁴²ra tìe: Cálal nabia' tsàni lu' qui'ni anna ná tsá de la'ýeni para lu', pero bágá' bá ló lu'. ⁴³Inte' nna nia' lu' qui'ni huàl-lani tsá qui'ni ca contrario qui' lu'a nna de repente taá ìl-lani cą nna tséqquí' cą ìta'lùba lu'; ca soldado qui' qui' nna gudàa cą guardia para qui'ni làa l-lá ca enne' qui' lu'. ⁴⁴Gutàppa' guthìnniani cą ca dé'e qui' lu' nna ca yú'u qui' lu' nna, gul-lùỹa cą latsi' ca enne' qui' lu' nna. Pues hàstaba ca íyya nna labí eyà'na iquiqua luetsi qui' sino iyáỹiani cą iyìnnia. A' ccá lani le porqui'ni labí bedácca'ni le loti' gul-lanie lani le.

⁴⁵Gutà'a ba Jesús le' templua nna, bedàl-lee fuera iyaba canu tsè'e nía huètti' nna huè'i nna runi cą negocio nna, ⁴⁶rèe cą: Tata Dios nna rèe lo titsa' quì'e: Yú'u quíyil'i nna ną yú'u para oración; atsi'íni lebi'i nna, bèlìà qui' ubàna lá chi nani li ą. ⁴⁷Jesús nna gutixè'e ca enseñanza nu cca qui' Tata Dios ttu ttu tsá bá le' templua. Acca ca sacerdote principal nna ca maestro de la ley nna ą'hua canu rigú'ubia' entre ca enne' judíua nna yala uccua latsi' qui' gutti cą ne. ⁴⁸Pero bihua modo betseláni cą bíyalá guthácca' cą ne, porqui'ni iyáỹiani

ca enne' bedà naga' qui' quì'e nna labí uccua latsi' qui' gunitti cą ni ttu titsa' nu gunnie.

20 Ttu tsá lània nna de riquixá'ani Jesús ca enne' le' templua ca enseñanza qui' Tata Dios nna de runie predicar acerca de ca titsa' tse' qui'e nna, bitsina' tè ca sacerdote principal nna ca maestro de la ley lani canu rigú'ubia' entre ca enne' yétsiá. ²Gunne cą lani e nna ra cą ne: Gutixa'áni intu'. Núní por mandado qui'ni acca runi lu' ca così. Núní benna deréchuì qui' lu' cá. ³Becàbi Jesús nna rèe cą: A'hua inte' nna guni huá' le ttu pregunta, lecàbini inte'. ⁴Derecho nu béniní Juáan bautizar, tsí dá'ą de ýiabara', o tsí ca enne' ba bete cą na áccá. ⁵Làniana gudulo cą gunne lettia cą tìl'yalá ecàbini cą ne nna ra luetsi qui': Ti'ani ecàbi ri'u annana: Canchu ina ri'u qui'ni Tata Dios bete derecho qui' Juáan para guni bi bautizar, entonces gá taá ri'u: Biálacca làa huálati' le qui' bi cá. ⁶A'hua canchu ina ri'u qui'ni ca enne' ba bete permiso qui' bi, entonces iyaba ca enne' nna gudua cą íyya iquiqua ri'u porqui'ni yala seguro ga'na cą qui'ni Juáan nna uccua bi ttu profeta nu guthel-la' Tata Dios. ⁷Acca mejor la becàbi cą nna ra cą: Labí yù tu' gáyalá da' derecho qui' bíá. ⁸Làniana ra tè Jesús cą: Nihua inte' nna labí quixa'ánia' le nuỹa benna la'huacca quia' acca runia' ca così.

⁹Gutixa'a tènì Jesús ca enni'a ttu comparación nna rèe: Ttu ènne'yu' nna guda bi planta qui' betsulí' le' loyu qui' bi. Betèsa tè bi lóyúa lani

canu guni cą na tsina. Làniana guda' tề bi dia bi attu lugar nna labí betsina' tề bi. ¹⁰Bi'yu díbá tiempo cosecha qui' betsulí'a nna guthel-la' bi ttu mozo lani canu runi tsina le' lóyúa, para qui'ni gute cą qui' rendimiento qui' loyu qui' bíá. Pero làcą nna bè' lá cą mózuá idí' tsè' nna bethel-la' tề cą na, bittu tení biyā bete cą éyu'a. ¹¹Bedethèl-la' gáabá bi attu mozo nna, anía huá bedua dí' cą mózuá nna bè' cą na lani yà nna, á' tềruba dénáló ní'í bethel-la' cą na. ¹²Bedethèl-la' gáabá bi attu mozo nu cca tsunnáa nna. Aníahuá bedethácca' cą na, de chi beni dí' cą qui'í nna bedàl-la cą na fuera. ¹³Làniana enne' ná xana' lóyúa nna ra bi: Annana biáttsarúnuá gunia'. Ithél-la' cà'a' yì'nia' enne' yala catsi'ítì'í, xiaba canchu chi ilá'ni cą bi nna huappa cà'ba cą bi respeto. ¹⁴Pero canu runi tsina lóyúa nna de bilá'ni cą yì'ni bíá nna gulù'u taá títsa' luetsi qui' nna ra cą: Là nui nuá' eyà'na itúbá lóyúí. Lítsa', gutti ri'u ą para qui'ni ri'u la thí' nu reda' latsi' tàta qui' niá na ccá ri'u xana' itúbá lóyúí. ¹⁵Làniana bedàxu' cą yì'ni bíá nna bedàl-la cą bi fuera nna betti cą bi. Acca, biani guni propio gani enne' ná xana' lóyúa lani làcą cá. ¹⁶Pues el-lani bi nna gul-lũyā bi latsi' canu runi tsinàa nna, gutèsa tề bi loyu qui' bíá lani canu huaya' la. A' ná comparación nu gutixa'a Jesús. Ca enni'a nna de biyénini cą ca títsa' qui'e nna ra tề cą: Làa ina cànna Tata Dios thacca' tu' tì' ra cuią'lu'ą'. ¹⁷Pero Jesús nna gunne'e cą nna rề: Pues biani ritelíni le títsa' nu ga'na escrito làti ra:

Iyya nu labí guyú'u latsi' canu rucù'è' yú'a nna,
Chi ná íyya principal nu adila tsíttsi naxu'ą yú'a.

¹⁸Inte' nna nia' le: Nuỹa tediba ibixi lo íyya principal ni nna l-lúỹa latsi'í, ą'hua nuỹa íqquianı ìnnia íyyi nna gútsi'ití'níą na.

¹⁹Làniana ca sacerdote principal ą'hua ca maestro de la ley nna gutelíni cą qui'ni contra làbácą nuá gutixa'a Jesús enseñánzaá. Acca yala uccua latsi' qui' gudàxu' cą ne, pero gutsibáni cą ca enne' yétsiá. ²⁰Acca guleda ba cą ttu oportunidad nna bete cą bel-liu làtsi' ná' tuchùppa ca enne' para tsía cą guni bá cą ne prueba ti'átsí yala amigo tsè' ná cą lani e, canchu ecàbie ttu títsa' nu labí ná correcto, anía modo nna gappa cą néda gute cą ne cuenta làtsi' ná' gobernador. ²¹Acca gunàba títsa' tề cą ne nna ra cą: Maestro, hua yù bá tu' qui'ni rulue' cuią'lu' nna riquixa'a cuią'lu' puro taá nu ná tsè', ñihua labí rucué'ní cuią'lu' ca enne' según la' rinna' qui' qui, sino ttu ru'ataá cani cuią'lu' cą nna riquixá'ani cuią'lu' iyábani ca enne' lo néda lígani qui' Tata Dios. ²²Gutixa'áni cuią'lu' intu': Tsí hua ná tsè' quiyā ri'u nu ruthítsini gobierno qui' César ri'u, o tsí bíhuá áccá. ²³Pero Jesús nna gutelí taánie la' rulábalatsi' mal qui' qui' nna rề cą: Biecca calatsi' le guquinnia le inte' lani ca títsa'ą'. ²⁴Líúlue' tsánnani inte' bél-liuą' nna. Núní retrato qui'ní nui dua lo monédí, ą'hua núní láa ní nui dua ñi. Becàbi cą nna ra cą ne: Qui' Cesar enne' romano ná rey. ²⁵Làniana ra tề cą: Entonces

líute bá qui' César nu ná qui' César, a'hua líute bá qui' Tata Dios nu ná qui'e nna. ²⁶Por ca titsa'a nna labí biríalàni cą uquìnnia cą ne lani ttu titsa' ru'a lo ca enne' yétsiá, sino qui'ni biquíla' bá latsi' qui' tì'ĩya becàbie, acca mejor la uccua taá tsi qui' qui'.

²⁷Làniana bitsina' tẹ tuchùppa canu denó cą religiún saduceo. Ca saducéuá nna labí ríalatsi' qui' qui'ni eyátha ca enne' de lo lù'uti. Làcą nna gunàba titsa' cą Jesús nna, ²⁸ra cą: Maestro, lo escritura nu bethà'na Moisés lani ri'u nna, ra qui'ni canchu nuỹa ttu enne' ní gatti ttu bettsi'ĩ nna pero lanu ÿi'nĩ uccua, entonces ná qui'ni guttsa taání'ĩ lani niuláa para qui'ni elithą descendencia qui' bettsi'ĩ nu gúttía. ²⁹Gutsé'e gątsi bettsi' ca enne'. Bettsa tená' nu néruá nna, pero gútti bą nna lanú ÿi'nĩ uccua.

³⁰Làniana nu cca chùppáa nna bettsa huání'ĩ lani viúdaá, pero gútti huá nubéyu'a nna, ñihua lanú ÿi'nĩ uccua. ³¹Anía tehuá uccua lani nu cca tsunnáa, hàstaá qui'ni iyaba canu gątsi béttsi'a nna gùdualàni cą niuláa, lanú ÿi'nĩ qui' uccua. ³²Bitóte nna gútti huá niuláa.

³³Canchu chi gal'la' tsá eyátha canu yatti nna, núlá canu gątsi béttsi'a ccá qui'ĩ niuláa cá, ya qui'ni iyaba gątsi cą nna bettsaná' qui' lani a.

³⁴Jesús nna becàbinie cą nna rẹ: Ca enne' qui' yétsiloyuĩ nna ruttsa báná' qui'. ³⁵Pero canu cca merecer tsé'e cą le' la'labàni nu chì' da'la nna eyátha cą de lo lù'uti nna, pues lanuru nuỹa guttsaná'. ³⁶Porqui'ni nía nna lanuru nuỹa gatti. Pues iyaba cą nna ccá cą ÿi'nĩ Tata Dios

porqui'ni eyátha cą de lo lù'uti para la' labània, acca ccá lá cą tì'a ná ca ángel. ³⁷Pero acerca de canu yatti ná qui'ni eyátha cą de lo lù'uti nna, pues la'a mísmuba Moisés gutixa'a bi acerca de nua' làti rinne bi nu cca qui' tittsa yèttse' nu ritè làl'lanía loti' ra bi qui'ni Señor nna née Dios qui' Abraham nna Isaac nna Jacob nna màsqui'ba chia gútsá gútti cabi. ³⁸Quiere decir qui'ni canu yatti nna bàni ba cą. Cálal labí ná á' nna, entonces ti'ani modo ra Tata Dios qui'ni entre canu yatti nna tsè'e canu runi cą ne adorar cá. Pues para lani Tata Dios nna, a'hua ca enne' canu chi gútti nna bàni bá cą, tì'a canu labí chi gútti. ³⁹Becàbi tuchùppa ca maestro de la ley nna ra cą ne: Maestro, yala tse' becàbi cuią'lu'. ⁴⁰Pues labiru beyáyani cą inàba titsa' cą ne adí.

⁴¹Làniana Jesús nna rẹ cą: Ti'ani modo acca rena cą qui'ni Cristua nna née ÿi'nĩ David cá. ⁴²Atsi'íni la'a mísmuba David gunne bi acerca de lẹe lo libro qui' ca Salmos nna ra bi:

Señor Dios nna gunènie Señor quiya'a nna rẹ:

Gùduani cuittá'a' lado bàni,

⁴³Hàstaá qui'ni gúnná' latsi' ná' lu' iyaba canu làa cca guyu cą lu', para qui'ni gúl'liani lu' iquía qui'.

⁴⁴Por ca titsa'a nna yù ri'u qui'ni la'a mísmuba David nna reya bi Cristua SENOR. Entonces, ti'ala modo acca née descendiente qui' bi cá. ⁴⁵Làniana ru'a lo iyaba ca enni'a nna ra Jesús ca discípulo qui'áa: ⁴⁶Líhue' cuidado lani ca maestro de la ley, qui'ni làa guni le tì'a runi cą.

Yala rú'ulatsi' qui' cueni cã lo néda lani ÿo tùni qui' qui, a'hua yala rú'ulatsi' qui' qui'ni ca enne' ÿetse' guni cã cã saludar canchu día cã lo néda, a'hua yala rú'ulatsi' qui' xúani cã lo ca asiento dàa íqquiará' tè le' ca sinagoga a'hua lo ca primero asiento le' ca fiesta qui' qui' para qui'ni ilá'ni ca enne' cã qui'ni yala enne' re' cuenta ná cã. ⁴⁷Làcã nna rigua cã hàstaá ca yú'u qui' ca pobre viuda nna, a'hua màsqui'ba yala itsá runi cã oración pero labí lí nu runi cã. Acca nia' le qui'ni ca nui nna adila fuerte ná castigo thí' cã.

21 Le' templua nna bilá'ni Jesús ca enne' rico rigú'u cã bel'liu le' caja para ofrenda. ²Bilá' huánie bitsina' ttu niula pobre nã viuda nna, gulù'i' chuppa moneda nu de cobre dacca' cã ti'to' rúbá. ³Ra tè Jesús: Hualigani te' nia' le qui'ni niula viúdì nna yala là'di' rittìã, pero adila iÿeni betiã tì'chula iyaba cã. ⁴Porqui'ni iyaba cã nna rute cã qui' ofrenda para Tata Dios nu réxabáni cã, pero niulì nna màsqui'ba nã pobre, pero bete lã itute hàstaá nu ná goniã.

⁵Rinne tè tuchùppa cabi qui'ni yala tsè' ná templua, porqui'ni yala tsè' ná ca íyya cua'ni ca dé'a, a'hua latsitte ni ná canu beda' latsi' ca enne' bete cã para ccã tsè' le' templua. Làniana ra Jesús cabi: ⁶Huà'lani tsá qui'ni iyaba ca cosa nu rilá'ni le annana, pues itàppa' iyinniani cã porqui'ni huà'lani canu dttu' nna guthìnnia gutàppa'ni cã hàstaá qui'ni labiru eyà'na iquua luetsi ca íyyi.

⁷Gunàba titsa' tè cabi e nna ra cabi: Maestro, cuani ccã nu gútixa'a

cúã'lu'ã'. Biani seña' ni ilá'ni tu' para ccã tu' saber ántesca thulo iyaba ca così. ⁸Becàbi tè Jesús nna rèe: Líhue' cuidado qui'ni làa guthacca'ÿi cã le. Porqui'ni nuÿetse' íl'lani lani nombre quia' nna ina cã qui'ni làcã nuá Cristua. A'hua ina cã: Chì' taánì duã íl'lani fin. Pero bittu tsíalatsi' le qui' qui'. ⁹Canchu chi guna le qui'ni cca guerra o qui'ni ritìl'la ca gobierno nna, bittu gátsini le. Porqui'ni náduel'la' ccã yà'latè ca così, pero ñihuani labí chi gùl'la' tè fin. ¹⁰Raáruhuée cabi: Ttu nación nna til'la' contra attu nación, a'hua ttu gobierno contra attu gobierno nna. ¹¹A'hua íl'lani la' riÿú' fuértení, a'hua íl'lani ubìna' nna itsahue' nna iÿé lettia tsè' le' yétsiloyuì. A'hua ca enne' nna yala gátsini cã porqui'ni ilá'ni cã ca seña' nu cca ÿiaba. ¹²Pero ántesca íl'lani iyaba ca così nna, gutsia latsi' qui' le nna gudàxu' cã le nna gute cã le cuenta lani ca enne' principal le' ca sinagoga, a'hua gudàl'la cã le litsi' íyya, a'hua iche' cã le ru'a lo ca rey nna canu rigú'ubia' nna porqui'ni ná le enne' ríalatsi' quia'. ¹³Anía modo nna gappa le néda para quixá'a le nu cca quia'. ¹⁴Licuèqquia tsittsi latsi' losto' le qui'ni bittu nùyue gá canì le ti'íÿa ecàbi le para guni sostener qui' le; ¹⁵porqui'ni inte' nna gunna' titsa' nna la' riyénitse' nna lo losto' le, hàstaá qui'ni canu iria contra le nna labiru ccãni cã ecàbi cã biÿa contra ca titsa' qui' le. ¹⁶A'hua ca tàta nàna qui' le nna, ca bettsi' le nna, ca pariente qui' le nna, ca amigo qui' le nna gute cã le cuenta làtsi' ná' canu labí cca guyu cã le, pues

gútti hua çà tuchùppa le. ¹⁷Pues itute yétsiloyu nna guyudí'ą le porqui'ni ná le enne' ríalatsi' quia'. ¹⁸Pero nìdi ttu ittsa' iquua le labí il-latsu' canchu labí ná voluntad qui' Tata Dios. ¹⁹Canchu ccá bá le tsittsì lani inte' nna, huatta' la'labàni qui' le. ²⁰Canchu chi ilá'ni le iýtsetse' ca soldado ita'lùba ciudad Jerusalén nna, entonces ttélini le qui'ni chi bi'yu tsá qui'ni l-lúya latsi'į. ²¹Làniana canu tsè'e le' región qui' Judea nna dani çà ucuitta çà tsía çà lo ca ló'ya lá. A'hua canu tsè'e le' ciudad nna dani çà ucuitta çà. Canu tsè'e fuera Jerusalén nna, bittu éya'a çà li'į sino dani çà ucuitta telá çà. ²²Porqui'ni anía nna ccá cumplir iyábani nu chi ga'na escrito acerca de tiempo de castíguį. ²³Canchu chi bi'yu tsáa nna, ica'rútsi'fíru ca niula nùà' huatsa to', a'hua canu rigátsi' yi'ni to' qui' qui' nna, porqui'ni yala ca sufrimiento il-lani le' ituba nación ni a'hua ttu castigo xeni iquua yétsį. ²⁴Ttu te çà nna gatti çà lo guerra, adí çà nna iche' canu dittu' çà preso hàstaá attu nación huaya'. Ca enne' dittu' nna ebèquua bestè ní çà ciudad Jerusalén hàstaá qui'ni ilùya tiempo nu ná qui'ni guni çà dominar.

²⁵Làniana ilá'ni ca señal yiaba, porqui'ni labíru gudàni' bitsá' nihua biuá'ą' nna nihua ca bélia nna. Ca enne' qui' yétsiloyu nna yala uccuè'enía latsi' qui' a'hua yala gátsini çà porqui'ni yala ruido guni indatù'a thúlínį. ²⁶Làniana igùtsi latsi' qui' por tántua la' rátsilatsi' de tebé'ni çà il-lani ca sufrimiéntua le' yétsiloyuį, pues hàstaá iyaba ca cosa canu tsía yiaba

nna, tatittiní çà. ²⁷Làniana ilá'ni çà Nubeyu' de Ýiabara' il-lanie le' ttu bía lani itute la'huacca quì'e nna la'yani' quì'e nna. ²⁸Canchu chi thulo ccá ca cosį nna, leyàppa fuerza nna lichitha lo le nna línna', porqui'ni chi' taání duą il-lanie para gudilèe le. ²⁹Làniana gutixa'a Jesús ttu comparación nna rèe: Linna'tsáruhuá ca yà exxuhuį a'hua iyaba adí ca yà. ³⁰Canchu chi rilá'ni le qui'ni rebia l-la' qui' qui', pues anía modo ritelíni le qui'ni chi' taáduą il-lani tiempo verano. ³¹A'hua lebi'į nna, canchu chi ilá'ni le qui'ni cca iyaba ca cosa nu chi gutixa'ánia' le nna, entonces ccá le saber qui'ni exa taá chi debiga' tiempo de la' rigú'ubia' qui' Tata Dios. ³²Hualigani te' riquixa'ánia' le qui'ni labí tté ca enne' tsè'e tiempo de ca señal ni hàstaá qui'ni iyábani ca cosį nna ccá çà cumplir. ³³Ýiaba nna yétsiloyu nna l-luya bá latsi' qui', pero ca titsa' quíyi'į nna labí tté çà sino té qui'ni ccá çà cumplir. ³⁴Lihue' cuidado por la'a lebi'į bá, qui'ni làa puro i'ya go le nna guni le borrachar nna yala nùyue ní tsè'e le nu cca qui' yétsiloyu nna, para qui'ni aláa ca nui lá runi le canchu de repente taá chi gal-la' tsá señalado nu nani Tata Dios, ³⁵porqui'ni tì'a cca canchu chi là' retò taání ttu trampa, a' modo de repente taá il-lani tsáa nna niyyani latsi' ca enne' tsè'e le' itúyiani yétsiloyu nna labí l-lá çà. ³⁶Acca litsé'e al tanto, liguni oración tulidàba qui'ni gappa le fuerza para gutè le tsè' iyaba ca cosį canchu chi il-lani çà nna tsé'e le lani la' redacca' latsi' ru'a lo

Nubeyu' de Ȳiabara'. ³⁷Jesús nna ttu ttu tsá bá gutixe'e le' templua iŷétse' ca enseñanza. Pero de réla lá nna berie nna huíe beyà'née lo i'ya láa Monte de los Olivos. ³⁸Itúbani yétsiá nna huía cã ru'a lúe de díla lá le' templua para gudà naga' qui quí'e.

22 Exa taá chi debiga' fiesta canchu chi ro cã ettaxtíla sin levadura para qui'ni guni cã celebrar tsá pascua para éxalatsi' qui loti' gulãa ca ta' tãta qui' qui le' pais Egíptua. ²Ca sacerdote principal lani ca maestro de la ley nna beyíla cã néda ti'iŷa modo gutti cã Jesús, pero yà'latsi' bá gune lettia cã porqui'ni gutsibáni cã ca enne' yétsiá. ³Gut'à tẽ Satanás lo losto' Judas nu guta' huá líi Iscariote, uccua huá ttu nu tsì'nu ca discípuluá. ⁴Judas nna huía làti tsè'e ca sacerdote principal a'hua canu ná jefe qui' guardia qui' templua nna bè' huá titsa' lani cã ti'iŷalá modo gutiã Jesús cuenta lani cã para gattie. ⁵Lãcã nna yala bedãcca'ni cã nna beyà'na cã qui'ni gute cã bel'liu quí'ì. ⁶Lã nna guŷi'ché' bá nna guduluã beyíla néda ti'iŷa modo gútiã ne cuenta lani cã, sin qui'ni làa tébé'ni yétsiá.

⁷Gùl-la' bá tsá ro cã ettaxtíla sin levadura nna uccua duel-la' gutti cã ttu carneru to' para sacrificio qui' tsá pascua. ⁸Jesús nna guthèl'le'e Pedrua nna Juáan nna rẽe cabi: Lítsiá nna guni le preparar para go ri'u nna éxalatsi' ri'u tsá yénì. ⁹Lãcabi nna ra cabi e: Gani calatsi' cuiã'lu' guni tu' a preparar. ¹⁰Lẽe nna rẽe cabi: Canchu chi gá'a le le' ciudá', nía nna etsà' le ttu

nubeyu' dénú'a tu ré'e inda. Tanó tẽ li a hãstaá le' yú'u làti éya'a.

¹¹Línneni enne' ná xana' yú'a nna ga li a: Guthel-la' Maéstruá intu' para inãba titsa' tu' cuiã'lu': Gani nua' dua cuarto làti ná qui'ni gua' lani ca discípulo quíy'i' nna guni tu' celebrar páscuì. ¹²Nubéyu'a nna gulue' taániã le ttu cuarto xeni nu chía dua léda bá duã iqquia ráa'lã, porqui'ni yú'a nna nã nu chuppa cua', nía nna liguni preparar para ri'u. ¹³Lãcabi nna huía cabi nna taxãcca' cabi ti'a nu chi ra Jesús cabía. Nía nna beni cabi preparar para páscuá. ¹⁴De gùl-la' hóraá nna gũduani Jesús lo méŷaá, a'hua ca apóstol lani e nna. ¹⁵Làniana rẽe cabi: Yàlani deseo té quia' gua' lani le tsá páscuì ántesca gattia'. ¹⁶Porqui'ni nia' le qui'ni labiru go ya' a attu hãstaá qui'ni ccã cumplir itútiã le' reino qui' Tata Dios.

¹⁷Jesús nna guŷi' tẽe vásuá nna gunàbèe bendición lani Tata Dios nna, làniana rẽe cabi: Líthi' a nna líquithia a entre lebi'i. ¹⁸Porqui'ni nia' le qui'ni labiru i'yá' inda qui' betsulí' hãsta'na canchu chi íl-lani reino qui' Tata Dios. ¹⁹Làniana Jesús nna guŷi' tẽe ettaxtílaá nna gunàbèe bendición; làniana gùl-le'ée na nna bì'e cabi nna rẽe: Nui nna nã cuerpo quia' nu rutía' por lebi'i. Ij ba guni le para nu chì' da'la, pero siempre éxalatsi' le inte'. ²⁰Beyacca díbã gutó sé' cabi nna, guŷi' huée vásuá nna rẽe: Vásuì nna runiã representar convenio cubi nu runia' segurúnì por medio de réni quia' nu ilàlia por lebi'ì. ²¹Pero linna'áruhuá qui'ni nu gútiã inte' cuenta para gattia', pues nìba rucã

ni'í lo meÿi lani a'. ²²Hualigani qui'ni Nubeyu' de Ñiabara' nna dia bée ttíe iyaba nu chi ná qui'ni ccá, pero ica'rútsi'íru nubeyu' nu guniã inte' traicionar. ²³De biyéni ca discípuluá ca titsa'a nna gudulo cabi gunàba titsa' luetsi cabi núyalá cabi nuá guni anía.

²⁴Huàdi hua ttu disgusto entre ca discípuluá acerca de núyalá cabi ccá adiru enne' re' cuenta. ²⁵Pero Jesús nna rée cabi: Iyaba ca rey yétsiloyuì nna rigú'ubia' cã itúbani, a'hua iyaba canu té la'huacca qui' qui' nna yala rudàliani ca enne' cã. ²⁶Pero entre lebi'i nna labí ccá á', sino qui'ni nu ná enne' principal entre lebi'í nna daniã eyacca lã ttu nu ruthète' tì'a ttu nu cuìti'. A'hua nu rigú'ubia' entre lebi'í nna daniã thú huá al tanto para guniã servir. ²⁷Porqui'ni, núlá dacca' adiru segun yétsiloyuì: Tsí nu ribé' lo meÿa, o tsí nu runi servir áccá. Tsí álahua adila dacca' nu ribé'ni lo meÿa cá. Pero inte' nna dua' entre lebi'í tì'a ttu nu runi servir. ²⁸Lebi'i nna tulidàba gutsé'e le lani inte' hàstaá lo iÿetse' ca prueba. ²⁹Acca inte' nna gutía' derecho qui' le para cu'úbia' le le' reino nu chi benna Tata quí'a lani inte', ³⁰para qui'ni í'ya go le lani inte' le' reino quíya'a, a'hua xuàni le lo ca xila' tsè'ni para guni le juzgar ca tsì'nu yetsi qui' ca enne' Israel.

³¹Señor nna ra huée: Simón, Simón, bè' cuidado qui' la'a mísmuba lu', porqui'ni Satanás nna chi té permiso qui'í guniã iyaba le probar, tì'a ttu campesino rùttiã ÿua'xtila le' ttu harnero. ³²Pero inte' nna chi gunàbania' Tata Dios

por lu' para qui'ni bittu eyàtsa fe qui' lu'. Lu' nna de chi beyéqquia lu' lani inte' attu nna ná qui'ni gútse'e tsittsi lu' ca bettsi' lu'. ³³Pedrua nna ra bi e: Señor, lístuba dua' para tsa'á' aláarùla litsi' iyyà lani cuiã'lu', sino a'hua hàstaá gattia' lani cuiã'lu'. ³⁴Jesús nna rée bi: Pedro, nì nia' lu' qui'ni annana labí thí'ché' lu' por tsunna vuelta qui'ni nabia'ni lu' inte', làniana cuetsi xcurúdiá.

³⁵Raáruhuá Jesús cabi: Loti' guthél-la'a' le sin morral nna sin bolsa para bel-liu nna sin guarachu nna, tsí beyatsa biÿa qui' le cá. Becàbi cabi nna ra cabi: Labí biÿa. ³⁶Làniana rée cabi: Pero annana nu té ttu morral qui'í nna, pues thí'a na, a'hua nu té ttu bolsa to' nu yù'uni bel-liu qui'í nna ná qui'ni huá'a na gaÿa tediba díã. Nu labí té ttu espada qui'í, pues ná qui'ni gúttí'a biÿa màsqui'di mata qui'í para ccá gó'oníã tu espada, porqui'ni chi' taání duã lanúruà' té lani le. ³⁷Porqui'ni caduel-la' ccá cumplir lani inte' iyaba nu ga'na escrito làti ra:

Làcã nna belàtsi' cã ne entre canu huèni maldad para gattie.

Pues iyate nu ga'na escrito acerca de inte' nna chi gul-lani tsá qui'ni ccã cumplir. ³⁸Làcabi nna ra cabi e: Señor, nì té chuppa teruba espada. Lèe nna rée cabi: Huacca taání ca nuã'.

³⁹Biria tè Jesús nna huíe Monte de los Olivos tì' ba nu runi bée. Ca discípulo qui'áa nna denó tè cabi e. ⁴⁰Bitsina' díbée nía nna rée cabi: Liguni oración para qui'ni là innia le le' ttu prueba nu labí ccani le

gúchia li . ⁴¹Làniana biria yèts'le nna hué ati'to' t  idittu', bedu y bie nna benie oraci n nna ⁴²r e: Tata quia', canchu calatsi' cui'lu' nna gutua b cui'lu' sufrimiento nu tt  y l  lani inte'; pero al a t a cabltsa'a', sino cc b seg n voluntad qui' cui'lu'. ⁴³L niana de repente ta gudu t  ttu ngel qui' y ibara' ru'a l e nna g pp e ad  fuerza qui'e para qui'ni bittu qu e desmayar. ⁴⁴De chi rehuin  xtt nie nna adila fuerte benie oraci n nna ind tha qui'e nna uccu ti'tan  c niba'  l-lani r ni binnia c loyu. ⁴⁵De beyacca beni oraci n nna bedulie nna bey qq ie l ti ts 'e ca disc pulo qui'a nna, bil'nie qui'ni ti'thi b cabi, porqui'ni yala chi guretsi cabi por tristeza nu uccuani cabi. ⁴⁶Jes s nna ra t e cabi: Leytha nna liguni oraci n, l naba qui'ni l a innia le le' tentaci n.

⁴⁷Hua rinne c nna b e nna bitsina' ch  canu y tse' ca contr riu. Judas ttu canu ts 'nu ca disc pulu nna d neru lo qui nna gubga' ru'a lo Jes s para g tttsa'l j ne. ⁴⁸Jes s nna ra t e na: Judas, ts  lani ttu beso rute lu' cuenta Nubeyu' de Yiabara' c. ⁴⁹Ca enne' ts 'e n a lani Jes s na, de bil'ni cabi ti'iy  chi ruthc' c ne nna, acca ra cabi e: Se or, guni d ' c 'a tu' qui' qui' lani espada c. ⁵⁰Ttu bi nna qu ethani b ' bi ttu siervo qui' nu n huexna' qui' ca sacerdot e nna guchu bi y ti n gui'j lado b ni. ⁵¹Ra t e Jes s: B ttu ru biy  guni le. L hue' l-la' c. L niana belppa' t e y ti naga' si rvu nna bey nie na. ⁵²L niana gunne Jes s

lani ca sacerdote principal 'hua lani canu n jefe qui' guardia qui' templua nna 'hua canu rig 'ubia' le' y tsi nna, quiere decir iyaba canu bitsina' para gud xu' c ne nna, r e c: Ts  da' le y 'u n' le espada nna y  nna para gud xu' le inte' preso ti'atsi n' ttu ubana c. ⁵³Ttu ttu ts b gud a' lani le le' templua nna, atsi' ni bihua bed xu' le inte'. Pero chi gul-la' hora qui'ni lebi'i nna la'huacca de la' ch l-la nna guni le nu calatsi' le.

⁵⁴Bed xu' c ne preso nna guche c ne litsi' huexna' qui' ca sacerdot e. Pedrua nna idittu' b den  bi e. ⁵⁵Bec a' t  c yi' le' l 'a. Guy ua ten  iyaba c ita'l ba y 'a. Pedrua nna gure' hu bi lani c. ⁵⁶Ttu sirvienta nna bil'ni Pedrua re' bi cuitta' y 'a nna bedca' ts 'bni bi nna ra ti: 'hua nui nna gur ni hu lani nub y '. ⁵⁷Pero Pedrua nna lab  guy 'ch ' b  nna ra la bi: Lu' niula, lab  nabia' te' nub y '. ⁵⁸Ti'to' ta bitola nna bil'ni ttu bi nna r: 'hua lu' nna enne' qui' hu qui' n lu'. Pedrua nna ra bi : Lab  n'. ⁵⁹Ttu hora ti'g bitola nna adila fuerte beni sostener nna r: Hualigani qui'ni nui nna gur ni hu lani  porqui'ni 'hua l nna n hu enne' Galilea. ⁶⁰Pedrua nna ra bi: Lu' nubeyu', n di l a y ' biy  nu ra lu'. Atsaba rinne Pedrua nna gur tsi ch  xcur di. ⁶¹L niana bed qq ia lo Se or nna gunn 'e Pedrua. Pedrua nna bexa t latsi' bi ca titsa' qui' Jes s loti' r e ba: Antesca cuetsi xcur di nna, tsunna vuelta  na lu' qui'ni lab  nabia'ni lu' inte'. ⁶²Acca yala behuin'ni bi nna, beria t  bi na nna bidits ni bi guretsi bi.

⁶³Canu bedàxu' cą Jesús preso nna yala burla beni cą ne nna bè' cą ne golpe. ⁶⁴Bethàya tè cą lúe lani ttu lári' nna gutìni ná' qui lúe nna ra tè cą ne: Gùnna tsánna nuŷa nua' bè'ą lu' nna canchu hualigani ná lu' ttu profeta. ⁶⁵A'hua lani iŷétse'éru ca titsa' mal nna beni cą seguir bedua dí' cą ne.

⁶⁶Huàni' bá nna betùppa canu rigú'ubia' entre ca enne' judíua lani ca sacerdote principal nna ca maestro de la ley qui' ca niá nna; iyaba cą nna guche' cą Jesús ru'a lo Junta Suprema. Nía nna gunàba titsa' cą ne nna ra cą: ⁶⁷Gutixa'áni intu' canchu lu' nuą' Cristua. Lèe nna rèe cą: Canchu quixa'ánia' le nna, labí tsíalatsi' le. ⁶⁸A'hua canchu biŷa inába titsa'a' le nna, labí ecàbini le inte' nihua làa gúla' huá le inte' nna. ⁶⁹Pero dèsdeba annana Nubeyu' de ŷiabara' nna cué'níe ŷiabara' lugar de la' dàliani qui' Tata Dios enne' té itute la'huacca qui'e. ⁷⁰De rèe ca titsa'a nna iyaba cą nna ra cą ne: Tsí hualigani ná lu' ŷi'ni Tata Dios cá. Jesús nna rèe cą: Lébi'i bá chi ra qui'ni á' ná'. ⁷¹Làniana ra cą: Biáruálá titsa' ni riquina' gúna ri'u cóntri' cá. Porqui'ni la'a mísmuba ri'u chi biyénini ri'u ca titsa' qui'.

23 Làniana guduli chi iyáŷiani cą nna guche' cą Jesús ru'a lo Pilátua. ²Gudulo tè cą betsia cą queja contra Jesús nna ra cą: Chi bedàxu' tu' nubéyu'i porqui'ni yala escándalo runia le' nación qui' ri'u nna labí calatsi'i quiŷa tu' nu ruthísi gobierno qui' rey qui' ri'u César nna reną qui'ni la'a labá ná Cristo, ti'átsi ná huá ttu

enne' rigú'ubia'. ³Làniana gunàba titsa' Pilátua Jesús nna ra: Tsí ná lu' Rey qui' ca judíua' cá. Becàbi Jesús nna rèe na: A'chu chi ra lu'. ⁴Pilátua nna ra cą sacerdote principal a'hua iyaba ca enne' tsè'e nía: Nìdi ttu falta làa retsèla te' qui' nubéyu'i. ⁵Pero làcą nna adila dítsa gunne cą nna ra cą: Yala alboroto runi ca enne' por causa de ca enseńanza qui'i, guduluą dèsdeba Galilea làniana le' itúŷiaba Judea hàstaá ni.

⁶Pilátua nna de biyéninią qui'ni Jesús nna bethète'nie ca enne' dèsdeba le' estado qui' Galilea, acca gunàba titsa'ą canchu née enne' galileo. ⁷De ùccuą saber qui'ni Jesús nna uccuee enne' galileo, acca gulèquua latsi'i ithél-la'ą ne ru'a lo Herodes nu uccua gobernador qui' Galilea. Herodes nna re' huá ciudad Jerusalén tiempo làniana.

⁸Bilá' báni Herodes Jesús nna, yala bedácca'nią porqui'ni chía gutsá uccua latsi'i gunibí'ą ne; porqui'ni iŷetse' ca cosa chi biyéninią nu cca qui'e, acca yala uccua latsi'i ilá'nią ne gunie ttu milagro. ⁹Herodes nna beni tią Jesús iŷetse' pregunta, pero lèe nna labí biŷa becàbinie na. ¹⁰Tsè'e tè ca sacerdote principal a'hua ca maestro de la ley, yala fuerte beni cą sostener nu gunne cą còntre. ¹¹Làniana Herodes nna lani ca soldado qui' niá nna yala bedua dí' cą ne nna beni cą ne burla nna begàccu' tè cą ne ttu lári' latsitte nu dacca' yáŷi nna. Làniana bethel-la' tią ne lani Pilátua attu. ¹²Dèsdeba tsá làniana nna yala amigo beyacca Pilátua lani Herodes. Antes nna bítsa'a báni luetsi qui'.

¹³Pilátua nna gutaŷi tią ca sacerdote principal nna canu rigú'ubi'á nna ą'hua ituba yétsiá nna ¹⁴ra ą: Chi tahu' le nubéyu'i ru'a lua' nna ra le qui'ni yala rigú'u títsa'ą ca enne' para chatha ą contra gobierno qui' rí'uj, pues iyaba chi gunába títsa' ya' ą ru'a lo le nna pero labí causa betselà te' qui'į acerca de ca queja nu rutsia le còntri, ¹⁵nìhua Herodes nna labí causa betseláni bi qui'į, acca bethel-la' bi ą nì attu. Nubéyu'i nna labí biŷa delito ni chi benią nu dacca' gattinią, ¹⁶acca guni tí'cà'a ya' ą castigar làniana gúlá' ya' ą. ¹⁷Anía ra Pilátua porqui'ni uccuą obligado qui'ni ttu ttu fiesta nna gúlá'ą ttu preso nu inàba yétsiá. ¹⁸Pero iyáŷiani ą guretsiyà'a ą ttu tiémpubá nna ra ą: Gatti bá nua' nna bela' bá Barrabás nà'. ¹⁹Barrabás nna tíą litsi' iyyà porqui'ni gùlanią canu gutfla alboroto le' yétsiá contra gobiérnuá nna betti ą ttu enne'. ²⁰Gunèni Pilátua ą attu nna uccua latsi'į gúlá'ą Jesús. ²¹Pero làçą nna adila dítsa guretsiyà'a ą nna ra ą: Betaá' ą lo curutsi, betaá' ą lo curutsi. ²²Pilátua nna bedenàba títsa' gáabą ą nu cca tsunna vuelta nna ra: Pues, biani mal ni chi beni nubéyu'i ni'i. Nidirubani ttu delito ni'i etsèla te' qui'į nu dacca' gattinią. Guni ba ya' ą castigar ti'to', lànialá nna gúlá' ya' ą. ²³Pero làçą nna adila túléchùni gutsé'e ą gunne ą idítsa nna gunàba ą qui'ni gutá' ca soldádua ne lo ttu yà curutsi. Canu yétsiá ą'hua ca sacerdote principal nna beni ba ą seguir guretsiyà'a ą hàstaá qui'ni uccua tì' calatsi'

qui'. ²⁴Làniana beni Pilato mandado qui'ni guthácca' ą Jesús tì'ba nu gunàba yétsiá. ²⁵Bethà'na tią libre nubeyu' nu té litsi' iyyà nu gutfla ruíduá nna bèttią enne', porqui'ni ą' bá gunàba ą. Pero Jesús nna bete tią ne cuenta làtsi' ná' ca enne' làa cca guyu ą néa.

²⁶De chi dia ą che' ą ne nna, tattsa' ą ttu nubeyu' Cirenéo lą Simón, déda'ą de lo tsina. Betsia tè ą curutsi qui' Jesús cù'į para huá'nía na nna tanó tią Jesús. ²⁷Dia tè iŷétse'ní ca enne' qui' ciudadad, entre làçą nna tse'e huá ttu te ca niula canu yala ribetsi ą nna rehuini'ni ą por nu ruthacca' ą Jesús. ²⁸Bedèqquia tè lo Jesús gùnne'e ca niuláa nna rèe ą: Lebi'į nu Jerusalén, bittu cuetsi le por inte' sino licuetsi la por la'a lebi'i ba nna por ca ŷi'ni le nna. ²⁹Porqui'ni hui'yu tsá qui'ni ina ą: Ica'rubà ca niula ná huètsi, canu labí begátsi' huatsa nna. ³⁰Por ca sufrimiento nu íl-lani nna, thulo ca enne' gatta'yúni ą ca i'ya nna ína ą: Liyinnia iquiqua tu'. Gá huá ą ca i'yatò': Liucàtsi' tí' intu', ³¹Ą ná nu ccá lani ca enne' canchu chì' ridulo ba ca sufrimiéntuą', pero tì'a gani ccá la'té qui' quí después lá cá. ³²Guche' huá ą lani Jesús chuppa canu hueni delito nu dacca' qui'ni gatti ą. ³³De bitsina' ą lani e làti láą Lugar Iquiqua Bega' Yatti, nía nna gùda ą ne lo yà curútsia. Aníahuá gùda ą chuppa canu hueni maldad lo áchuppa ca curútsia. Bedu ą curutsi qui' ttuą lado ná' bànie, áttuą lado ná' yàttie. ³⁴De rutá' ą Jesús lo curútsia nna, gùnne nna rèe: Tata

Dios, beyuniyén latsi' cuià'lu' qui' qui, porqui'ni labí yù cã biya nui runi cã. Làniana ca soldádua nna gùl'la'ání cã ca yúeá nna, bedàl'la cã rifa lo qui para gúlui'ã nuya ca yúeá gal'la' ttu ttu tsa cã. ³⁵Iyábani ca enne' yétsiá nna tsè'e cã rinna' cã. Canu rigú'ubia' le' yétsiá nna beni cã ne burla nna ra cã: Canu huaya' nna bedilà bá, pues gudilàa la'a làbã canchu hualigani ná Cristo enne' becué' Tata Dios. ³⁶A'hua ca soldádua nna beni huá cã ne burla, bitsina' cã nna bè' cã ne vinagre í'yèe, ³⁷ra tè cã ne: Canchu hualigani ná lu' Rey qui' ca enne' judío nna, bedilà la'a lù'ba. ³⁸Betá' tè cã ttu letrero yíiqueie lani ca titsa' griego nna latín nna hebreo nna rã: NUI NUA' NÁ REY QUI' CA JUDÍO. ³⁹Làniana ttu canu hueni delito tá' nía nna, bedua dí' huá Jesús nna rã ne: Canchu hualigani ná lu' Cristo nna, bedilà la'a lù'ba nna tsa'tsela tehuá intu'. ⁴⁰Attu nu tá' huá lo attu curútsia nna gutítsa'q na nna rã: Tsí átsahuá làa rátsini lu' juicio qui' Tata Dios de chi tá' huá lu' nà' para gatti lu', pues ⁴¹ri'u nna hualigani cca bá ri'u merecer sufrimiento nu ritè ri'u anna porqui'ni chía ríya ri'u por ca mal nu chi beni ri'u. Pero ènni'í nna labí biya mal benie. ⁴²Làniana ra tiã Jesús: Exa tí' chì latsi' cuià'lu' inte' canchu chi ita cuià'lu' para cu'úbia' cuià'lu'. ⁴³Jesús nna rèe na: Hualigani te' nia' lu' qui'ni anna taá chi du lu' lani inte' le' lugar de la' redacca' latsi' nna la'yeni nna.

⁴⁴De gùl'la' ttú tsì'nu hora ti'gá nna, bechul'la le' itúbani yétsiloyu hàstaá ritì tsunna. ⁴⁵Bitsã' nna

betua la'yani' qu'ì. Lári' rriani nu dàa le' templua nna biredà'a nna uccuã chuppa l-là'a. ⁴⁶Gunne tè Jesús idítsani nna rèe: Tata Dios quia', làtsi' ná' cuià'lu' rucà'na' espíritu quia'. Beyacca ba rèe anía nna, gùttie. ⁴⁷De bilá'ni capitán románuá iyaba nu uccua nna, guduluã bedàlianiã Tata Dios nna rã: Hualigani qui'ni nubéyu'í nna labí biya mal benie. ⁴⁸Iyaba ca enne' iyétse'ní tsè'e nía huia' nna bilá' huáni cã iyaba nu uccua. Deyya tè cã nna yala rue' losto' qui' porqui'ni yala sentir uccua cã. ⁴⁹Pero iyaba canu benibiá' cã ne, a'hua ca niula da' dèsdeba Galilea huálatsi' qui' ne nna, idittu' gutsé'le cã bilá'ni cã iyaba ca cosa nu uccua.

⁵⁰Gùdua ttu enne' lá bi José nu yetsi Arimatéa región qui' Judea. Làbi nna uccua bi ttu miembro lani Junta Suprema qui' ca enne' judíua. Yala enne' tsè' nna enne' de respeto nna uccua bi. ⁵¹Joséa nna hua yù hua bi qui'ni íl-lani reino qui' Tata Dios, acca labí de acuerdo gudu bi lani propósito qui' Júntaá ñihua lani ca hecho qui' canía nna. ⁵²Huía bi ru'a lo Pilátua nna gunàba bi cuerpo qui' Jesús. ⁵³Bechida diba bi e nna betùbi bi e ttu sávana nna gutìxa tè bi e le' bà nu dua le' ttu iyyatò' làti lanú nuya nu yàttini chi guyú'u. ⁵⁴Tsá lània nna runi prevenido qui' ca enne' para tsá yeni ná qui'ni edi' latsi' qui, nu ridulo gùl'là viernes lània. ⁵⁵Ca niula canu beni cã Jesús acompañar dèsdeba birie Galilea nna, huía huá cã nna bila'ni cã qui'ni chi gutta' cuerpo qui' Jesús le' bèlia nu gudua le' iyyatù'a. ⁵⁶Beyéquia tè

ca nna beni ca preparar especias nna unguento nu riláa' iŷixí nna, para cuerpo qui'e. Làniana bedi' latsi' qui conforme ti'a ra lo mandamiento qui' Tata Dios.

24 Dilatò'ni qui' tsá domínguá nna huía ca niuláa lo bàa. Làca nna bià' ca ca unguento iŷixi nu beni ca preparar. Huía huá átuchùppa ca niula lani ca. ²Bitsina' ca nna bilá'ni ca qui'ni íyya nu yáyani ru'a bàa nna, pues ttu lado la chi ri'á. ³Gutà'ta ba ca nna pero lanuru cuerpo qui' Señor Jesús té nía. ⁴Acca yala nùyue uccuani ca lani la' rátsilatsi'. De repente taá nna gùdu chuppa ca nubeyu' cuitta' qui, uccua tittini yó cabi. ⁵Ca niuláa nna yala gutsini ca nna bedètta' tè lo qui loyu. Ca ángeliá nna ra tè cabi ca: Biecca reyila le entre canu yatti enne' bàni cá, ⁶lanúrue té ni, pues chi beyáthee de lo lù'uti. Hua yù ba le biŷa gutixe'e loti' renífrue le' Galilea nna rée: ⁷Náduel-la' qui'ni Nubeyu' de Yiabara' nna gute ca ne cuenta làtsi' ná' canu tul-la' hàstaá qui'ni gutti ca ne lo yà curútsia, pero tsúnna ubitsa bitola nna eyáthee de lo lù'uti. ⁸Làniana bexa latsi' ca niuláa ca titsa' nu gunne Jesús. ⁹Bedà' tè ca lo bàa nna beyya ca huequixa'áni tsinia ca discípulá a'hua adí ca enne' iyaba ca così.

¹⁰María enne' Magdala nna, a'hua Juana nna, a'hua attu María nàna qui' Jacóbu nna, a'hua adí ca niula nna gutixa'a ca ca così ru'a lo ca apóstol. ¹¹Pero para làcabi nna puro cuento ba ná nu ra ca niuláa, acca labí huíalatsi' cabi nu ra canaá. ¹²Pero Pedrua nna huía

tè bi quèthani lo bàa. Gunna' tè bi liú'u nna bilá'ni bi tsua' teruba ca lári' nu betètsiní cabi Jesús. Bedà' tè bi nna yala belaba latsi' bi de nu uccua.

¹³La'a mísmuba tsá làniana nna, chuppa cabi nna deyya cabi ttu yetsi to' láq Emaús, ga'ná ttú tsunna legua ti'gá idittu' de Jerusalén. ¹⁴Dia cabi lo neda rue' cabi titsa' qui' iyaba ca cosa nu chi uccua. ¹⁵De rue' thuti cabi titsa' nna bitsina' tè la'a mísmuba Jesús nna dia tìe lani cabi. ¹⁶Pero làcabi nna labí bedácca'ni cabi qui'ni Jesús bá enni'a rida' lani cabi. ¹⁷Làniana rée cabi: Biani titsa' ní nuq' rue' le de yù'u le néda, biecca yala rehuiní'ni le nì'i. ¹⁸Becàbi ttu bi lá bi Cleofas nna ra bi e: Iyáyiani ca enne' nna yù ca biŷa ná nu uccua le' Jerusalén nàya náthiá'. Tsí làteruba lu' nu huía nà' nna labí yù lu' nu uccua cá. ¹⁹Làniana rée cabi: Biani uccua. Làcabi nna ra cabi e: Pues acerca de Jesús enne' Nazaret enne' uccue profeta qui' Tata Dios lani la'huacca, tantua por ca hecho quì'e le' templua ru'a lo iyábani ca enne', a'hua por ca titsa' tsè'ni quì'e nna, ²⁰pero ca sacerdote principal nna ca uxticia qui' tu'a' nna bete ca ne cuenta hàstaá qui'ni gulèqquia ca sentencia quì'e gattie nna, betaá' ca ne lo yà curútsia. ²¹Atsi'íni intu' nna uccuani tu' qui'ni lèe nuá enne' ná qui'ni ita gunie librar yetsi Israel. Pero anna lá cca tsunna ubitsa qui'ni gùttie lo curútsia nna bigàttsi' tìe. ²²A'hua yala uccuaŷí latsi' tu' por nu ra tuchùppa ca niula canu huía huá latsi' qui' ne. Làca nna huía ca ru'a bàa ántesca

tsáni', ²³pero núruhuá cuerpo qui' Jesús té nía, acca beyéqquia ça nna ra ça qui'ni bilá'ni ça ca ángel de ÿiabara' nna ra cabi ça qui'ni Jesús nna beyacca bâníe nna, ²⁴huía tè tuchùppa ca compañero qui' tu' ru'a bàa nna bilá'ni cabi qui'ni hualibani ca niuláa nu ra ça, pero labí bilá'ni cabi Jesús. ²⁵Làniana ra tè Jesús cabi: Lebi'i nu làa ritelíni. Yala bétsi cca le convencer para tsíalatsi' le iyaba nu gunne ca profeta, ²⁶tsí álahua uccua duel-la' qui'ni Cristua nna quée padecer iyaba ca cosí ántesca etsìne'e ÿiabara' para thí'e la' dàliani nna quée enne' ÿeni cá. ²⁷Làniana bethàtsi là'nànie cabi iyaba ca Escritura nu riquixá'a acerca de lèe, dèdèba ca libro nu bedia Moisés a'hua ca libro nu bedia iyaba ca profeta nna. ²⁸Betsina' bá cabi yetsi Emaús. Jesús nna benie ti'atsi dia bée adí idittu'. ²⁹Pero làcabi nna yala duel-la' beni cabi gutta'yúni cabi e nna ra cabi: Nìba beyà'na cuià'lu', porqui'ni chì' tegánì ràl-là. Làniana gut'à tìe litsi' cabi. ³⁰De chi re'níe lo méyáá lani cabi nna guÿi'e ettaxtílaá nna gunàbèe bendición nna gùl-le'ée na nna bì'e cabi. ³¹Làniana gutelíni cabi qui'ni Jesús bá enni'a. Pero lèe nna de repente taá bede'e ru'a lo cabi nna labiru bilá'ni cabi e. ³²Làniana ra tè luetsi cabi: Tsí álahua tì'a ttu yi' nu ràl-la' uccua titsa' qui'e lo losto' ri'u loti' gunènie ri'u de beyú'u ri'u nédaá nna gutixa'ánie ri'u nu ra lo Escritura cá. ³³Guduli tabá cabi nna beyéqquia cabi Jerusalén nna betseláni cabi tsìnia ca apóstol tsè'e cabi jùntubá, a'hua adí ca

enne' tsè'e lani cabi. ³⁴Làcabi nna gutixa'a tè cabi qui'ni hualigani chi beyátha Señor de lo lù'uti nna bâníe attu nna, a'hua chi bilá'ni Simón ne. ³⁵Làniana chuppa ca ènne'yu'a nna gutixa'a huá cabi iyaba nu uccua loti' deyú'u cabi néda para yetsi Emaús, a'hua tiliya modo bedácca'ni cabi e tiempo de gùl-le'ée ettaxtílaá nna.

³⁶Atsaba rinne cabi nna, la'a mísmuba Jesús nna gùdue lahui' iyaba cabi nna benie cabi saludar nna rèe: La'ÿeni para lo losto' le. ³⁷Pero làcabi nna yala gùtsini cabi, belába latsi' cabi qui'ni bilá'ni cabi ttu nu tsayèlà. ³⁸Pero lèe nna rèe cabi: Bianicca rátsini le nna gùl-lani la' rudu chùppanià lo losto' le nì'i. ³⁹Línna'áruhuá ca nàya' nna ca nì'a' nna, qui'ni la'a inte' ba nui. Liuláppa' nna línna' tsè', porqui'ni ttu espíritu nna labí yu'á belá' nìhua tsítta nna, inte' nna entero cuerpo ba ná' tì'taání rilá'ni le inte' dua' nì. ⁴⁰De rèe anía nna, belue'nie cabi ca né'e nna ca nì'e nna. ⁴¹Làcabi nna labí huía tè latsi' cabi por tanto la' redacca' latsi' canchu enni'a nua' Jesús. Lèe nna rèe cabi: Tsí hua té tí' qui' le biya go ri'u. ⁴²Bete tè cabi ttu pedazo bél-la nàyi' qui'e a'hua ttu etta ÿìxi bédu nna. ⁴³Guÿi' tìe ça nna bilá'ni cabi e gùtùe. ⁴⁴Làniana ra tìe cabi: Chi gutixa'ánia' le loti' reníruà' lani lía qui'ni uccua duel-la' ccá cumplir iyate nu ga'na escrito nu cca quia' lo ley qui' Moisés nna a'hua nu ra lo ca libro nu bedia ca profeta nna libro láq Salmos nna. ⁴⁵Làniana bethàtsie la' ritelíni qui' cabi para qui'ni telini cabi tsè' ca

enseñanza nu ra lo ca Escrituraá acerca de lèe nna, ⁴⁶rèe cabi: A' bá ga'na escrito, qui'ni uccua duel-la' qui'ni Cristua nna quée padecer, pero bìtsa tsunna nna eyáthee de lo lu'uti nna, ⁴⁷ná qui'ni ccá predicar lani nombre qui'e, dèsdeba Jerusalén hàstaá le' iyaba ca nación qui' yétsiloyu qui'ni eyacca ca enne' arrepentir nna eyuniyén latsi' Tata Dios ca tul-la' qui' qui. ⁴⁸Lebi'i nna chi bilá'ni le iyaba ca cosa nu uccua lani inte', para qui'ni cueqquia lí lé cą ru'a lo ca enne'. ⁴⁹Inte' nna ithél-la'a' lani le nu chi beni Tata quí'a prometer qui'ni gúnnée qui' le, pero lebi'i nna ná qui'ni cueda ba le

le' ciudad Jerusalén nì hàstaá qui'ni guni le recibir itute la'huacca de ȳiabara' nu gúnnée qui' le.

⁵⁰Jesús nna benérue cabi lo néda para fuera ciudáad nna guda' cabi lani e hàstaá yetsi láą Betania. Nía nna guchìtha né'e ru'a lo cabi nna benie cabi bendecir. ⁵¹Hua dàa càna ba né'e runie cabi bendecir nna de repente taá bede'e ru'a lo cabi nna déyyeé ȳiabara'. ⁵²Làcabi nna bedu taá ȳibi qui' nna beni cabi e adorar. Làniana beyéqquia cabi Jerusalén nna yala bedacca' latsi' cabi. ⁵³Tulidàba gùtse'e cabi le' templua bedàliani cabi Tata Dios.

A' uccua.